

*H. P. Jew*  
Institutiones &  
**LOGICÆ.**

IN USUM  
JUVENTUTIS ACADEMICÆ  
DUBLINIENSIS.



*By Narcissus*



*Marsh*

**DUBLINI,**  
Apud J. North, E. Dobson, & M. Gann  
ad Insignia Biblii & Coronæ in vico  
vulgó dicto Essex-Street, 1697,

*1697/4*



LOGICAE



1602 m. 4

ADURBIM  
And S. HELSHAM ad Angliam Collegii  
in vico vulgo dicto Collegii 1631

SYLLOGISMUS *scilicet* PROPOSITIONIBUS.

ΠΡΟΤΑΣΙΣ ἐστὶν ὁ κατὰ τὴν ἀποφασιν ἢ ἀποφασιστικὴ. *Arist. l. 1.*  
*τὴν κατὰ τὴν ἀποφασιν.* PROPOSITIO est oratio 1. *An.*  
 liquid de aliquo affirmans vel negans. *pr. c. 1.*

- { Aff: ut, *Homo est animal.*
- { Neg: ut, *Homo non est immortalis.*

Q. 1. Quot in Propositione reperiuntur? R.  
 Tria, sc. SUBJECTUM, PRÆDICATUM & COPULA.

1. SUBJECTUM est id, quod ordine constructionis præcedit verbum *Est*: ut, *Homo*, in allatis exemplis.
2. PRÆDICATUM est id, quod ordine constructionis sequitur verbum *Est*: ut, *Animal*, & *Immortalis*.
3. COPULA est verbum substantivum *Est*, conjungens Prædicatum cum Subjecto.

Q. 2. An tria ista semper ponantur in Propositione? R. Semper ponuntur *explicitè* vel *implicitè*.

Ponuntur *explicitè*, quando post verbum *Est* ordine constructionis nominativus sequitur: ut in *allatis exemplis*.

Ponuntur *implicitè*, quando vel verbum *Est* non ponitur, vel post illud ordine constructionis nominativus non sequitur.

*Johannes studet.*  
*Petrus orat Deum.*  
 ut, *Hypocrita cupit videri justus.*  
*Deus est.*  
*Pecus est Melibæi.*

Ratio est, quia Prædicatum semper debet  
 calu convenire cum Subjecto. Unde ut  
 explicite ponantur, resolvendum est ver-  
 bum in participium & verbum substan-  
 tivum *Est*, vel, si quid subintelligatur, il-  
 lud addendum est :

*Johannes est studens.*  
*Petrus est orans Deum.*  
 ut, *Hypocrita est cupiens videri justus.*  
*Deus est existens.*  
*Pecus est pecus Melibæi.*

Q. 3. Quot sunt PROPOSITIONES in Syl-  
 logismo? R. Tres, sc. MAJOR, MI-  
 NOR & CONCLUSIO.

1. MAJOR PROPOSITIO est, quæ primo  
 loco ponitur.
2. MINOR PROPOSITIO est, quæ secun-  
 do loco ponitur.
3. CONCLUSIO est, quæ ultimo posita  
 sequitur notam illativam Ergo :

*Homo est animal* } Major,  
 ut, *Rationale est homo; ergo* } Minor.  
*Rationale est animal.* } Conclusio.

Q. 4. Quot sunt TERMINI in Syllogi-  
 smo? R. Tres, sc. MAJOR, MINOR  
 & MEDIUS TERMINUS.



## PROPOERTIA SYLLOGISTICA:

1. MAJOR TERMINUS est Prædicatum Conclusionis: ut, *Animal.*

2. MINOR TERMINUS est Subjectum Conclusionis: ut, *Rationale.*

3. MEDIUS TERMINUS est, qui tam in Majore quam in Minore propositione ponitur, & non in Conclusionem: ut, *Homo.*

Q. 5. Quot modis disponi possit MEDIUS TERMINUS? R. Tribus modis;

1. Ut sit Subjectum Majoris, & Prædicatum Minoris Propositionis; quæ vocatur PRIMA FIGURA:

ut,  $\left\{ \begin{array}{l} \text{Homo est animal.} \\ \text{Rationale est homo. ergo} \\ \text{Rationale est animal.} \end{array} \right.$

2. Ut sit Prædicatum utriusque (Majoris & Minoris propositionis;) quæ vocatur SECUNDA FIGURA:

ut,  $\left\{ \begin{array}{l} \text{Animal est homo.} \\ \text{Rationale est homo. ergo} \\ \text{Rationale est animal.} \end{array} \right.$

3. Ut sit Subjectum utriusque; quæ vocatur TERTIA FIGURA:

ut,  $\left\{ \begin{array}{l} \text{Homo est animal.} \\ \text{Homo est rationalis. ergo} \\ \text{Rationale est animal.} \end{array} \right.$

quæ hæc Sententiæ continentur;

Sub: Præ: PRIMA. Bis Præ: SECUNDA. TERTIA bis Sub:

Q. 6. Quot sunt MODI SYLLOGISTICI? R. Novendecim ( quorum 14 sunt DI-REC.

# PROOPIA SYLLOGISTICA:

**RECTI, & 5 INDIRECTI** his ver-  
ficulis comprehens;

Fig. 1. } BARBARA. CELAEnt. DAH. FE-  
          } IO. (BARAllpton.  
          } CELAntEs. DABlIs. FAPESmO.  
          } FRIEIO morum.)  
Fig. 2. } CELARE. CAMEstrEs. FEHInO.  
          } BAIOcO.  
          } DARApTI  
Fig. 3. } FEIApION. DISAmIs. DATIsl. BO-  
          } cardO. FErHOH.

Horum quinque, ad primam Figuram  
pertinentes, parenthesi inclusi, sunt IN-  
DIRECTI, id est, Minor Terminus de  
Majore prædicatur in Conclusionem.

ubi notandum est,

1. Quod tres primæ Syllabæ cujusvis vo-  
cabuli denotant tres Propositiones Syl-  
logismi; sc. prima MAJOREM, secunda  
MINOREM, &c.

2. Quod quatuor vocales A.E.I.O. hoc  
modo significant; sc.

A. Propositionem universalem Affirmati-  
vam, seu de omnibus affirmat; cujus Sig-  
num est OMNIS: ut, *Omnis homo est animal.*

E. Propositionem universalem Negati-  
vam, seu de omnibus negat; cujus Sig-  
num est NULLUS: ut, *Nullus homo est*  
*irrationalis.*

I. Propositionem Particularem Affirmati-  
vam, seu de aliquibus affirmat; cujus Si-  
gnum est ALIQUIS: ut, *Aliquis homo est*  
*animal.*

O. Propositionem Particularem Negativam, seu de Aliquibus negat; cujus Signum est **ALICUIUS NON**: ut, *Aliquis homo non est immortalis.*

Juxta hoc Distichon;  
Afferit A, Negat E; verum Generaliter ambæ;  
Afferit I, Negat O; sed Particulariter ambo.

Exempla Syllogismorum in  
MODIS cujusvis FIGURÆ.

- Fig. { 1. { BAR- Omnis homo est animal.  
          { bA- Omne rationale est homo. ergo  
          { rA- Omne rationale est animal.  
          { 2. { CE- Nullum animal est homo.  
          { rA- Omne rationale est homo. ergo  
          { rE- Nullum rationale est animal.  
          { 3. { DA- Omnis homo est animal.  
          { rAp- Omnis homo est rationalis. ergo  
          { cI- Aliquod rationale est animal.

Quod si Major vel Minor propositio Syllogismi desit, vocatur **ENTHYMEMA**:

ut, { Omne rationale est homo. ergo  
          { Omne rationale est animal.

Cujus prior propositio dicitur **ANTECEDENS**, posterior **CONSEQUENS**; & Illatio Consequentis ex Antecedente dicitur **ARGUMENTUM**.

DE SYLLOGISMO HYPOTHETICO.

Q. 7. An præter nominatos dantur alii Syllogismi? R. Dantur alii, magis usitati, li-



# PROPOSITIONES SYLLOGISTICAE

licet minus boni; qui vocantur **HYPO-  
THETICI**:

Si homo sit rationalis, homo est risibilis.  
ut, Sed homo est rationalis. ergo  
Homo est risibilis.

Quorum Major propositio constat ex **AN-  
TECEDENTE & CONSEQUENTE**:

Si homo sit rationalis, est **ANTECE-  
DENS**.  
ut, Homo est risibilis, est **CONSE-  
QUENS**.

Q. 8. Quot sunt **MODI** syllogismorum **HY-  
POTHETICORUM**? R. Duo.

1. A positione **ANTECEDENTIS** ad positi-  
onem **CONSEQUENTIS**, i.e. cum sumitur  
Antecedens pro Minore, & inde inferitur  
Consequens pro Conclusionem: ut in al. Ex.

non contra: Si Equus currit, movetur.  
ut, Sed Equus movetur. Ergo  
currit.

2. A Remotione **CONSEQUENTIS** ad  
remotionem **ANTECEDENTIS**, i.e. cum  
sumitur oppositum Consequentis pro  
Minore, & inde inferitur oppositum Antece-  
dentis pro Conclusionem:

Si Equus currit, movetur.  
ut, 1. Sed Equus non movetur. ergo  
non currit.  
Si Equus non movetur, non currit.  
ut, 2. Sed Equus currit. ergo  
movetur.

# ΠΡΟΘΕΩΡΙΑ SYLLOGISTICAL

3. } Si Simia non sit irrationalis, est homo.  
 } Sed Simia non est homo. ergo  
 } est irrationalis.  
 4. } Si Simia sit rationalis, non est brutum.  
 } Sed Simia est brutum. ergo  
 } non est rationalis.

Non contra:

1. } Si Equus currit, movetur.  
 } Sed Equus non currit, ergo  
 } non movetur.  
 ut, }  
 2. } Si Equus non movetur, non  
 } currit.  
 } Sed Equus movetur. ergo  
 } currit.

## DE SYLLOGISMO DISJUNCTIVO.

Q. 9. An dantur adhuc alii Syllogismi uti-  
 litati? R. Dantur **DISJUNCTIVI**:

ut, } Aut dies aut nox est.  
 } Sed non est dies. ergo  
 } est nox.

Q. 10. Quot sunt **MODI** Syllogismorum **DIS-**  
**JUNCTIVORUM**? R. Est unicus tan-  
 tum, sc:

A remotione reliquarum partium ad po-  
 sitionem unius.

ut, } Aut pax est, aut bellum, aut  
 } inducie.  
 } Sed neq; pax est, neq; bellum. ergo  
 } sunt inducie.

Non

# PROOPIA SYLLOGISTICA:

Non contra:  $\left\{ \begin{array}{l} \text{Felix est vox masculini vel fa-} \\ \text{minini vel neutrius generis.} \\ \text{ut, } \left\{ \begin{array}{l} \text{Sed est vox masculini generis, ergo} \\ \text{non est feminini vel neutrius,} \\ \text{\&c.} \end{array} \right. \end{array} \right.$

DE SYLLOGISMO DISIUNCTIVO.

DISIUNCTIVUS

IN.



# INSTITUTIONES LOGICÆ.

**L**OGICA (seu DIALECTICA) est ars  
instrumentalis, dirigens mentem no-  
stram in rerum cognitione.

Unde pro triplici mentis operatione, (sc.  
APPREHENSIONE *simplici*, JUDICIO &  
DISCURSU) tres sunt Partes Logicæ;

1. DE TERMINO SIMPLICI.
2. DE ENUNCIATIONE.
3. DE ARGUMENTATIONE.

Quarum prima primam, secunda secun-  
dam, & tertia tertiam mentis operationem di-  
rigit.

## P A R S I.

### DE TERMINO SIMPLICI.

ΟΡΟΣ ἐστὶν τὸ ὃν διακρίνεται ἢ πρὸς τὸ ὅτι καὶ Arist. I.  
τηροῦμενον, καὶ τὸ καθ' ὃ κατηγορεῖται. TER- I. An.  
MINUS est, in quem resolvitur propositio, pr. c. I.  
ut prædicatum, & id de quo prædicatur. Ita-  
que in omni propositione sunt duo Termini, sc.  
SUBJECTUM & PRÆDICATUM.

## *Institutionum Logica*

Q. 1. Quare Subiectum & Prædicatum vocantur **TERMINI**? R. Quia sunt extrema propositionis, quæ illam terminant. Extrema enim cuiusque rei vocari solent ejus **Termini**: ut in *Linea*, *primum & ultimum punctum* vocantur *Termini lineæ*.

Q. 2. An voces extra propositionem positæ sunt **TERMINI**? R. Non sunt propriè, quia non sunt extrema propositionis: vocantur tamen **TERMINI**, quia saltem aptæ sunt locum extremorum obtinere. *Sicut apud Grammaticos Conjunctio dicitur, licet nihil conjungat; quia ex vi sua significationis apta est verba vel sententias conjungere.*

Terminus est **SIMPLEX** vel **COMPLEXUS**.

Terminus **SIMPLEX** est, qui simplicem habet significationem: ut, *Homo, Animal rationale,*

Terminus **COMPLEXUS** est, qui compositam habet significationem, id est, plura simul significat: ut, *Homo albus. Pluit.* Id est, cælum vel nubes pluit.

Q. 3. An uterque hic Terminus ad primam partem Logicæ pertinet? R. Non, sed *simplex* tantum; nam *complexus*, quia est Oratio, pertinet ad secundam.

Termini simplices hic spectantur vel *in se*, vel prout in certas rerum **CLASSES** dispositi sunt. Ter-

## **Pars I. De Terminis simplicibus.**

Termini simplices in se spectati vel *separatim* vel *conjunctim* considerantur.

Terminus simplex separatim consideratus est SYNCATEGOREMATICUS, CATEGOREMATICUS vel MIXTUS.

Terminus SYNCATEGOREMATICUS est vox, quæ per se nihil significat, sed aliis juncta illis certum significandi modum tribuit: ut, *Omnis, nullus, utinam, apud, &c.* Quidam ex his dicuntur SIGNA, quia significant vocem, cui adjunguntur, sumi universaliter vel particulariter. Unde SIGNA sunt Universalia: ut, *Omnis, quilibet, nullus, &c.* vel Particularia: ut, *Aliquis, quidam, aliquis non, &c.* & utraq; vel Affirmativa: ut, *Omnis, aliquis, &c.* vel Negativa: ut, *Nullus, aliquis non, &c.*

Terminus CATEGOREMATICUS est vox, quæ per se aliquid significat, nec ullum includit Syncategorema: ut, *Homo, lapis, &c.*

Terminus MIXTUS est, qui Categorema & Syncategorema includit: ut, *Nemo*, id est, nullus homo. *Nusquam*, i. e. nullo loco.

Q. 4. An qui à Categoremate aliquo derivatur (ut *Hominis, doctè, sapienter, &c.*) est Terminus SYNCATEGOREMATICUS? R. Non, sed ad suum Categorema reducendus est.



2. 5. An SYNCATEGOREMA proprie est Terminus? R. Non, quia per se non potest esse subiectum aut prædicatum propositionis, sed illis tantum adiungis, cum non sit significativum, sed consignificativum.

## DE TERMINO CATEGOREMATICO.

Terminus CATEGOREMATICUS trifariam dividitur.

- I. Prima Divisio Termini Categorematici est in RELATIVUM & ABSOLUTUM.

Terminus RELATIVUS est, qui significat respectum ad aliud: ut, *Pater, filius, &c.* Nam non potest intelligi *pater*, nisi ut respectum habens ad *filium*, sive ut *filii pater*; nec *filius*, nisi ut *patrius filius*, &c.

Terminus ABSOLUTUS est, qui non significat respectum ad aliud: ut, *Homo, linea, albedo, &c.*

- II. Secunda Divisio Termini Categorematici est in CONCRETUM & ABSTRACTUM: nec non in CONNOTATIVUM & ABSOLUTUM; DENOMINATIVUM & DENOMINANTEM, qui illis pæne æquivalent.

- i. Terminus CONCRETUS est, qui significat Formam & Subiectum: ut, *Album*. Significat enim *Albedinem*, quæ est Forma; & rem affectam *albedine*, quæ est Subiectum ejus. Nam sic integre redditur. *Album est res affecta albedine.*

## Part I. De Terminis Categoriarum.

Q. 6. Quid hic vocatur *Forma* & quid *Subiectum*? R. *Forma* hic dicitur omne id, quod alteri Denominationem aliquam seu appellationem tribuit: ut, *Albedo* respectu lactis; quia dat illi denominationem albi. Et *Subiectum* hic est omne id, quod ab altero denominationem aliquam seu appellationem suscipit: ut, *Lac* respectu albedinis; quia suscipit ab illa denominationem albi.

Terminus Concretus est DENOMINANS INTRINSECE vel EXTRINSECE.

Terminus DENOMINANS INTRINSECE est, qui tribuitur ei, in quo est *Forma* per ipsum significata: ut, *Album*. Nam tribuitur lacti, nivi, papyro, &c. in quibus est *albedo*.

Terminus DENOMINANS EXTRINSECE est, qui tribuitur ei, in quo non est *Forma* per ipsum significata: ut, *Videri*, *visum esse*, &c. Nam tribuitur parieti, in quo *Forma* per ipsum significata, sc. *Visio*, non est, sed in oculo. Talia sunt omnia verba & participia passiva actiones animæ significantia: ut, *Audiri*, *intelligi*, *amari*; *Auditum*, *intellectum*, *amatum esse*, &c. Nam pecunia dicitur *amari*, cum amor non sit in pecunia, sed in animo amantis. Item pleraque verba & participia activa alias actiones significantia: ut, *Illuminare*, *calefacere*; *Illuminans*, *calefaciens*, &c. Nam ignis dicitur

*calefacere aquam; cum calefactio non sit in igne, sed in aqua.*

Terminus **ABSTRACTUS** est, qui solam Formam significat; ut, *Albedo*.

2. Terminus **CONNOTATIVUS** est, qui significat Formam quasi adjacentem: ut, *Album, dulce, &c.*

Q. 7. Quid est significare Formam quasi adjacentem? R. Est significare *Adjectivum*. Itaque sola *Adjectiva*, & quæ per modum adjectivorum significant (ut *Relativa, Dominus, servus; pater, filius, &c.*) sunt *Connotativa*.

Q. 8. Quotuplex significatum habet Terminus *Connotativus*? R. Duplex, *Materiale & Formale*. Significatum *materiale* est subjectum Formæ nomine *Connotativo* expressæ. Significatum *Formale* est ipsa Forma; ut, *Album* pro significato *Materiali* habet *rem affectam albedine*, v. g. *lac*; pro *Formali*, ipsam *Albedinem*.

Q. 9. An Terminus *Connotativus* significatum suum *Materiale & Formale* eodem modo significat? R. Non; nam *Materiale* significatur *in recto*: *Formale* *in obliquo*: Id autem significatur *in recto*, quod in explicatione Termini significantis ponitur in *Nominativo* casu; & Id significatur *in obliquo*, quod ponitur in *obliquo*: ut, *Album* explicatur, *res affecta albedine*.

Q. 10.



Pars I. De Termino simplici.

37

2. 10. Quid est igitur Connotare, & quid Connotatum? R. Connotare est, præter id quod in recto significatur, aliquid importare in obliquo. Connotatum est id, quod in obliquo significatur, ultra id quod importatur in recto: ut, Pater dicitur connotare filium, & Filius esse ejus connotatum; quia pater est is, qui genuit filium.

Terminus ABSOLUTUS est, qui non significat Formam quasi adjacentem: ut, Albedo, Lapis, Himo, &c. Unde aliter hic sumitur; ac ut Relativo oppositus.

3. Terminus DENOMINATIVUS idem est, qui Connotativus; estque triplex.

1. Voce tantum, qui cum aliquo Abstracto convenit initio dictionis, sed ab eo differt formali significatione: ut, Somnolentus, respectu abstracti Somnus, qui significat quietem naturalem; at Somnolentus, vitium. Hic ad Grammaticam pertinet.

2. Significatione tantum, qui cum aliquo abstracto convenit tantum significatione, non voce: ut, Dormiens respectu abstracti Somnus.

3. Voce & significatione simul qui cum aliquo abstracto convenit significatione & initio dictionis, sed ab eo differt finali terminatione: ut Album respectu abstracti Albedo. Hic solum definitur ab Arist. his verbis,

Arist.

ΠΑΡΟΝΤΙΑ λέγεται ἰσὺ ἀπὸ τῆς διαίρεως Cat. c.  
ἐν ᾗ τὸ αὐτὸ, καὶ κατὰ τὴν οὐκ ἀποσπασμένην ἔχει I.

E

DE-

## *Institutionum Logicæ*

**DENOMINATIVA** dicuntur; quæcunque ab aliquo differentia casu, inde nominis appellationem habent.

Terminus **DENOMINANS** est abstractus Denominativo vel Connotativo respondens: ut, *Albedo*. Vocatur **FORMA DENOMINANS**.

Termino Denominativo & Denominanti responderet **DENOMINATUS**, qui est subiectum de quo Forma dicitur: ut, *Cygnus*, respectu *albi*. Vocatur **SUBJECTUM DENOMINATIONIS**.

III. Tertia Divisio Termini Categoriamati est in **SINGULAREM** (seu **INDIVIDUUM**) & **COMMUNEM**.

### **DE INDIVIDUO.**

*Porphy.*

*Isag. c. 2.*

*Scilicet 27.*

**INDIVIDUUM** est, quod de uno solo particulari dici potest: ut, *Johannes*, *Petrus*, &c.

**Q. I.** Quomodo *Johannes* est Individuum, cum de pluribus dicatur? **R.** Est Individuum, quia ex se significat hunc solum singularem hominem, qui sic appellatur. Quod verò alii etiam eodem nomine conveniant, hoc est merè per Accidens, & præter institutionem propriorum nominum. Nec aliquid illis commune denotat; sed in significatione prorsus diversa illis attribuitur. Adeo ut vox *Johannes* (& idem est de aliis similibus)

(libus) quoad sonum quidem multis communis sit; quoad significationem verò uni propria; proindeque sit *Terminus singularis*: quia penes significationem Termini attendendi sunt.

Individuum est **DETERMINATUM** vel **VAGUM**.

Individuum **DETERMINATUM** est, quod de uno certo particulari dicitur. Et exprimitur 4. Modis.

1. Per Nomen Proprium: ut, *Aristoteles*. Et dicitur Individuum Signatum seu *Determinatum* (sc. ex Nomine)

2. Per Nomen Commune & Pronomen demonstrativum: ut, *Hic homo*. Et dicitur Individuum *Demonstrativum*.

3. Per Nomen Commune, quod sumitur pro Proprio: ut, *Philosophus* pro Aristotele. *Orator* pro Cicerone, &c.

4. Per Periphrasin: ut, *Præceptor Alexandri*, i.e. *Aristoteles*. Et dicitur Individuum *Periphrasticum*. Hæc duo postrema vocantur Individua ex *Hypothesi*; quia facta cerâ suppositione tantum dicantur de uno (cum absolute ex vi significationis suæ dici possint de multis) ut, *Philosophus* & *Præceptor Alexandri* de Aristotele; supposito, ibi sermonem esse de Principe Philosophorum; sic Alexandrum unum tantum Præceptorem habuisse.

Individuum **VAGUM** est, quod de uno



particulari incerto ( seu indeterminato ) dicitur. Et exprimitur per Nomen commune & Pronomen particulare : ut, *Aliquis homo. Quidam equus, &c.*

- Q. 2. An Individuum VAGUM sit propriè dictum Individuum? R. Absolutè loquendo non est; quia dici potest de multis : ut, *Quidam homo* de Johanne, Petro, &c. Vocatur tamen Individuum, quia unumquid per illud ordinariè designamus.

### DE TERMINO COMMUNI.

Terminus COMMUNIS est, qui dici potest de multis divisim sumptis : ut, *Homo*, de Johanne & Petro, &c.

- Q. 1. Quid est dici de multis divisim sumptis? R. Est eorum singulis tribus seorsim : ut, *Johannes est homo. Petrus est homo, &c.* Non omnibus conjunctim : ut, *Populus* vel *Numerus* tribuitur Johanni & Petro, &c. cum dico, *Johannes & Petrus & cæteri homines Dublinenses sunt populus vel numerus.* Hujusmodi dicuntur Termini COPULATIVI vel COLLECTIVI ; suntque revera singulares ( non communes ) quia unam singularem seu particularem collectionem significant. Quatenus verò *populus* de hoc & illo populo dici potest, sic est Terminus COMMUNIS; quia multis collectionibus tribuitur. Et sic de cæteris.

Terminus Communis est **ÆQUIVOCUS** vel **UNIVOCUS**, Ter-

Terminus **ÆQUIVOCUS** est, qui pluribus tribuitur in diversâ significatione: ut, *Gallus* homini & avi. *Homo* vero & picto  
 2. Unde cognosci potest terminum aliquem *pluribus tribui in diversâ significatione*. R. Hinc, quod varius conceptus ei respondeat in mente, prout uni & alteri attribuitur (i.e. quod ejus significata variè concipiuntur) & hoc fit, quando diversæ explicationes illi debent adhiberi: ut, *Homini*, respectu veri & picti; quia ille est *animal rationale*; hic, *Figura & imago hominis*. Unde constat Terminum **ÆQUIVOCUM** non esse propriè *unum*, sed *multiplicem*, quia multiplicem habet significationem; adeoque revera non esse *Terminum communem*.

Terminus **Æquivocus** est **PURE ÆQUIVOCUS** vel **ANALOGUS**.

Terminus **PURE ÆQUIVOCUS** est, qui plura æquè primò significat: ut, *Canis*, domesticum, coelestem & marinum; *Gallus*, hominem & avem.

Terminus **ANALOGUS** est, qui plura non æquè primò significat; sed unum primariò, alterum secundariò: ut, *Homo*, verum hominem primariò & propriè, pictum secundariò & impropriè significat.

Terminus **Æquivocus** dicitur **ÆQUIVOCUM ÆQUIVOCANS**, quod est nomen commune pluribus tributum in di-

versâ significatione. Huic respondent **ÆQUIVOCA ÆQUIVOCATA**, quæ sunt res plures, quibus idem nomen in diversâ significatione tribuitur: ut, *Domeſticus*, *Cæleſtis* & *Marinus* respectu Canis. Hæc sola deficiuntur ab Arist: his verbis,

Arist.  
Categ.  
c. 1.  
sect. 1.

ΟΜΟΝΥΜΑ λέγεται, ὅτι ὅμοια ὡς ἓν πρὸς ἓν, ὡς  
καὶ τὸ ὄνομα λέγει τῆς ἑσίας ἑνός. **ÆQUIVOCA** sunt, quorum nomen solum commune est; ratio vero substantiæ nomini accommodata diversa, i. e. sunt entia plura, quibus tribuitur idem nomen, sed ita ut definitio seu explicatio nominis sit diversa.

Terminus **UNIVOCUS** est, qui pluribus tribuitur in eadem significatione: ut, *Homo*, *Johanni*, *Petro*, &c.

Q. 3. Unde cognosci potest Terminum aliquem pluribus tribui in eadem significatione? R. Hinc quod idem conceptus ei semper in mente respondeat (i. e. quod ejus significatum eodem modo semper concipiatur) & hoc fit, quando eadem explicatio semper illi potest accommodari: ut, *Homini*, respectu *Johannis*, *Petri*, &c. quia semper explicatur per *animal rationale*. Hoc accidit, quoties idem nomen pluribus imponitur, ad illud significandum, in quo conveniunt.

Terminus Univocus dicitur **UNIVOCUM UNIVOCANS**, quod est nomen commu-



ne pluribus tributum in eadem significatione. Huic respondent UNIVOCA UNIVOCATA, quæ sunt res plures, quibus idem nomen in eadem significatione tribuitur: ut, *Johannes & Petrus*, respectu hominis. Hæc sola definiuntur ab Arist. his verbis,

ΣΥΝΟΝΤΜΑ λέγεται, ὅτι τὸ τι ὄνομα κοινόν, καὶ ἡ ἀρὶς τῶν ὀνομαζομένων. *Arist. categ. c. 1. sect. 2.*

UNIVOCA dicuntur, quorum & nomen commune est, & ratio substantiæ nomini accommodata est eadem, i. e. sunt Entia plura, quibus tribuitur idem nomen, ita ut definitio seu explicatio nominis semper maneat eadem.

Terminus Univocus est propriè *Communis*, & dicitur UNIVERSALE vel PRÆDICABILE.

## DE PRÆDICABILIBVS.


ΚΑΘΟΛΟΓ ἰσχύει, ὅτι πλεονεχὲς εἶδος καλεῖται. *Arist. de Interp. c. 7. sect. 1.*

UNIVERSALE (seu PRÆDICABILE) est, quod suâ naturâ aptum est prædicari de pluribus: ut, *Homo*, respectu *Johannis & Petri*, &c. Licet enim dicere *Johannes est homo*, *Petrus est homo*, &c.

Quare dicitur aptum est prædicari; & non potest, prædicatur? R. Quia non est necesse, ut actu prædicetur UNIVERSALE (hoc enim constituit PRÆDICATUM)

TUM) sed satis est, quod aptum sit prædicari; ut sit, dum ponitur extra Propositionem; aut in ea tenet locum Subjecti; vel unicum solum Individuum habet: ut, *Sol, Luna, &c. & Homo*, cum solus Adam creatus fuerit.

*Universale seu Prædicabile* est quintuplex, sc. **GENUS, SPECIES, DIFFERENTIA, PROPRIUM & ACCIDENS**; quorum numerus ex modo prædicandi sic colligitur.





---

**ARBOR**

# ARBOR PORPHYRIANA

Scu petid:

## Linea Prædicamentalis.



R



Porph.

Hag. c. 2.

Arist. 1.

1. Top. c.

5.

## DE GENERE ET SPECIE.

GENOS ἐστὶ τὸ κατὰ πλείονος ἢ διασπείλον τὸ  
 ὅτι οὐ τὸ πρὸς τὴν ἀντιστοίχιστον. GENUS est,  
 quod de pluribus specie differentibus præ-  
 dicatur in Quid: ut, Animal de Homine  
 & Bruto; & sic reliqua superiora in linea  
 prædicamentali. Post Copulam hîc in-  
 telligitur Universalis, ut sit; Genus est uni-  
 versale, quod &c. quod & In Definitionibus  
 aliorum Prædicabilium intelligendum e-

Q. 1. Quæ per specie differentia hîc intelligun-  
 tur? R. Species differentes, i. e. quæ sunt  
 diversæ naturæ seu essentiæ: ut, Homo &  
 Brutum sub animali, &c.

Q. 2. Quid est prædicari in Quid? R. Est esse  
 prædicatum propositionis, per quam re-  
 spondetur questioni factæ per Quid: ut si  
 queratur, Quid est homo? Respondetur,  
 Homo est animal.

Porph.

Hag. c. 2.

Εἰδος ἐστὶ τὸ κατὰ πλείονος ἢ διασπείλον τὸ  
 ὅτι οὐ τὸ πρὸς τὴν ἀντιστοίχιστον. SPECIES  
 est, quod de pluribus numero differentibus  
 prædicatur in Quid: ut, Homo, de Johan-  
 ne & Petro, &c.

Q. 3. Quæ hîc dicuntur differentia numero?  
 R. Quæ sic tantum distinguuntur, ut fa-  
 ciant numerum: ut, Johannes & Petrus,  
 qui faciunt numerum binarium. Unde hac  
 Definitione excluditur Genus compara-  
 tum ad Species diversas aut ad earum In-  
 dividuas: ut, Animal ad Hominem & Bru-  
 tum, & ad Johannem & Bucephalum, quæ  
 quæ

quidem differunt numero, sed non tantum.

Q. 4. Quomodo Species predicatur de numero differentibus? R. Immediate ac de iis solis. Nam Genus predicatur de illis mediate: ut, *Animal* de *Johanne* & *Petro* mediante *homine*; nec tamen de iis solis.

Huic Speciei *Predicabili* subjungitur *Subjicibilis*.

Εἰς δὲ τὴν τὸ καθόλου καὶ τὸ ἰδίον, καὶ τὸ *Ibid.*

Species (*Subjicibilis*) est, quæ subjicitur Generi, & de qua Genus predicatur in *Quid*: ut, *Homo*, respectu *Animalis*. Et sic de reliquis ascendendo in linea Prædicamentali.

Q. 5. Quomodo Species subjicitur Generi? R. Directè & Immediate. Nam Differentiæ subjiciuntur indirectè & collateraliter; ut, *Rationale* & *Irrationale* *Animali*: Et Individua mediate; ut, *Johannes* & *Petrus* eidem, mediante *Homine*. At sola Species directè & immediate subjicitur.

Genus in *Summum* & *Subalternum*, & Species in *Infimam* & *Subalternam* dividitur.

Εἰς δὲ τὸ καθόλου καὶ τὸ ἰδίον, καὶ τὸ *Ibid.*

Genus generalissimum (scu summum) est, quo non est aliud superius Genus: ut, *Substantia*. Ge-

nera

vera summa sunt decem, sc. SUBSTANTIA, QUANTITAS, QUALITAS, RELATIO, ACTIO, PASSIO, UBI, QUANDO, SITUS, HABITUS.

Ibid.

Species specialissima ( seu Infima ) est, quæ non est alia inferior Species: ut, Homo. Species Infimæ sunt in certo numero; sed nobis incognito.

Ibid.

Genera & Species Subalterna sunt, quæ eadem & Genera sunt & Species; ad aliud tamen atque aliud relata. Respectu Inferiorum quidem Genera; respectu Superiorum vero Species: ut, Corpus, Vivens, Animal.

## DE DIFFERENTIA.

Porph.

Isag.

c. 3.

DIFFERENTIA est, quod de pluribus specie ( vel numero ) differentibus prædicatur in Quale quid: ut, Sensitivum de Homine & Bruto; Rationale de Johanne, Petro, &c.

Q. 1. Quid est prædicari in Quale Quid? R. Est esse prædicatum propositionis, perquam respondetur quæstioni factæ per Quale quid, live, Qualis est res secundum essen-



essentiam : ut, si quærat, *Qualis est homo secundum essentiam ?* Respondetur, *Homo secundum essentiam est sensitivus.*

Q. 2. Cur Definitioni Porphyrianæ additur, *vel numero*? R. Ut omnibus differentiis conveniret; quia quedam de pluribus solo numero differentibus prædicantur: ut *Rationale* de *Johanne & Petro, &c.*

Q. 3. Quare has Differentias in sua D. signifi-  
catione non includit Porphyrius? R. Quia nul-  
las hujusmodi Differentias *Similes* ag-  
novit; sed tantum *Complexas*: ut, Ra-  
tionale-mortale, Rationale-immortale, &c.  
quæ non pertinent ad Prædicabiles; quia  
Prædicabilia sunt *Termini simplices*.

**Differentia est Divisiva vel Constitutiva.**

Διαφορὰ διαπραγματι σὺν, καὶ αἱ τὰ γινώσκουσιν τὰ Ibid.

*div. div. sub.* Differentiæ Divisivæ sunt, quibus Genera in suas species dividimus: ut, Corporea & Incorporea respectu Substantiæ; & ceteræ respectu Generum, quibus indirectè supponuntur.

ἀποστολὴν (ἀποστολὴν) ἐν τῇ αἰσθητικῇ καὶ ἐν τῇ νοητικῇ ἐκδοτικῇ Ibid.

Differentiæ *Constitutivæ* sunt, quibus di-  
 visa specificantur, i. e. quæ constituunt  
 species: ut, *Corporea* corporis, *Incorporea* spi-  
 ritûs respectu; reliquæque respectu Spe-  
 cierum, quibus indirectè superponuntur.

Q. 4. An omnis Differentia Divisiva sit etiam Constitutiva, & contra? R. Ita, sed respectu diversorum; Divisiva quidem Generis; Constitutiva vero speciei sub illo

contentæ. Uade *Dividere Genus & Constituire Speciem* sunt tantum diversa munera ejusdem Differentiæ.

Differentia Constitutiva est *Generica* vel *Specifica*.

Differentia *Generica* est, quæ constituit Speciem subalternam: ut, *Corporea, Animatum, Sensitivum*.

Q. 5. Cur vocatur *Generica*? R. Quia constituit id, quod est *Genus*; alio tamen respectu. Nam prout constituitur, respicit Superiora (unde Differentiam suam mutuatur) idem verò respectu Inferiorum est *Genus*.

Differentia *Specificæ* est, quæ proximè constituit Speciem Specialissimam: ut, *Rationale*.

Q. 6. Quare dicitur proximè? R. Quia Differentia *Generica* remotè constituit Speciem specialissimam. Est enim *Regula*.

Differentia dividit ascendendo, & constituit descendendo, non contra. Sive, Differentia Divisiva Inferioris est Divisiva Superiorum; & Constitutiva Superioris est Constitutiva Inferiorum; sed remotè; non contra: ut, *Rationale*, quod *Animal*, etiam *vivens*, *Corpus*, *Substantiam* dividit; & *Corporea*, quæ *Corpus*, etiam *vivens*, *Animal*, *Hominem* constituit. Hinc Genera Subalternatim (i. e. in eadem lineâ rectâ) posita habent eandem Differentias, tam Divisivas, quam Constitutivas.

No-

Nota Differentiam Specificam aliquando late sumi, ut etiam comprehendat Genericam, quia continet Speciem Subalternam.

DE PROPRIO.

PROPRIUM 4. Modis accipitur.

1. O soli alicui Speciei accidit, et non omni, i. e. non omnibus ejus Individuis.

Porph.

Quod soli alicui Speciei accidit, et non omni, i. e. non omnibus ejus Individuis: ut, Homini esse Medicum.

Isag. 4.

2. O omni Speciei accidit, et non soli: ut, Homini esse bipedem, i. e. aptum habere duos pedes.

3. O soli, & omni, & aliquando [accidit]: ut, Homini canescere (sc. in senectute).

4. Eo in quo concurrunt & soli, & omni, & semper [accidere]: ut, Homini esse risibilem; Equo esse hinnibilem.

Q. 1. Quid in his Definitionibus est accidere?

R. Est convenire non essentialiter. Unde excluditur Differentia.

Q. 2. Quomodo accipitur Proprium, ut est quartum Prædicabile? R. Quarto modo, quod sic definitur.

PROPRIUM est, quod de pluribus specie vel numero differentibus prædicatur in Quale accidentale necessario, (Prædicatio in Quale Accidentale absolute dicitur in

Quale



*Quale*) Ab Arist. sic definitur, —

Arist. 1.

1. Top.

c. 4.

sect. 5.

**PROPRIUM** est, quod non declarat quid res sit, soli autem inest, & conversim de ea prædicatur. Unde est *Inseparabile* à sua specie, & *Incommunicabile* alteri.

**Proprium** est *Genericum* vel *Specificum*.

**Proprium Genericum** est, quod prædicatur de pluribus specie differentibus: ut, *Mobile* (quod est proprium *Corporis*) de *Vivente* & *non-vivente*.

**Proprium Specificum** est, quod prædicatur de pluribus solo numero differentibus: ut, *Risibile* (quod est proprium *Hominis*) de *Johanne*, *Petro*, &c.

## DE ACCIDENTE.

Porpb.

Ag c. 5.

**ACCIDENS** est, quod

adest & abest sine Subjecti corruptione, & potest convenire & non convenire alicui sine ejus destructione: ut,

*Albus* parieti, &c.

**Q. 1.** Quare dicitur, potest convenire & non convenire? **R.** Quia falsum est, quod **Accidens** actu adest & ab sit; hæc enim repugnant: sed aptum est ut adest & absit.

**Q. 2.** Cur additur, sine Subjecti corruptione? **R.** Quia cætera Prædicabilia possunt abesse.

Pars I. De Accidente.

23

esse à subjectis suis cum illorum interitu ? ut, *Animal* ab *Homine*, destructo illo.

Accidens est *Separabile* vel *Inseparabile*.

Accidens *Separabile* (*xperis*) est, quod actu abesse potest à Subjecto suo : ut, *Niger* ab *Æthiope*.

Q. 3. Quomodo datur Accidens *Inseparabile*, cum omne Accidens possit abesse à Subjecto suo ? R. Omne Accidens potest abesse *Mente* & sed datur aliquod, quod non potest abesse reipsa; & illud dicitur *Inseparabile*.

Q. 4. Quid est abesse *Mente* ? R. Est negari de Subjecto, salvâ in mente ejus essentiâ : ut etiam si negetur *Niger* de *Æthiope*; non tamen in mente destruetur *Æthiopis* *Essentia*.

Q. 5. Quare *Proprium* non potest sic abesse; cum non sit de essentiâ Subjecti? R. Quia emanat ab ejus essentiâ, illam necessario consequens. Unde sublato *Proprio* tollitur essentiâ : juxta Dictum, *Qui tollit Proprietates, tollit Essentiam*.

Tan dem Accidens, ut *Prædicabile*, sic definitur,

**ACCIDENS** est, quod de pluribus specie vel numero differentibus prædicatur in Quale Accidentale contingenter: ut, *Albus* dicitur contingenter de *Homine*, *pariete*, *lapide*, &c. nam possunt esse *nigri*; &c.

adus

*causae ridendi de Jobanne, Petro, &c. nam  
possunt non ridere.*

**Hæcenus de Terminis simplicibus separatim  
consideratis, quantum ad præsens insti-  
tutum sufficiat.**

**Termini simplices conjunctim** considerantur  
quatenus sunt inter se *comparati* quoad  
*Convenientiam & Disconvenientiam* vel  
quoad *Ordinem*.

**Termini quoad Convenientiam & Discon-**  
*venientiam comparantur 4. modis; sc. ut*  
**Convertibiles; ut Repugnantes; ut Magis &**  
*minus Communes; ut Excedentes & Excessi.*

Termini CONVERTIBILES sunt, quorum utervis totum alterum includit; seu, Qui de seinvicem universaliter affirmari possint: ut, *Homo & Risibile*. Nam, *Omnis homo est risibilis, &, Omne risibile est homo.*

Termini REPUGNANTES sunt, quo-  
rum neuter aliquid alterius includit, seu,  
Qui de se invicem universaliter negari  
possint: ut, *Homo & Brutum*. Nam, *Nul-  
lus homo est brutum; & Nullum brutum est  
homo*. Aliter, REPUGNANTIA sunt,  
quæ de eodem singulari simul vece af-  
firmari non possunt: ut, *Album & ni-  
grum*.

2. Quae Conditiones requiruntur ad veram  
Repugnantiam? R. Quatuor; sc. ut  
Termini sumantur. I. κατὰ τὸ αὐτὸ, se-



*cundem idem. i. e. eandem partem & na-* Arist.  
*turam: ut Esse album & nigrum, secun-* Soph.  
*dum eandem partem Æthiopis; fuisse &* Elench.  
*non fuisse mortuum, secundum eandem* c. 5.  
*naturam Christi. 2. nec id autem, Ad idem.*

*i. e. eodem respectu: ut, Esse duplum &*  
*dimidium respectu ejusdem magnitudinis.*

*3. idemque, eodem modo; ut, Habere &*  
*non habere principium. sc. durationis. 4.*

*Et idemque respectu ejusdem tempo-*  
*ris: ut, Esse calidum & frigidum simul.*

*Aliis non repugnant.*

Repugnantia sunt **DISPARATA** vel **OP-**  
**POSITA.**

**DISPARATA** sunt, quæ non præcisè re-  
 pugnant. i. e. sunt Repugnantia, quorum  
 unum tertio æquè vel magis repugnat  
 eodem repugnandi modo: ut, *Homo &*  
*Equus; Album & Rubrum.* *Homo* enim  
 æquè repugnat *Leoni* ac *Equo*; *Album* ve-  
 riùs magis *Nigro*, quàm *Rubro*.

## DE OPPOSITIS.

**OPPOSITA** (ἡ ἀντιθέσις) sunt, quæ præ-  
 cisè repugnant. i. e. sunt Repugnantia,  
 quorum neutrum tertio æquè vel magis  
 repugnat eodem repugnandi modo: ut,  
*Album & Nigrum; Servus & Liber.* *Al-*  
*bum* enim nulli tam repugnat, quàm *Ni-*  
*gro*; nec vice verâ: & *Servus* æquè re-  
 pugnat *Domino* ac *Liberò*; sed diverso

repugnandi modo.

Opposita sunt **RELATIVA**, **CONTRARIA**, **PRIVATIVA** & **CONTRADICTORIA**.

Q. 1. Unde colligitur ista Divisio? R. Ex modis generalibus opponendi, quibus

Ens  
oppo-  
nitur

Enti

Relativo: ut, *Pater Filio*; quæ sunt **RELATIVE OPPOSITA**.

Absoluto: ut, *Album nigro*; quæ sunt **CONTRARIA**.

Privativo: ut, *Visus cæcitati*; suntque **PRIVATIVE OPPOSITA**.

Non

Enti

Negativo: ut, *Homo non homini*: suntque **CONTRADICTORIA**.

Arist.  
Cat. c.  
10.

1. Ὅσα ἂν ᾖ τὰ ὅμοια τὴν ἀντιθέσιν, αὐτὰ ἀπὸ τοῦ αὐτοῦ κρινομένου λέγονται, ὡς ἡ ἀντιθέσις ἀπὸ τοῦ αὐτοῦ λέγεται.  
**RELATIVE OPPOSITA** sunt, quæ, id. ipsum quod sunt, oppositorum esse dicuntur, aut alio aliquo modo ad illa, i. e. ad Opposita genitivo vel alio casu expressa referuntur: ut, *Pater & Filius*; *Majus & minus*; & omnia Correlativa. Nam *Pater est filii pater*, & contra: & *Majus est minore majus*, & contra.

Q. 2. Quomodo Correlativa sunt Opposita, cum se mutuò ponunt? R. Correlativa considerantur dupliciter. 1. Quatenus tri-

tribuuntur diversis; ut, Pater *Anchise*, & Filius *Æneæ*: & sic se mutuò ponunt, quia non est Pater, nisi habet Filium, 2. Quatenus tribuuntur eidem respectu ejusdem; ut, Pater & Filius *Anchise* respectu *Æneæ*: & sic se tollunt; quia idem non potest esse Pater & Filius ejusdem. Priori modo postea in Prædicamentis; posteriori hæc spectantur.

Q. 3. Cur dixisti respectu ejusdem? R. Quia si tribuantur eidem respectu diversorum (ut, Pater & Filius *Anchise*, respectu *Cæpii* & *Æneæ*) non erunt Opposita ob defectum secundæ Conditionis Repugnantium; ut nec quæ primo modo sumuntur, ob defectum primæ.

II, Ταύτα ὅμοια ἵσ' ἐν τοῖς αἰσθητοῖς ἀντιθέται κατὰ τὸν Ἄριστον. *Contraria* sunt, quæ *Cat.c.* sub eodem genere posita maximè à se invicem distant, (& eidem subjecto susceptivo vicissim insunt, à quo se mutuò expellunt, nisi alterum insit à natura) ut, *Album* & *Nigrum*. *Io.*

Q. 4. Quot sunt Conditiones Contrariorum? R. Quatuor in eorum definitione contentæ. 1. Ut sint sub eodem genere, sive proximo sive remoto. Hinc excluduntur *Privativè opposita* & *Contradictoria*. 2. Ut sub illo genere maximè distent. i. e. præcisè repugnent. Hinc excluduntur *Disparata*. 3. Ut eidem subjecto vicissim insint: ut, *Calor* & *Frigus*, eidem aquæ.

Hinc



Hinc excluduntur *Relativè opposita*. 4. Ut ab illo subjecto se mutuò expellant : ut, *Calor* expellit *Frigus* ab aqua, & contra.

Q. 5. Cur additur in Definitione, *nisi alterum insit à natura* ? R. Quia tunc necesse non est, ut vicissim insint ; ideoque unum non debet alterum expellere (quia nil propriè expellitur ex alio, nisi aliquando fuerit in illo) ut, *Calor* & *Frigus* non insunt vicissim *igni*, nec ex eo se expellunt ; quia *calor* inest à natura, estque ab illo inseparabilis.

Ibid.

c. 10.

Contraria sunt *Mediata* vel *Immediata*.

Contraria *Mediata* ( *ἀντιθέτα μετὰ μεσότητος* ) sunt, quibus aliquid est intermedium utriusque particeps ; sive, quorum utrumque abesse potest à subjecto capaci ( nisi alterum insit à natura ) ut, *Album* & *Nigrum* ; *Calidum* & *Frigidum*, &c. Datur enim subjectum capax, quod nec est album nec nigrum, sed particeps utriusque : ut, *Pannus ruber* vel *viridus*, &c. Item, quod nec sit calidum nec frigidum ; sed aliquid utriusque in se habet : ut, *Aqua tepida*.

Contraria *Immediata* ( *ἀντιθέτα ἀνεμέσιστα* ) sunt, quibus nihil est intermedium utriusque particeps : sive, quorum alterum necesse est inesse subjecto capaci : ut, *sanum* & *egrum* ; *par* & *impar*, &c. Quia nullum datur animal, quod nec sit sanum  
nec

nec *ægrum*, sed utriusque particeps. Item, nullus numerus nec *par* nec *impar*.

**Q. 6.** Cur additur, *subiecto capaci*? **R.** Quia dari potest subiectum incapax, cui neutrum Contrariorum immediatorum inest; sive, de quo utrumque negari possit: ut, *Lapis* ad sanum & *ægrum* comparatus, quod vocatur *Medium Negationis* sive *Subiecti*; quia est subiectum, de quo negatur utrumque extremum; & inter omnia Opposita, præter *Contradictoria*, reperitur. Alterum vocatur *Medium Participationis* sive *Formæ*; quia de utraq; contrariâ Formâ participat: ut, *Tepor* de calore & frigore; *Rubedo* de albedine & nigredine. Et de hoc Medio intelligitur divisio Contrariorum.

**III. PRIVATIVE OPPOSITA** sunt *Habitus* *Ibid.* & illius *Privatio*: ut, *Visus* & *Cecitas*.

**Q. 7.** Quid hic vocatur *Habitus*? **R.** Quævis Forma, quæ haberi debet hic dicitur (*esse*) *Habitus*: ut, *Visus* respectu hominis.

**Q. 8.** Quid est *Privatio*? **R.** PRIVATIO (*essentia*) est absentia Formæ debitæ à subiecto capaci, tempore ac loco à naturâ determinatis: ut, *Cecitas*, respectu hominis.

**Q. 9.** Cur dicitur, à subiecto capaci? **R.** Quia absentia Formæ à Subiecto incapaci non est

est Privatio, sed pura NEGATIO: ut, *Lapis non dicitur privatus visu aut cæcus; sed non videns.*

Q. 10. Cur additur, *tempore ac loco à natura determinatis?* R. Quia absentia Formæ à Subjecto ante tempus vel extra locum à natura determinatum ad eam habendam, non est Privatio sed mera NEGATIO: ut, *Catulus ante nonum diem, aut Homo in loco tenebroso existens, non est cæcus, sed tantum non videns; nec Urinator sub aqua est surdus, sed non audiens; quia natura pro idoneis visui & auditui tempore ac loco hæc non designavit.*

Q. 11. Quare superadditur, *Formæ debite?* R. Ut Privatio Logica distingueretur à Physica, quæ est absentia Formæ, (non quæ debet; sed solum) quæ potest inesse Subjecto, eamque præcedit: cum Privatio Logica Formam, vel naturalem aptitudinem ad eam, sequatur.

IV. CONTRADICTORIA sunt, *non ut naturæ* *quæ ut affirmatio & negatio opponuntur, quæ ut affirmatio & negatio opponuntur;* quæ ut affirmatio & Negatio opponuntur: ut, *Homo & non homo; Album & non album.* Terminus Negativus in Contradictoriis, vel expresse negat; ut in all. ex: vel implicite tantum, cum alterius negationem involvit; ut, *Homo irrationalis*, quod idem est, ac *Homo non homo*; quia irrationale non est homo. Sic *Corpus unum in pluribus locis seu ubique*, idem est ac *Corpus non*

*Ibid.*



non corpus. Hæc vocatur *Implicatio Contradictionis*; *Contradictio in adjecto*; *Oppositum in appposito*.

*Contradictoriorum Proprietates sunt duæ.*

1. *Aliquos in illis, &c. ut in illis, ut in illis, ut in illis.*

*Contradictio est oppositio medio per se carens, sive, Inter Contradictoria non datur medium, neque Participationis neque Negationis (unde, Alterum Contradictoriorum verificatur de omni Ente & Non Ente) Nil enim est & homo & non homo; aut, nec homo, nec non homo.*

2. *Contradictio est Oppositionum maxima, prima & reliquarum mensura. Maxima, quia caret omni medio. Prima, quia ipsa nullam, at aliæ omnes (etiam Disparate) illam præsupponunt; in cæteris enim includitur, & nullam includit. Nam ideo Filius Patri opponitur Relativè, quia Filius est non Pater; Nigrum albo Contrariè, quia nigrum est non album, &c. Et hinc est Reliquarum mensura; nam primum in unoquoque genere est, mensura reliquorum, & eo censetur major repugnantia, quo ad Contradictionem, quæ maxima est, magis accedit.*

*Hæc de Terminis Repugnantibus.*

**Termini MAGIS & MINUS COMMUNES**

sunt, quorum unus totum alterum includit; sed non contra: sive, quorum unus potest de altero universaliter affirmari, at non alter vicissim de illo, sed particu-

lariter tantum : ut, *Animal* est terminus magis communis, quam *homo* ; quia *omnis homo est animal* ; at non *omne animal est homo*, sed aliquod tantum.

**Termini EXCEDENTES & EXCESSI** sunt, quorum utervis aliquod alterius includit, sed neuter totum ; sive, quorum neuter de altero potest universaliter affirmari vel negari ; sed particulariter tantum : ut, *Homo & albus*. Nam nec *omnis homo est albus* ; nec *omne album est homo*, sed aliquod tantum. Dicuntur *Excedentes & Excessi*, quia se mutuo excedunt & exceduntur. Nam uterque de eodem affirmari potest ; ut, de *Anglo* ; & alteruter de aliquo, de quo alter non potest ; ut, *Homo* de *Æthiope*, de quo non *albus* ; & *Album* de *Cygro*, nive, papyro, &c. de quibus non *homo*.

Sic de Terminis quoad *Convenientiam & Disconvenientiam* comparatis.

Termini comparantur quoad *Ordinem* quatenus unus alio *Prior*, aut *Posterior*, vel *Simul* cum eo dicitur.

### DE MODIS PRIORIS, POSTERIORIS & SIMUL.

**PRIUS** unum alio dicitur quaque Modis.

Arist.

Categ.

c. 12.

1. *Tempore*, ut si quis dicit, *homo est animal*, & postea *animal est homo*, secundum quod aliquid altero

ve-

vetustius & antiquius dicitur; sc. *ἐνδοξότερον*  
 si sit res animata; ut, *Pythagoras Socrate*;  
*ἐκδοξότερον*, si inanimis aut factum: ut, *Bel-*  
*lum Trojanum Punico.*

2. *Naturâ*; idque dupliciter,

*Primò Causalitate*, *ὅτι ἂν ἀλλήλων ἀλλήλους τὸ αἰτιῶν*  
*ἢ ἀποτέλεσμα*, aliter *ἢ ἡ ἀλλήλων ἀλλήλους τὸ αἰτιῶν*,  
 quod, cùm secundùm existendi consecutionem reciprocetur, quomodocunque  
 causa est, cur alterum sit. Ideo prior ef-  
 fectu est *Causa Reciproca* (i. e. quæ ab  
 effectu inferitur, & vicissim illum infert:)  
 ut, *Ortus Solis diis*, *Rationale risibili*. Nam  
 sequitur, *Ortus est Solis* ergo est *dies*; &  
 contra. *Est rationales* ergo est *risibilis*; &  
 contra.

*Secundò Consecutione*, *ὅτι ἂν μὴ ἀλλήλων ἀλλήλους ἢ τὸ*  
*αἰτιῶν ἀποτέλεσμα*, id, à quo non reciprocatur  
 existendi consecutio, i. e. quod ab altero  
 inferitur, sed non vicissim illud infert: ut,  
*unum duobus*; quia sequitur, *Sunt duo*; er-  
 go est *unum*; non contra. Sic omnis Ter-  
 minus magis communis prior est Minus  
 communi; ut, *Animal homines* & *Causa*  
 non reciproca suo affectu: ut, *Deus Cre-*  
*aturâs*, *Ferrum gladio*, &c.

3. *Dispositione*, *κατὰ τὴν τάξιν τὴν πρὸ τῆς ἀλλήλων*,  
 quod ordine alterum præcedit, id prius  
 eo dicitur: ut, *Exordium narratione*.

4. *Dignitate*, *ὅτι ἂν τὸ κατὰ τὴν ἀξίαν τῆς ἀλλήλων*  
*ἢ τὸ κατὰ τὴν ἀξίαν*, quod dignius est & præstanti-  
 us, id prius naturâ sibi videtur, sive in se,  
 sive



sive nostrâ tantùm æstimatione tale sit :  
ut, *Anima corpore ; Amici alienis*. Quod  
enim pluris facimus, hoc apud nos prius  
& antiquius dicitur.

5. *Cognitione*, τὸ γνωστικόν, quod est notius  
seu noscibilius, idque bifariam, 1. ἀπλῶς,  
*simpliciter* seu *secundum naturam*. Sic natu-  
râ priora sunt notiora naturâ; atq; etiam  
nobis, cognitione distinctâ & perfectâ; ut,  
*Universalis singularibus ; Partes toto ; Cau-  
se effectibus ; &c.* 2. κατὰ τὸ, *secundum*  
*quid* seu *respectu nostri*. Sic naturâ poste-  
riora, sensibusque nostris propinquiora,  
sunt notiora nobis cognitione confusâ &  
imperfectâ: ut, *Singularia universalibus ;  
Totum partibus ; Effectus causis ; &c.*

Tot modis dicitur *Posterius*, quot *Prius* ;  
quia non est Prius sine Posteriori ; cum  
omne Prius dicatur respectu Posterioris.

**SIMUL** unum cum alio dicitur duobus  
modis.

Arist.  
Categ.  
c. 13.

1. *Tempore*, ὅτι ἡ γένεσις ἐστὶ καὶ τῶν ἑτέρων, quorum  
productio est in eodem tempore: ut, *que  
simul nascuntur*. Secundariò etiam quo-  
rum unum incipit, antequam alterum  
definit ; quales sunt *Contemporanei* : ut, *Aristoteles & Plato*.

2. *Naturâ* ; idque dupliciter

Primò, *Consecutione*, ἡ ἀπὸ τοῦ ἑνὸς ἐπὶ τὸ ἑτερον κατὰ τὴν φύσιν  
ἢ ἀκολουθοῦν, μετὰ μὲν ἢ ἀπὸ τοῦ ἑτέρου ἐπὶ τὸ ἑνὸς κατὰ τὴν φύσιν,  
ἢ, quæ reciprocantur quidem secun-  
dum

dum existendi consecutionem, neutrum verò causa est, cur alterum sit, i. e. quæ ex se mutuo inferuntur, sed neutrum est causa alterius: ut, *Dominus & servus; Pater & Filius*; & omnia Correlativa. Nam si est *Dominus*, est *servus*. Si *Pater*, *Filius*, &c., & contra.

Q. Quomodo hoc verum est, cum *Pater* sit causa *Filii*? R. *Pater*, quæ homo, est causa *Filii*, quæ hominis, atque prior eo, non tantum naturâ, sed & tempore; at non quæ *Pater*, h. e. *Paternitas* non est causa *Filiationis*, nec eâ prior ullo modo. Neque enim prius aliquis est *Pater*, quàm alter est *Filius*; sed Simul v. g. *Philippus* est pater *Alexandri*, &, *Alexander* est filius *Philippi*.

Secundò Divisione, τὰ ἐν τῷ αὐτῷ γένει ἀντιδι-  
 ποῦντα ἀντιθέσθαι, quæ ex eodem genere sibi  
 invicem in Divisione opponuntur, ejus-  
 modi sunt duæ proximæ Species ejusdem  
 Generis: ut, *Homo & Brutum*. Dicuntur  
 verò simul Divisione, quia idem Genus  
 æqualiter dividunt & participant: ut,  
*Brutum* æquè perfectè dividit & participat  
*animal*, ac *Homo*. Nec enim prius *Homi-*  
*ni*, & illius gratiâ *Bruto*; sed æquè & im-  
 mediatè utrique convenit *Animal*; quia  
 unum illorum ab altero non dependet.  
 Secus ac in *Analysi*.

Atque hucusque de Terminis in se conside-  
 ratis.

Ter-

Termini in certas rerum CLASSES dispositi constituunt CATEGORIAS seu PRÆDICAMENTA.

## DE PRÆDICAMENTIS.

CATEGORIA seu PRÆDICAMENTUM est series vel ordo terminorum magis & minus communium sub uno summo genere gradatim dispositorum.

Q. 1. Cur talis series vocatur *Categoria* seu *Prædicamentum*? R. Quia Termini, ex quibus constat, sunt materia Prædicationis: nam magis communes apti sunt de minus communibus prædicari. Unde *Prædicamentum* est prædicatorum & subiectorum series.

Q. 2. Quo fine traduntur hæc Prædicamenta? Ut in prompto sint Termini, ad faciendas Propositiones, & ex iis Syllogismos, qui ultimus scopus est Logicæ.

Q. 3. Quot modis Termini ponuntur in Prædicamentis? R. Tribus, sc. Directè, Indirectè & Reductivè.

I. Directè ponitur Genus summum, cum iis de quibus prædicatur in Quid, sc. Subalternis, Speciebus specialissimis & Individuis.

Q. 4. Quot Conditiones requiruntur, ut Terminus Directè ponatur in Prædicamento? R. Quinque, sc. ut sit

1. Terminus simplex. Hinc excluduntur Ora-



*Orationes & Termini Equivoci.*

2. *Ens Reale*, i. e. quod reipsa existit, vel saltem existere potest. Prius dicitur *Ens reale in actu*: ut, *Homo, Equus, Rosa in vere*; Posterius, *Ens reale in potentia*: ut, *Rosa in hyeme*. Hinc excluduntur *Entia fictitia*, i. e. impossibilia mente concepta & conficta; quæ, quòd à Ratione fiunt, & per Rationem solum existunt, **ENTIA RATIONIS** vocantur: ut, *Chimera, Hippocentaurus, &c.*

3. *Ens unum* seu res unius naturæ, i. e. quæ non componitur ex rebus ad diversa Prædicamenta pertinentibus: ut, *Angelus* ex nullis partibus; *Homo* ex corpore & anima, quæ sunt substantiæ, constans. Hinc excluduntur *Composita* seu *Aggregata per Accidens*, i. e. quæ ex rebus ad diversa Prædicamenta pertinentibus constans, qualia sunt omnia *Artefacta*, ex Substantiâ & Figurâ artificiali composita: ut, *Sedes, vestis, &c.*

4. *Ens Completum*, i. e. quod non concurrit tanquam pars ad rem unius naturæ componendam: ut, *Homo, Equus, &c.* Hinc excluduntur *Entia Incompleta*, i. e. quæ concurrunt tanquam partes ad rem unius naturæ componendam: ut, *Corpus, Anima, pes, caput, &c.* ad compositionem *Hominis*.

5. Cur *Genus* non excluditur, cum sit pars *Speciei* (nam *Species* ex *Genere* & *Diff.*

Differentiâ componitur? R. Quia Genus, ut Genus (i.e. ut Speciem sub se continet) est *Totum potentiale* (nam idem est in Potentiâ, quod Species est actu) licet, ut Essentiam speciei componit, sit *pars Actualis*. Differentia verò est tantum *pars*. Hinc exclusâ Differentiâ, Genus non excluditur.

5. *Ens Finitum*, i. e. finitæ perfectionis, ut intra finitos Prædicamenti cancellos contineatur: quales sunt *Omnes creaturae*. Hinc excluditur *Dens Opt. Max.* quoniam omnia Prædicamenta transcendit.

II. *Indirectè* ponuntur *Differentiæ*, quæ ad latera Generum, tantum ad divisionem faciendam, constituuntur.

III. *Reductivè* ponuntur, quæ respectum aliquem habent ad ea quæ directè collocantur. Sic *Partes* reducuntur ad Prædicamentum, in quo est *Totum*: ut, *Caput, manus, pes, &c.* hominis, ad illud, in quo est *Homo*. Denominativum; ut, *Albâ*, ad prædicamentum Formæ Denominantis. Composita per Accidens, ut, *Vestis*, ad illud, quod est suorum Simplicium, &c.

Prædicamenta sunt decem, à decem summis Generibus nominata, SUBSTANTIA, QUANTITAS, QUALITAS, RELATIO, ACTIO, PASSIO, UBI, QUANDO, SITUS, HABITUS, QUORUM

rum novem ultima vocantur ACCIDENTIA.

Horum *Natura* & *Proprietates* consideranda sunt.

De Prædicamento SUBSTANTIE.

SUBSTANTIA (*ἡ οὐσία*) est Ens per se existens, i. e. quod non est in alio tanquam in subjecto Inhabitationis: ut, *Homo*, *Lapis*, &c. Huic opponitur *Accidens*.

ACCIDENS est Ens in alio existens, i. e. quod est in alio tanquam in Subjecto Inhabitationis: ut *Albedo*. Necesse est enim, ut sit in *nive*, *lacte*, *charta*, vel aliquo alio subjecto.

Q. 1. Quid est esse in Subjecto Inhabitationis? R.

*Ἐν τῷ υποκειμένῳ μὴ ἵσταναι, ὡς τὸ πᾶν κατὰ τὸ μέρος.* Arist.

*ὑποκείμενον ἀδύνατον χωρὶς τοῦ οὗ ἐν ᾧ ἐστὶν.* Categ.

In subjecto est illud, quod cum in aliquo sit, non ut pars, non potest esse sine eo, in quo est: ut, *Albedo* est in pariete; quia nec pars ejus est, nec sine eo esse potest eadem albedo: Non ita Substantia existit in aliquo, v. g. *Vinum* in vase; quia hoc vase esse potest.

Substantia est *Prima* vel *Secunda*.

Substantia *prima* est singularis: ut, *Johannes*, *Petrus*, &c.

Substantia *secunda* est universalis: ut, *Homo*, *Animal*, &c.



- Q. 2. Cur Substantia singularis dicitur *prima*, & universalis *secunda*? R. Singularis dicitur *prima*, quia omnibus aliis, tanquam primum fundamentum substat. Nam omnes aliæ substantiæ sunt in illâ, ut in primo subiecto essentiali, de quæ cā prædicantur, ut de subiecto Prædicationis; & (cum omne Accidens sit in Substantiâ) etiam omnia Accidentia sunt in illâ, ut in subiecto Inhesionis. Cum ergo Substantia dicatur à *Substando*, singularis merito vocatur *Prima*. Universalis autem, cum non omnibus aliis (quia nec Substantiis, nec Accidentibus singularibus) substat, & sic non est primum reliquorum subiectum, sed veluti secundarium, *Secunda* dicitur.

Proprietates Substantiæ sunt quatuor.

Arist.  
Categ.  
c. 5.

1. Κοινὸν ἔστι πάντων ὡς ἂν τὸ ἐν ὑποκειμένῳ  
Commune est omni Substantiæ non esse in Subiecto sc. Inhesionis. Hoc convenit etiam Differentiis & Partibus Substantiarum.

2. Ἐναντιοὺς οὐκ ἔστιν ἄλλῃ τὸ αὐτὸν ὡς ἂν τὸ ἐν ὑποκειμένῳ  
Convenit Substantiis, nihil eis esse Contrarium, i. e. una Substantia non est alteri contraria per se seu ratione sui, per propr. 1. Per accidens verò, seu ratione alterius esse potest: ut, *Ignis aquæ ratione caloris & frigoris.*

3. Δοκεῖ ἡ οὐσία μὴ ἀνέχεσθαι τὸ μᾶλλον ἢ τὸ ἥττω:  
 Substantia videtur non suscipere magis & minus, i. e. nomina Substantiarum non prædicantur cum adverbis magis & minus: ut, *Johannes non est magis vel minus homo, quam Petrus, &c.* licet sit major vel minor. At in ratione substanciandi, prima Substantia dicitur magis Substantia (i. e. pluribus subistere) quam secunda.

4. Μάλιστα ἰδίῳ τῆς οὐσίας δοκεῖ εἶναι τὸ ταύτης καὶ δι' αὐτὴν οὐδὲν ὑποκινεῖσθαι δοκῶν. Maxime proprium Substantiæ esse videtur, eam unam numero existentem susceptivam esse Contrariorum, i. e. una & eadem Substantia vicissim suscipere potest Contraria tanquam ultimum Subjectum, b. e. quod non est in ulteriori: ut, *Eadem aqua calorem & frigus.*

Q. 3. Cur addis, tanquam ultimum Subjectum? R. Quia Quantitas etiam recipit Contraria: ut *Superficies albedinem & nigredinem.* At non tanquam ultimum subjectum, cum ipsa sit in ulteriori sc. Substantia.

## SUBSTANTIA

Spiritus	Michael	Caelum	Empyreum.
	Gabriel		Fumamentum.
	Raphael &c.		Planctum.
	Simplex	Elementum	Ignis.
			Aer.
	Non vivens	Metallum.	Aqua.
			Terra.
	Mixtum	Lapis.	Aurum.
			Argentum.
			Petrum, &c.
Corpus			Siles.
			Iaspis.
			Sardonyx, &c.
			Gluten.
			Gummi.
			Sulphur, &c.
			Beta.
			Thymus.
			Hylopus, &c.
			Genista.
Vivens			Vepress.
			Arundo, &c.
			Quercus.
			Malus, non boni
			Corylus, &c.
			Animal
			Lumbricus.
			Vipera.
			Coluber &c.
			Salmo.
Animal			Gobio.
			Rhombus, &c.
			Philomela.
			Olor.
			Anser &c.
			Animal quadrupes
			Equus.
			Leo.
			Porcus.
			Johannes.
Homo			Petrus
			Thomas, &c.



## De Prædicamento QUANTITATIS.

QUANTITAS (*τὸ ποσόν*) est, secundum quam aliquid Quantum aut Quotum dicitur: ut, *Linea pedalis*; *Numerus ternarius*.

Q. I. Quid est Quantum aut Quotum dici?

R. Est denominari in Concreto, quo aptè responderetur querenti Quantum aut Quot sint: ut, *Lignum* dicitur *pedale* à *linea pedali*; & *tria* dicuntur à numero *ternario*. Nam si quærat, Quantum est *lignum*? Resp. Est *pedale*, si, Quot sunt.

R. *Tria*. Hinc

Quantitas est *Continua* vel *Discreta*.

Quantitas *Continua* (*τὸ συνεχὲς ποσόν*) est, *Arist.* quæ habet partes terminò communi copulatas: ut, *Linea pedalis*.

Q. Quid hic est *Terminus Communis*? R.

Est aliquid indivisibile in Quantitate, partes ejus ita conjungens; ut sit finis unius, & initium alterius; unde *Communis* dicitur: ut, *Medium momentum*.

Quantitas *Continua* est *permanens* vel *successiva*.

Quantitas *permanens* est, cujus omnes partes simul existere possunt; unde *διὰ τὴν κοινὴν*, partium positionem habet. Dicitur *MAGNITUDO*; estque triplex, *LINEA*, *SUPERFICIES* & *CORPUS*.

**LINEA** ( *γραμμή* ) est magnitudo longa, non lata aut profunda, cuius partes puncto copulantur: ut, *ulna*, *stadium*, *miliare*, &c.

**SUPERFICIES** ( *επιφάνεια* ) est magnitudo longa & lata, non profunda; cuius partes *Linea* copulantur; ut, *Jugerum*, &c.

**CORPUS** ( *σῶμα* ) est magnitudo longa, lata & profunda; cuius partes *superficie* copulantur: ut, *Cubus*, *Sphæra*, &c.

2.3. Quomodo *Linea* & *Superficies* dicuntur *Termini communes*, cum sint *Species Magnitudinis*, ac proinde *divisibiles*. R. *Terminus* communis est indivisibilis quoad propriam divisionem illius *Quantitatis*, cuius est *Terminus* (quicquid sit de aliis) & sic *Linea* quoad *Latitudinem* & *Superficies* quoad *profunditatem* est indivisibilis & *Terminus* communis, illa *Superfici*, hæc *Corporis*. Licet quoad *Longitudinem* illa; quoad *Longitudinem* & *Latitudinem* hæc sit divisibilis & *Species Magnitudinis*.

2.4. Quomodo *Corpus* numeratur inter *Species Magnitudinis*; cum ante positum fuerit in prædicamento *Substantie*; & prædictum sit illud non poni *directè* in ullo *Prædicamento*? R. *Corpus* tria significat 1. *Partem Compositi naturalis*, quomodo *Hominem* ex *Corpore* & *Animâ* constare dicimus; & sic *directè* ponitur in nullo

nullo Prædicamento. 2. Integrum Compositum naturale ; quomodo dicimus *Hominem esse Corpus* ; i. e. Substantiam Corpoream. Et sic ponitur in Prædicamento Substantiæ. 3. Quantitatem tres dimensiones habentem , quæ *Corpulentia* vel *Crassities* dici potest ; quomodo hoc loco accipitur.

Quantitas *Successiva* est , cujus omnes partes simul existerre non possunt : ut, *Hora*, *dies*, *annus*, &c. Dicitur **TEMPUS**, cujus communis Terminus est *Instans* sive τὸ νῦν.

Quantitas **DISCRETA** ( τὸ ἀσυνεχές ) est, quæ habet partes nullo communi Terminò copulatas. Estque **NUMERUS**, & (secundum Veteres) **ORATIO**.

**NUMERUS** ( ἀριθμός ) est Quantitas discreta permanens ; ut, *Binarius*, *Ternarius*, &c.

**ORATIO** ( λόγος ) est Quantitas discreta successiva : ut, hæ voces prolatae, *Socrates ambulat*.

*Proprietates Quantitatis sunt tres.*

I. Τὸ πρὸς ἑαυτὴν ἀντιθέτως. Quanto nihil est *Arist.* contrarium , i. e. una Quantitas non *ibid.* est alteri contraria per se : ut, *Linea lineæ* vel *superficie*, &c. quia non habent vim se mutuo expellendi ab eodem subiecto. Nam *Quantitas* nihil agit. Per Accidens verò una potest esse alteri contraria : ut, *Superficies alba nigra* :



2. Οὐ φαίνεται τὸ ὅτι οἱ ἀριθμοὶ εἰσὶν τὸ μᾶλλον ἢ τὸ ἧττον.  
 Non videtur Quantum suscipere magis  
 & minus, i.e. Concreta Quantitatis  
 non prædicantur cum adverbis magis &  
 minus: ut, *Unum bicubitum non dicitur*  
*alio magis vel minus bicubitum.*

3. Ἰσὺν μάλιστα τὴν οὐκ ἐστὶν τὸ ἴσον αὐτῇ ἀριθμῶν ἀριθμοῦ.  
 Maximè proprium Quantæ est, æquale &  
 inæquale dici. Quia solæ Quantitates per  
 se; alia verò ratione Quantitatum di-  
 cuntur æqualia aut inæqualia: ut, *Linea*  
*pedalis pedali per se; at, Lignum ligno ra-*  
*tionis longitudinis vel latitudinis, &c. est*  
*æquale.*

QUANTITAS

{	Continua	{	Permanens	LINEA.
			Successiva	SUPERFICIES.
				CORPUS.
				TEMPUS.
				NUMERUS.
Discreta	{	ORATIO.		

Do

## De Predicamento QUALITATIS.

ἡ ποιότης ἐστὶν, καὶ ἡ ἐν αὐτῇ εἶναι τῇ ἁλουργαίᾳ, Arist.

QUALITAS est, secundum quam qua- Categ.

les quidam esse dicuntur: ut, *Albedo*, à c. 8.

qua homo albus; *Iustitia*, à qua iustus

&c. dicitur. Post Copulam hic intelli-

tur *Forma Accidental*is. Unde *Formæ*

*Substantiales*; ut *Anima*; & *Differentiæ*

*Substantiarum*; ut *Rationale*, &c. exclu-

duantur.

Q. 1. Quid est *dicti Quale*? R. Est denomina-  
ri in Concreto, quo aptè respondetur  
quæstioni factæ per *quale tantum*: ut, ab  
albedine paries dicitur *albus*. Nam si quæ-  
ratur, *Qualis est paries?* respondetur, *Est*  
*albus*.

Q. 2. Cur dicis quæstioni factæ per *quale tan-  
tum*? R. ut excludantur ceteræ *Formæ*  
*Accidentales*, per quas respondetur quæ-  
stioni factæ per *Quale*; sed non tantum:  
ut, non tantum quærenti *Quale*, sed (&  
magis propriè) *Quantum est lignum?* re-  
sponderetur, *Est pedate*.

Qualitas est quadruplex, *Habitus* & *Dispo-  
siti*o; *Naturalis* *Potentia* & *Impotentia*;  
*Patibilis* *Qualitas* & *Passio*; *Forma* & *Fi-  
gura*.

I. *Habitus* (ἔξῃς) est qualitas adventitia, diu  
permanens, qua Subjectum ejus prom-  
ptum redditur ad operandum: ut, *Ha-  
bitus*

*bitucentiarum an di ; Scientia , Virtus , &c.*

**Q. 3.** Cur dicitur *Qualitas adventitia* ? *R.* Quia non fluit ab essentia Subjecti ( per quod distinguitur à *naturali Potentia* ) sed vel à Deo infunditur ; ut , *Habitus supernaturales ; Fides , Spes , Charitas , &c.* qui propterea vocantur *Habitus infusi* ; vel crebris actionibus (i.e. actuum similium frequenti repetitione ) acquiritur : ut , *Habitus naturales , Artes , Scientia , &c.* qui idcirco vocantur *Habitus acquisiti*.

**Q. 4.** Cur dicitur *diu permanens* ? *R.* ut distinguatur à **DISPOSITIONE** , quæ est *Habitus imperfectus*. Si enim qualitas sit difficulter mobilis à Subjecto ; ut , *Incontinentia longo usu confirmata* , dicitur **HABITUS**. Sin facile mobilis sit , est *dispositio* **DISPOSITIO**.

**II. POTENTIA NATURALIS** ( *substantia* ) est qualitas à natura insita , qua Subjectum redditur aptum ad aliquid agendum aut patiendum. Unde est duplex sc. *Activa* ; ut , *Vis calefaciendi in igne* ; & *Passiva* ; ut , *Vis resistendi in ferro*. Si debilis sit & imperfecta , dicitur *adversus* **IMPOTENTIA** : ut , *Obtusum ingenium ; Labilis memoria , &c.*

**III. PATIBILIS QUALITAS** ( *modi ad modum* ) est diu permanens qualitas unico sensu exte-



exteriori perceptibills, aut appetitus affectio: ut, *Albedo*, *dulcedo*, &c. *Ira*, *odium*, &c.

Q. 5. Quid hic vocatur appetitus affectio? R. Est appetitus commotio ex vehementi apprehensione orta: ut, *Ira*, *Odium*, *Tristitia*, &c.

Q. 6. Cur dicitur diu permanens? R. Quia si cito transeat dicitur *PASSIO*: ut, *Rubor ex verecundia*, *Pallor ex metu ortus*.

IV. FORMA (*μορφή*) est qualitas resultans ex terminatione quantitatis in re naturali spectatæ: ut, *Forma externa hominis*, *leonis*, &c.

Q. 7. Cur dicis, in re naturali spectatæ? R. Quia qualitas resultans ex terminatione quantitatis in se spectatæ dicitur *FIGURA*, ut, *Circulus*, *Triangulum*, &c.

Proprietates Qualitatis sunt tres.

I. *Contrarietas* inest Qualitati, i. e. una Qualitas est alteri contraria per se: ut, *Albedo nigredini*; *Virtus vitio*, &c. Hæc proprietas soli Qualitati convenit, sed non omni, maximè secundæ & quartæ speciei; ut nec aliquibus primæ & tertiæ: ut, *Habitui Citbarizandi*, *Luci*, *Mediis coloribus*, &c. quibus Privationes suæ opponuntur; nil autem Contrariè.

## Institutionum Logicæ

2. *Ἐν ἑκείνῳ τῷ μέτρῳ τῷ ἑκείνῳ τῷ μέτρῳ.* Qua-  
 lia recipiunt magis & minus : ut, unum  
 album dicitur magis album quam aliterum.  
 Quia Qualitates habent Gradus Intention-  
 nis, e quibus eadem pars Subjecti plu-  
 res vel pauciores recipere potest : ut,  
 eadem pars aquæ potest nunc plus caloris,  
 seu plures ejus gradus habere, & tunc  
 dicitur magis calida : nunc minus caloris  
 seu pauciores ejus gradus, & dicitur mi-  
 nus calida. Et hoc est propriè suscipere  
 magis & minus, seu intendi & remitti ;  
 quod non convenit omni Qualitati ; ut,  
 Figura. Nam idem Triangulum non potest  
 esse nunc magis, nunc minus (nec alitero  
 magis aut minus) Triangulum, sed tan-  
 tum majus aut minus, &c.

Arist:  
ibid.

3. *Ὅμοια ἢ ἀνόμοια κατὰ μέρος τὰς αὐτὰς ἀξιώσεις.*  
 Similia aut dissimilia secundum totas  
 Qualitates dicuntur: ut, Parietes albi  
 sunt similes ratione albedinum; niger &  
 albus dissimiles ratione diversarum qualita-  
 rum.

Qua-

## De Predicamento RELATIONIS.

Ἔστι τὰ προ'ς τ'ι, ὅτε τὸ ἐν ταύτῃ ἔστι τὸ  
 ἐκ τῆς οὐσίας ἕκαστης RELATA sunt, quorum esse  
 est ad aliquid quodammodo se habere, *Arist. Cat. c. 7. sect. 24.*

b. e. quorum tota essentia consistit in  
 respectu ad aliud : ut, *Pater, Filius*, &c.  
 Nam *Pater* designat tantum Respectum  
 generantis ad genitum ; & *Filius* e con-  
 tra. Dicuntur etiam RELATI-  
 VA.

Q. 1. Quot in Relativis consideranda sunt ?

R. sex, sc. *Subiectum, Terminus, Funda-  
 mentum, Relatio ipsa, Relatum & Corre-  
 latum.*

1. *Subiectum* est id, quod refertur ad aliud :  
 ut, *Anchises* (qui ad *Aeneam* refertur ;  
 ut *Pater* ejus) est *Subiectum Paternita-  
 tis.*

2. *Terminus* est id, ad quod *Subiectum* re-  
 fertur : ut, *Aeneas* (ad quem *Anchises* re-  
 fertur, ut *Pater*) est *Terminus Paternita-  
 tis.*

3. *Fundamentum* est id, quo mediante *Sub-  
 jectum* refertur ad *Terminum* : ut, *Ge-  
 neratio* (quo mediante *Anchises* ad *A-  
 neam* refertur, ut *Pater* ; nempe quia ge-  
 nuit illum) est *Fundamentum Paternita-  
 tis.*

4. *Relatio* est respectus *Subjecti* ad *Termini-  
 um* : ut *Pateritas*, quæ est respectus  
 An-



Anchisæ ad Æneam.

5. *Relatum* est Subiectum cum Relatione : ut Anchises cum Paternitate spectatus, ut *Pater*, est *Relatum*.

6. *Correlatum* est Terminus cum Relatione opposita : ut, Æneas cum Filiatione spectatus, ut *Filius*, est *Correlatum*.

*Relatum* & *Correlatum* mutuis Relationibus se respiciunt ; unde quod est Subiectum & *Relatum* respectu unius, est Terminus & *Correlatum* respectu alterius Relationis ; & contra : ut, *Anchises*, qui est Subiectum, & *Pater* *Relatum*, respectu Paternitatis, sunt Terminus & *Correlatum* respectu Filiationis ; sicut Æneas & *Filius*, qui sunt Terminus & *Correlatum* respectu Paternitatis, sunt Subiectum & *Relatum* respectu Filiationis.

Q. 2. Quomodo *Relativa* & *Correlativa* differunt ? R. *RELATIVA* dicuntur, quæ referuntur ad aliud : ut, *Pater*, *Dominus*, &c. *CORRELATIVA* quæ ad invicem : ut, *Pater* & *Filius* ; *Dominus* & *Servus*, &c.

Relata sunt *Synonyma* seu *ÆQUIPARANTIA*, & *Heteronyma* seu *DISQUIPARANTIA*.

Relata *Synonyma* seu *ÆQUIPARANTIA* sunt, quæ referuntur ad Correlata ejusdem nominis : ut, *Amicus*, *Simile*, *Equale*, &c. nam *Amicus* amico, *Simile* simili, &c. refertur.

Re-

Relata Heteronyma seu DISQUIPARANTIAE sunt, quae referuntur ad Correlativa diversi nominis: ut, *Dominus & Servus, Pater & Filius, &c.* Nam Dominus Servo, non Domino; & Pater Filio, non Patri, &c. refertur. Horum illud, quod rem significat digniorem, vocatur Relatum *Superpositionis*; ut, *Dominus*; alterum vero Relatum *Suppositionis*; ut, *Servus*.

*Proprietates Relatorum sunt tres.*

1. *πᾶσι τὰ πρὸς τὴν πρὸς ἀντιστρέφουσα λόγια*. Omnia Relata dicuntur ad ea, quae convertuntur, i. e. omnia Relativa referuntur ad sua Correlativa: ut, *Pater est filii pater; & Filius est patris filius*. Sed termini apti (i. e. aequè latè patentes) accipiendi sunt, ut fiat Reciprocatio; quibus si defint idonea vocabula, licet *ἰσοκαταποσῆν*, i. e. nomina fingere (inquit Arist.) quibus aptè reddantur: ut, *Ala & Avis* non sunt Correlativa (quia non omne, quod habet alas, est avis; ut *Musca, vespa, &c.*) sed *Ala & alatum*: ut, *Ala est alati ala, & Alatum est alâ alatum*.
2. *δοκῶν τὰ πρὸς τὴν αὐτὰ τῇ ὁμοειδίᾳ*. Relata simul Natura esse videntur (sc. quatenus sunt Relata idque ad seinvicem, i. e. Correlativa) ut, *Dominus & Servus, Pater & Filius, &c.* qua tales, non qua homines; quia sic sunt Termini Absoluti; ut, nec *Dominus & Pater*; quia non sunt Correlativi.

3. *Ἐὰν τις τις ἑνὸς ἀποφύλαται τὸ αὐτὸ τι, καὶ αὐτὸ, αὐτὸ ὅτι αὐτὸς ἀποφύλαται αὐτὸν.* Si quis unum Relatorum definite cognoverit, etiam id, ad quod refertur, definite cognoscet: ut, Cognitio Philippum esse patrem, cognoscitur illum habere filium; vel, Cognitio Philippum esse patrem Alexandri, cognoscitur Alexandrum esse ejus filium. Hinc Relata sunt simul Cognitione, (sc. qua Correlativa.)

RELATA

Æquiparantia quorum fundamentum est.	Substantia, ut	{	Eadem.
	Quantitas, ut		Diversa.
	Qualitas, ut	{	Æqualia.
			Inæqualia.

{	Relatio, ut, &c.	Similia.
		Diffimilia.
		Proportionalia.
		Duo Patres.
		Duo Principes.

{	Duo Domini.
	Concives.
	Conservi, &c.

{	Materialis.
	Formalis.
	Efficiens.

{	Superpositionis, ut	Causa -----	{	Finalis.	
		Princeps.		{	Finalis.
		Dominus.			
		Pater.			

Disquiparantia.

Maritus, &amp;c.

{	Causatum	{	Materialium.
			Formatum.
			Effectum.
			Medium.

{	Suppositi- onis, ut	Subditus.
		Servus.
		Filius.
		Uxor, &c.



De Predicamento ACTIONIS & PASSIONIS.

**ACTIO** (ἡ ἐνέργεια) est Forma, à quâ quidpiam dicitur agere, i. e. efficere aliquid : ut, *Calefactio*, per quam ignis dicitur calefacere lignum, i. e. calorem in ligno producere.

**PASSIO** (ἡ πάθησις) est Forma, à quâ quidpiam dicitur pati, i. e. effectum agentis recipere : ut, *Calefactio*, per quam lignum dicitur calcescere ab igne, i. e. calorem ab igne recipere. Unde *Actio* & *Passio* non tam sunt diversæ res, quàm Modi diversi ejusdem rei. Idem enim Motus, prout fluit ab Agente, dicitur *Actio*, & prout recipitur in Patiens, *Passio*: ut, *Calefactio*, quatenus ab igne fluit, est *Actio*, & quatenus in lignum recipitur, est *Passio*.

*Actio* est *Immanens* vel *Transiens*.

*Actio Immanens* est, quæ manet in Agente : ut, *Intellectio*, quæ manet in intellectu.

*Actio Transiens* est, quæ transiit in aliud : ut, *Calefactio*, quæ transiit ab igne in lignum. Unde in Actione Immanente Agens & Patiens sunt idem; in Transiente realiter diversa.

Q. 1. An cuilibet *Actioni* respondet *Passio*? R. Ita; juxta Regulam, *Actio ex se infert Passionem*. Proinde, *Actioni Immanenti* *Passio Intentionalis*; *Transienti* autem *Transmutativa* *Passio* respondet: quoniam ista realem aliquam mutationem in Pa-

E                      tiens

ciens introducit; illa verò nullam.

Q. 2. Quomodo Actionis & Passionis *Abstracta* distinguuntur? R. Per voces *Activa* & *Passiva*, quæ (distinctionis gratiâ) illis addi solent: ut, *Calefactio activa*, *Calefactio passiva*, &c. Concreta verò ex seipsis faciliè distinguuntur: ut, *Calefacere*, *Calefieri*, &c.

*Proprietates Actionis & Passionis sunt duæ.*

1. ἡ ἐναντιότης τῶν ἀντιθέτων τῶν ἀφ' ἑαυτῶν διαιρέσεων.

Actio & Passio suscipiunt *Contrarietatem* i. e. Actio potest esse contraria Actioni & Passio Passioni: ut, *Calefactio* *Frige-  
factioni*.

2. ἡ ἰσχυρότης καὶ ὀλιγοχρότης τῶν ἀφ' ἑαυτῶν διαιρέσεων.

Actio & Passio suscipiunt *magis & minus*, i. e. Concreta Actionis & Passionis quædam prædicari possunt cum adverbis *magis & minus*: ut, *unum Agens dicitur magis agere*, *calefacere*, *frigefacere*, &c. & *unum Patiens magis pati*, *calefieri*, *frigefieri*, &c. *quàm aliud*. Neutra harum proprietatum Actioni & Passioni per se convenit, sed gratiâ Terminorum seu qualitarum, quæ per illas producuntur aut recipiuntur: ut, *Calefactio* *Frige-  
factioni* contraria est, quia calor frigori contrariatur; & *unum calefaciens* alio *magis calefacere* dicitur, quia *passum magis calidum* reddit, *majorem* in illo producendo *calorem*. Absolutè tamen illis tribuuntur, quia illarum nominibus ex-  
muntur

primuntur, cum à qualitatibus contrariis, & magis ac minus recipientibus, nomina sortiantur. Unde nec omnibus conveniunt, sed iis tantum, quarum Termini sunt contrarii, & Intensionem ac Remissionem recipiunt. Itaque, Generare, Figurare, &c. sicut illarum Termini Substantia, Figura &c. non habent contraria, nec magis & minus recipiunt.

ACTIO


ANALOGIA

E 2

AC-




# ACTIO



# De Prædicamento UBI.

UBI ( . . . ) est præsentia rei in loco: ut, in Scholâ, &c. quæ vocatur *præsentia localis*; estque Modus quidam, quo res fit præsens alicui loco, tamen à re ipsa, quàm à loco ejus distinctus.



## QUANDO.

**QUANDO** ( *τὸ πότε* ) est existentia rei in tempore ut, *Fuisse heri, esse hodie, &c.* quæ vocatur *Præsentia Temporalis*, etque Modus quidam, quo res fit præsens alicui tempori, tam à re ipsâ, quam à tempore ejus distinctus. Proinde *Quando* se habet ad *Tempus*, sicut *Ubi* ad *Locum*.

In Ævo: in Spiritu

Seculo.

Cyclo.

Indictione.

Lustro.

Olympiade.

Anno.

Mense.

Hebdomade.

Die.

Hora.

Minuto, &amp;c.

Solis.

Lunæ.

QUANDO

In tempore

Præterito

Olim { ante ali. quos

in {

Nuper {

post ali. quos

Olim {

in {

Brevi {

Hora &amp;c.

Secula.

Lustra.

Olympiadas &amp;c.

Infantia.

Pueritia.

Adolescentia &amp;c.

Mense.

Die.

Hora &amp;c.

Secula.

Lustra.

Olympiadas &amp;c.

Juventute.

Utriusque ætate.

Senectute, &amp;c.

Mense.

Die.


Hora &amp;c.

## De Prædicamento SITUS.

**SITUS** ( *τὸ πῶς* ) est dispositio partium in toto in ordine ad locum: ut, *Stare, sedere, cubare, &c.* Nam suscipit aliquis has denominationes ex eo, quod habeat partes corporis certâ ratione in loco dispositas; unde est specialis præsentia localis, ab *Ubi* differens, ut *Esse tali modo in loco*, differt ab *Esse in loco*.

S.L.





# De Prædicamento HABITUS.

**HABITUS** (τὸ ἔξω) est indumenti vel ornamenti ad corpus applicatio : ut , *esse tunicatum* , *coronatum* , &c. Habitus quinque modis accipitur. 1. Pro re quavis *habitâ* vel ejus *habitione* , & sic ad prædic. Relationis pertinet. 2. ut opponitur *Privationi*. 3. Pro primâ specie *Qualitatis*. 4. Pro *veste* , & sic directè in nullo prædicamento ponitur , quia est *Compositum per Accidens*. 5. Pro accommodatione vestis ad rem vestitam , quæ est *specialis ubicatio vestis* ; rempe *Circumpositio* ; estque acceptio hujus loci.



Atque hætenus de TERMINO SIMPLICI, adeoque de PRIMA PARTE Logicæ.

PARS II.

De ENUNCIATIONE.

Partes Enunciationis sunt NOMEN &  
VERBUM.

De NOMINE & VERBO.

Arist. de  
Interpr.  
c. 2.

ΟΝΟΜΑ δὲ ἐστὶν ἑλληνικὴ κατὰ ἑσθλότητα ἀνδρῶν  
χρῆσις, ὥς μὲν ἐν ἑσθλῷ δὲ ἑλληνικῷ μελετῶν  
μῖνον. NOMEN est vox significativa ex

Q. 1. Quid est significare ex instituto? R. Est significare ex impositione liberâ & non naturaliter: ut, quod vox Canis significet animal latrans, potius quam aliud quid, est ex merâ hominum voluntate & institutione, qui illam imprimis sic usurpare conspirarunt. Per hanc parîē distinguitur Nomen (1) à vocibus inarticulatis, i.e. quæ literis & syllabis tanquam articulis non constant, adeo ut scribi non possint: ut, Boatus, hinnitus, fletus, risus, &c. (si pro sonis significatis, non pro vocibus significantibus sumantur) hæc enim naturaliter significant affectus. (2) ab articulatis, quæ aut nihil significant; ut, Blatri, Flotrus, nidro, &c. aut res conceptas, sed naturaliter; ut, Tantara, r, r, בקבוק, &c. Reliquæ omnes significant, ut ad significandum sunt institutæ, adeoque ad placitum; ut pater, quis

quia vox eadem in diversis linguis aliquando diversa, quandoque idem, nonnunquam nihil, præterquam in una, significat; cum quæ sunt naturalia, semper & apud omnes sint eadem.

Q. 2. Quid est significare sine tempore? R. Est præter principale significatum nullam primariam temporis differentiam denotare, quæ sunt tres; præsens, præteritum & futurum. Unde voces istæ, hora, dies, mensis, &c. quæ principaliter significant tempus; & istæ, præsens, præteritum, futurum, ut & hodiernum, hereternum, crastinum, &c. quæ principaliter significant differentiam temporis; necnon prandium, coena, &c. quæ præter principale significatum, sc. refectiorem corporis, tempus aliquod, meridiem puta aut vespertam, implicant, quia primariam temporis differentiam non denotant, sine tempore significant, & sunt nomina.

Q. 3. Quare dicitur, cujus nulla pars significat separata? R. Ut excludatur Oratio: ut; Homo albus, cujus aliqua pars seorsim significat. Non tamen excluditur nomen compositum: ut, Jusjurandum, Respublica, &c. quorum partes aliquid per se singulæ significant, si sumantur ut integræ dictiones; nihil vero ut sunt partes unius compositæ; sed sunt instar syllabarum, quæ propriam significationem non habent.



Arist. de  
Interpr.

3.

PRIMA. *ἡ πρώτη ἐκ τῶν ὀνομάτων ἡ λέξις, ἣ μὴ ἔστιν ὀνομαστικὴ ἀλλὰ χρονική, ὡς ἔστιν αὐτὴ τοῦ χρόνου ὁροσμός.* VERBUM est, quod con significat tempus, cujus nulla pars significat separatim, estque semper nota eorum, quæ de alio dicuntur: ut, *Amo, habeo, &c.* Ex definitione nominis hic addendum est, Verbum esse vocem significativam ex instituto.

Q. 4. Quid est con significare tempus? R. Est significare cum tempore, i. e. præter principale significatum aliquam primariam temporis differentiam denotare: ut, *amo*, quod, præter amorem, quem principaliter significat, tempus præsens denotat. Per hanc partem excluditur Nomen.

Q. 5. Quid est, Verbum esse semper notam eorum, quæ de alio dicuntur? R. Est Verbum semper denotare aliquid subiecto attribui, seu esse prædicatum, vel Formale tantum: ut hic, *Homo est animal*; Vel Formale & Materiale simul, si sit verbum adjectivum Copulam includens: ut, *Joannes ambulat*; idque cum ponitur significativè, i. e. pro re significatâ, non pro voce significante. Nam tunc potest esse subiectum; ut, *Amo est verbum*. Nomen & Verbum in Finitum & Infinitum, item in Rectum & Obliquum dividuntur.

Nomen & Verbum Finitum est, cui nulla præfigitur negatio: ut, *Homo. Currit, &c.*

Et. quod sic dicitur, quia certam & definitam habet significationem, nulli alii competentem. Infinitum est, cui praefigitur negatio, i. e. particula negativa non: ut, Non homo. Non currit, &c. Dicitur Infinitum, quia indefinitam habet significationem, cuilibet alii, siue enti siue non enti, competentem.

Nomen & Verbum Rectum est vox nominativi casus; vel indicativi modi ac praesentis temporis: ut, Homo. Currit, &c. Reliqua vocantur Casus Nominum ac Verborum: ut, Hominis, Homine. Currit, Curret, &c. quae à Nominis ac Verbi definitionibus sunt excludenda, quia non possunt absolvere Enunciationem, ejus solius gratia de illis hic agitur. Nam vel verum & falsum non significant (v. Def. Enun.) ut, Hominis est. Socratem disputare, &c. vel veritas Enunciationis, quam continent, à veritate Enunciationis de praesenti dependet: ut, haec est vera, Aristoteles audivit Platonem, quia haec aliquando fuit vera, Aristoteles audit Platonem.

## De ORATIONE.

Ex Nomine & Verbo fit ORATIO.

ΛΟΓΟΣ ἐστὶ φωνὴ σηματικὴ κατὰ συνθεσιν, &c. Ibid. c. 4.

ἢ ὅτι αἰσθητὴ καὶ συνθεσιν ἐστὶ καὶ σηματικὴ, καὶ φωνὴ, καὶ ὅτι ὁ κατὰ τὴν ἰδίαν ἀρμονίαν.

ORATIO est vox significativa ex instituto,

tuto, cujus aliqua pars separata significat ut dictio, sed non ut affirmatio vel negatio: ut, *Homo albus. Homo est animal, &c.*

**Q. 1.** Quid est significare ut dictio? **R.** Est significare sine vero & falso: ut, *Homo &c.* è contrà, significare ut affirmatio vel negatio, est significare cum vero aut falso: ut, *Homo est animal.*

**Q. 2.** Quare dicitur, cujus aliqua pars significat, ut dictio, non verò, omnis? **R.** Ne excluderetur Enunciatio composita: ut, *Homo est rationalis & brutum est irrationale, cujus aliqua pars, sc. Homo est rationalis; significat ut affirmatio, & sic non omnis, sed aliqua tantum, ut dictio: ut, Homo. Rationalis, &c.*

*Oratio est Imperfecta vel Perfecta.*

*Oratio Imperfecta est, quæ imperfectum sensum gignit in animo audientis: ut, Homo albus. Perfecta, quæ perfectum: ut, Homo est animal. Estque non Enunciativa vel Enunciativa.*

*Oratio perfecta non Enunciativa est, in qua nec est verum nec fallum. Estque quintuplex; sc. Interrogativa: ut, Est aliquid, quo tendis? Vocativa: ut, Huc ades, ô Melibæe. Imperativa: ut, Maturate fugam. Deprecativa: ut, Aspice nos. Et Oportativa: ut, Unam evadam Philosophus. Hæ ad Rhetoricam vel Poeticam propriè pertinent, sola Enunciativa est hujus loci.* **De**



## DE ENUNCIATIONE.

Ἐνῆνκλις ἡ ἀπόφ. ἐστὶν ἡ ἀποφ. ἡ ἰσχυρὰ ἢ ἡ ἀδυνατὶς Ibid.  
 1. ENUNCIATIO est Oratio, Sect. 5.

quæ verum vel falsum significat; ut,  
*Homo est rationalis. Homo non est ratio-  
 nalis. Verum significat, quæ est con-  
 formis rei significatæ; sive quæ dicit id  
 esse, quod est, & non esse, quod  
 non est: ut, Homo est rationalis. Vi-  
 tium non est amandum; & dicitur Enun-  
 ciatio vera. Falsum, quæ est difformis  
 rei significatæ; sive, quæ dicit id esse,  
 quod non est, vel non esse, quod est;  
 ut, Vitium est amandum. Homo non est  
 rationalis; & dicitur Enunciatio fal-  
 sa.*

1. Unde pendet *Veritas & Falsitas* Enun-  
 ciationis? R. Ex habitudine vel con-  
 nexione partium, quæ dicitur ejus  
*Materia*; estque triplex,

1. *Necessaria* seu naturalis, quæ non po-  
 test aliter esse; ut in hac, *Homo est ani-  
 mal.*

2. *Impossibilis*, quæ non potest ita esse;  
 ut, *Homo est irrationalis.*

3. *Contingens*, quæ potest ita esse vel non  
 esse: ut, *Homo est doctus.*

2. Quomodo *Propositio* differt ab Enunci-  
 atione? R. *Propositio* propriè est prima  
*Syllogismi* Enunciatio; usus tamen  
 jam

jam obtinuit, ut pro quolibet Enuncietiam extra Syllogismum posita (quia primas in illo tenere apta est) usurpetur.

*Enunciatio consideratur Absolutè, vel prout restringitur ad certam materiam.*

*Enunciatio absolutè consideratur quoad ejus Divisiones & Affectiones.*

*Divisio Enunciationis est triplex, sc. secundum Substantiam, Qualitatem & Quantitatem; quibus triplex aptatur. Quæ? Quæ? Qualis? Quanta? hoc versiculo comprehensa,*

*Quæ? Ca: vel Hyp. Qualis? Ne: vel Aff. Un: Quanta? Par: Ind: sing.*

### PRIMA DIVISIO.

*Quoad Substantiam Enunciatio est Simplex vel Composita; seu CATEGORICA vel HYPOTHETICA latè dicta.*

*Ibid: c.  
5. scilicet.  
5.*

*Enunciatio simplex (seu CATEGORICA) est, quæ aliquid de aliquo; vel aliquid ab aliquo [enunciat.] i. e. quæ unum prædicatum de uno subiecto affirmat vel negat: ut, Homo est animal. Terra non movetur. Estque Pura vel Modalis.*

*Enunciatio PURA est, in qua prædicatum purè affirmatur vel negatur de subiecto i. e. simpliciter dicitur inesse aut non inesse; modo inessendi non expresso (unde & Propositio de inesse vocatur); ut, Homo est animal.*

Enun-

Enunciatio MODALIS est, in qua Modus convenientie prædicati cum Subiecto exprimitur: ut, *Necesse est hominem esse animal.* Modi illi sunt quatuor; sc. *Necesse, Impossibile, Contingens, & Possibile*, qui quadruplicem constituunt propositionem Modalem, in qua *Modus* est prædicatum, reliqua pars (*Dictum* appellata) est Subjectum: ut, *Hominem esse animal est necesse, Hominem esse irrationalem est impossibile. Fodientem agrum invenire thesaurum est contingens. Petrum esse doctum est possibile.*

Q. 3. Quanam hæc revocantur? R. Propositiones EXPONIBILES, quæ sunt triplices. 1. *Exclusiva*, sive ex parte Subjecti: ut, *Solus probus est sapiens*, & dicitur *Exclusiva de Subjecto*; sive ex parte Prædicati: ut, *Elementa sunt tantum quatuor*, & dicitur *Exclusiva de Prædicato*; sive ex parte utriusque: ut, *Sola species immediate prædicatur de differentibus numero tantum.* 2. *Exceptiva* similiter, vel ex parte Subjecti: ut, *Omne animal, præter hominem, est irrationale*; vel ex parte Prædicati: ut, *Diluvium absorpsit omnes homines, præter Noachum cum familiâ suâ.* 3. *Restrictiva* seu *Reduplicativa*, sive uniformis sit Reduplicatio & secundum idem nomen, quæ *Specificativa* dicitur: ut,

*Homo,*



## Institutionum Logicae

Homo, quia homo, est rationalis; live  
Difformis & secundum diversa; quæ  
simpliciter dicitur Reduplicativa: ut,  
Homo, quia animal, sentit.

Enunciatio Composita, seu HYPOTHE-  
TICA latè dicta, est, quæ pluribus  
Enunciationibus inter se copulatis con-  
stat. Hypothesica dicitur à præcipua ejus  
specie. Nam est triplex, sc. *Condition-  
nalis, Copulativa & Disjunctiva.*

Enunciatio **CONDITIONALIS** ( seu  
Hypothesica strictè dicta ) est, cujus par-  
tes connectuntur conjunctione aliquâ  
Conditionali: ut, *Si Socrates est homo,  
est animal.* Quarum prior vocatur *Ante-  
cedens*; ut, *Si Socrates est homo*; po-  
sterior *Consequens*; ut, *Est animal.*  
In harum nexu ( ut una ex alterâ se-  
quatur ) consistit *veritas* hujus Enun-  
ciationis, non in veritate alterius vel  
utriusque partis. Unde, *Si Socrates est  
lapis, est insensibilis*, vera est, ob ne-  
cessariam Consequentis ex Antecedente  
Consecutionem, licet utraque pars  
sit falsa. Hinc Axioma, *Conditionalis  
nihil ponit in esse.* Hæc verò, *Si Socrates  
est homo, est Philosophus*, est falsa, li-  
cet utraque pars sit vera; quia nulla  
datur Consequentia, i. e. Connexio  
inter Antecedentem & Consequentem,  
ita ut hæc ex illa sequatur seu intera-  
tur.

2. Quænam huc pertinent? R. Propositio *Causalis* seu *Rationalis*: ut, *Quia Sol lucet, dies est*; Cum hac solâ differentia, quod in Causali vera Antecedens & verum est, & Causa cur Consequens sit verum; quorum neutrum ad Conditionalem requiritur.

Enunciatio *COPULATIVA* est, cujus partes connectuntur conjunctione aliquâ Copulativâ: ut, *Homo est rationalis & brutum est irrationale. Nec brutum est nobilius homine, nec homo angelo.* Possunt autem partes ejus habere, vel eundem Subjectum; ut, *Socrates est Philosophus & justus*; vel idem Prædicatum; ut, *Socrates & Aristides sunt justis*; vel utrumque diversum: ut, *Socrates est Philosophus, & Aristides est justus.* Estque tum demum vera, cum omnes ejus Partes veræ sunt, ut in præced. patet: falsa, cum aliqua pars est falsa, licet reliquæ sint veræ: ut, *Homo est animal rationale & volatile.* Ratio est, quia omnes partes per Copulativam simul astruuntur.

3. Quænam huc refertuntur? R. Propositio *Adversativa* seu *Discretiva*: ut, *Quamvis Deus est misericors, est tamen justus.* Nam resolvitur in hanc, *Deus est misericors & est justus.* Item *Relativa* seu *Comparativa*; tum Rei; ut, *Socrates tam doctus est, quam Plato,*  
F huc

huic æqualens, Socrates & Plato sunt æque docti; tum Loci; ut, Ubi Socrates legit, Plato disputat; tum Temporis; ut, Dum Socrates legit, Plato disputat, i. e. Eodem loco vel tempore & Socrates legit & Plato disputat; aut Socrates legit & Plato simul disputat.

Enunciatio DISJUNCTIVA est, cujus partes connectuntur conjunctione aliquâ Disjunctivâ: ut, Aut dies aut nox est. Ut vera sit Disjunctio, partes ejus debent esse immediate oppositæ. Nam, si non sint oppositæ, erit nugatoria, vel potius nulla: ut, Socrates est homo aut animal; est enim utrumque. Et si non sint immediate oppositæ, erit falsa: ut, Pax est aut bellum; nam possunt esse Inducie. Unde Enunciatio Disjunctiva est vera, cujus aliqua pars vera est; falsa, cujus omnes sunt falsæ.

Nota, Enunciationes Hypotheticas modificari posse, ut & Modales fieri Hypotheticas: ut, Necesse est, ut si homo est animal, sit vivens. Necesse est hominem esse rationalem & risibilem. Necesse est hominem esse rationalem aut irrationalem, &c. Item, Si necesse est hominem esse animal, necesse est illum esse sensitivum. Si necesse est hominem esse sensitivum, impossibile est eum esse incorporeum, &c. Aut necesse est hominem esse rationalem aut irrationalem. Aut necesse est Solem, aut



## II. DIVISIO ENUNCIATIONIS.

### II. Quoad Qualitatem Enunciatio est Affirmativa vel Negativa.

Κατάφασις ἢ ἀρνήσις τινος κατὰ τινος.

Arist. de  
Int. c. 6.

**AFFIRMATIO** est Enunciatio alicujus de aliquo, i. e. in qua prædicatum affirmatur de subiecto: ut, *Aristoteles est Philosophus*.

Ἀρνήσις ἢ ἀρνήσις τινος κατὰ τινος.

**NEGATIO** est Enunciatio alicujus ab aliquo, i. e. in qua prædicatum removetur à Subiecto: ut, *Vitium non est amandum*.

Utraque est *Finita* vel *Infinita*.

Enunciatio *Finita* est, quæ constat Subiecto & prædicato Finitis: ut, *Virtus est maxime appetenda*.

Enunciatio *Infinita* est, quæ constat subiecto, vel prædicato, vel utroque infinito. Subiecto: ut, *Non ens excluditur à predicamentis*. Prædicato: ut, *Socrates fuit non avarus*. Utroque: ut, *Non animal est non homo*.

Q. 6. Quando est Enunciatio Negativa, & quando Infinita? R. Si particula negandi non in signo quantitatis aut in Modo includatur, eilve atque adeo totæ Orationi, aut principali Copulæ (verbisve adj. ctivo vim Copulæ ha-

benti ) immediate præponatur, Enunciatio tam Simplex quàm Composita, Pura & Modalis, Negativa erit, nisi par Negationum numerus adsit, qui censetur affirmare ( nam impares semper negant ) aut ipsa Negatio vicem Termini sustineat in Enuntiatione ; ut hic, Non est Terminus Syncategorematicus, quæ est Affirm: Finita. At si ponatur immediate ante Subjectum aut Prædicatum, eorumve partem aliquam, erit Infinita. Modi Affirm: sunt Necessæ & Contingens, Negativi, Impossibile & Possibile. Idenim Possibile hic dicitur, quod nondum est, sed potest esse.

Negativæ ergo Enunc: sunt hæc. 1. Particulæ negandi in signo modove inclusâ, Pura. Nullum vivens est lapis. Modalis, Impossibile est vivens esse lapidem ( nam æquivalet priori ) Exponibilis, Nullus homo est tantum sensitivus. &c. Hypothetica, Nullus angelus est, aut albus aut niger, &c. 2. Aut eis præpositâ, adeoque toti Orationi : ut, Non omnis homo est sapiens ( huic enim æquivalet, Aliquis homo non est sapiens, quæ ad tertium membrum pertinet, licet nullus in prioribus resolvi potest in non-ulus, & ad hoc reduci ) Non possibile ( i. e. Impossibile ) est hominem esse irrationalem, &c. Non solus homo est animal. Non aliquod ( i. e. nullum ) animal præter ho-

hominem est rationale, &c. Non si Soerates est homo, est sapiens. Non aut pax est non aut bellum. &c. 3. Aut principali Copulæ: ut, Lapis non est vivens. Quod est factum, non est eternum. Hominem esse doctum non est necesse. Sola corpora celestia non sunt corruptibilia. &c. Si Soerates est prudens, non est vitiosus deditus. Petrus non est aut sapiens, aut stultus, &c. Verbove adjectivo vim Copulæ habenti: ut, Bruta non valent ratione. Brutum esse rationale non contingit. &c. Plato disputat & ambulat. &c. At hæc, Nullus homo non est rationalis, propter duas negationes, quarum prior negat posteriorem, eamque tollit, censetur Affirmativa: hæc verò, non nullus homo non est doctus, ob imparem Negationum numerum, est Negativa, huic æquivalens, Aliquis homo non est doctus.

Infinitæ sunt hæc. 1. Ex parte subjecti, Quidam non doctus est justus. Omne animal non rationale est bestia. Quod non est factum, est eternum. Hominem non esse lapidem est necesse (nam constat subiecto, nempe Dicto, negativo seu infinito; ac proinde formaliter, & ut Modalis, est Infinita: vulgo tamen pro Negativa habetur, quia talis est virtualiter & quoad Dictum, quod est præcipuum in Enunc. Similiter & hæc, Non tantum homo est sensitivus. Omne animal, non præ-



ter hominem, est mortale. Socrates, non quatenus philosophus, legis, licet quoad formam videantur esse Infinita; tamen quia formaliter negant & excludunt restrictionem seu limitationem, quæ in hisce Enunc. præcipuè attenditur, easque constituunt ac denominant, Negativæ Exponibiles esse censentur.) Si numerus non est par est impar; nam resolvitur in hanc, Numerus non par est impar: (ut è contra hæc, Si numerus est par, non est impar, est Neg. quia in hanc resolvitur, Numerus par non est impar.) Aliquis homo non doctus est aut Musicus aut non Musicus, &c. 2. Ex parte prædicati: ut, Ulysses erat non formosus. Adamus potuit non peccare. Hominem esse doctum est non necesse. &c. Si nix est alba, est non nigra. Socrates est qui non ebriosus aut non probus, &c.

### Regula Enunciationum Affirm. & Neg.

In materiâ necessariâ Enunciationes Affirm. sunt semper Veræ, neg. Falsæ; in Impossibili è contra (exceptis Modalibus Contingenti & Possibili, quæ utrobique sunt Falsæ:.) At in materiâ Contingenti, utram Aff. quam Neg. Veræ vel Falsæ esse possunt (præter Necessariam & Impossibilem, quæ semper sunt Falsæ.) Idem modo Affirmativa & Negativa in his & prioribus Modalibus, penes eundem Modum

dum estimetur. Quod ex sensu & significatione Modorum, non ex illorum qualitate oritur.)

### III. DIVISIO ENUNCIATIONIS.

III. Quoad Quantitatem Enunciatio est Universalis, Particularis, Indefinita, & Singularis.

*Kαθ' ὅσον ἢ πᾶσι ἢ μὲν ἢ καὶ πᾶσι [ἐννοεῖται] Arist. I. I Prior. c.*

Enunciatio UNIVERSALIS est, quæ omni aut nulli inesse aliquid significat; i.

i. e. cujus subjecto præfigitur signum Universale, aut prædicatum est Modus universalis. (Modi universales sunt Necessæ & Impossibile: Particulares, Contingens & Possibile. Hi denotant quantitatem Locī & Temporis; Signa verò quantitatem Numeri) ut, Omnis homo est discipline capax. Nullus homo est irrationalis. Omne Animal præter hominem est irrationale. &c. Lapidem esse inanimatum est necesse. Plantam esse sensitivam est impossibile.

*Ἐν μὲν ἢ πᾶσι ἢ μὲν ἢ καὶ πᾶσι [ἐννοεῖται] Ibid.*

*καὶ πᾶσι [ἐννοεῖται]* Enunciatio PARTICULARIS est, quæ alicui, aut non alicui, aut non omni inesse aliquid significat, i. e. cujus subjecto præfigitur signum particulare, aut prædicatum est Modus particularis: ut, Aliquod animal est rationale, Aliquis homo non est doctus. Ali-

quod animal præter bovem est bipes &c. Hominem esse doctum est contingens vel possibile. Particula non alicui æquivalet nulli (v. post. de Equipoll.) & sic designaretur Enunciatio Univers. Ideo invertenda est, ut sit alicui non; quæ æquipollet non omni. His vero indigitasse videtur Arist. Enunciatiorem esse Particularem, quæ alicui vel aliquibus (modo non omni) inesse aut non inesse aliquid significat. Nam aliqua Signa Particularia efficiunt Enunciationses, etsi non universales, proximas tamen universallibus: ut, Plerique divites sunt avari.

Ibid.

Enunciatio INDEFINITA est, quæ inesse aut non inesse aliquid, sine universali particularive notâ significat, i. e. cujus subjecto communi (personaliter sumpto) nullum signum præfigitur: ut, Homo est doctus. Arbor est bona aut mala. &c. Dicitur autem Indefinita, non quod nullam definitam quantitatem in se habeat, sed quia nullo signo illa definitur; ideoque de se indifferens est ad Univers. & Partic. & ex materia determinatur. Est enim REGULA.

Prop. Indefinita in materiâ Contingenti æquivalet particulari: at in necessariâ vel impossibili, universali; (i. e. in materiâ Necessariâ Affirmativa æquivalet



let Univers. Aff. & in Impossibili Negativa æquivaler Univ. N g. non aliter: )  
 ut, Homo est doctus; i. e. Aliquis homo est doctus. Homo est animal; i. e. omnis homo est animal. Homo non est incapax doctrine, i. e. Nullus homo est incapax doctrine.

Enunciatio SINGULARIS est, quæ constat subiecto singulari, i. e. Individuo quovis modo determinato: ut, Petrus ambulat. Hic homo disputat. Soplronisei filius est doctus. Philosophus ita docet.

Modalium Quantitas attenditur, vel per Dictionem, & est ut in Paris: vel per Modum; ut ante. Unde hæc, Aliqua scandala esse est necesse, ex parte Dicti est partic. & ex parte Modi Univers: ac Omnem hominem currere est contingens, est è contra; adeoque pro Mixtis ab aliquibus habentur. Varius tamen & simplicitas dicitur, Omnem Modalem sequi quantitatem sui Modi: ita ut quæ modum habet universalem sit univers. & particularis, quæ particularem; quicquid sit de Dicto.

Exponibiles omnem quantitatem admittunt; ut ex prioribus Exemplis patet.

Hypotheticæ eandem quantitatem sortiuntur, quam Categoricalæ, quibus vel inniuntur, ut Conditionales, (v. de Hypoth. resol.) vel constant. Unde Copulativa & Disjunctiva omnis quantitatis capaces sunt: ut

ex

## Institutionum Logicae

ex antedictis patet. Hoc tamen peculiare habet Copulativa, quod quando subiecta partium distincte efferuntur, possit esse Mixta, vel ex univ. & part. ut, O. homo currit & A. leo rugit. O. homo & A. brutum sunt bipedes. O. homo est rationalis & A. homo est doctus, vel ex Univ. & Indef. aut Sing. vel ex Part. & Ind. aut Sing. vel denique ex Indef. & Sing.

Hactenus de Enunciationis Divisionibus.

**AFFECTIONES** Enunciationum vel ipsarum Terminis, vel ipsis Enunciationibus conveniunt.

Affectiones Terminorum Enunciationis sunt **SUPPOSITIO**, **AMPLIATIO**, **RESTRICTIO**, & **APPELLATIO**.

### De SUPPOSITIONE.

**SUPPOSITIO** est acceptio Terminis pro aliquo: ut hic, *Omnis homo est animal*, Term. Homo capitur pro Johanne, Petro, &c. Vocatur *Acceptio Vocis*.

Q. Unde dicta est *Suppositio*? R. Ex eo, quod vox in oratione supponatur, i. e. substituatur in locum Conceptus. Nam quia conceptus nostros aliis videndos exhibere non possumus, illorum loco vocibus utimur, tum ad res ipsas, tum ad nostros de rebus conceptus illis significandos.

Suppo.

Suppositio est triplex; *Materialis, Simplex*  
& *Personalis*; quæ **GENERA ACCE-**  
**PTIONIS** vulgo vocantur.

Suppositio **MATERIALIS** est acceptio  
Termini præ ipsâ voce: ut hîc, *Homo est*  
*dissyllaba dictio*; *Homo* accipitur pro  
ipsâmet voce, non pro re significatâ.  
Dicitur *Materialis*, quia vox est veluti  
Materia, & Significatio ejus quasi For-  
ma Termini. Vocatur etiam *Technica*,  
i.e. *artificiosa* (quia in Terminis artis illâ  
præcipuè utimur) vel *dolosa* (quia est ad  
fallendum apta) & indicatur, vel art.  
Gr. *τεχνη* vel *λι* (Gall. antiquo à Parisien-  
sibus in scholis usurpato) ut *τεχνη* vel *λι* ho-  
mo, i.e. vox *Homo*.

Suppositio **SIMPLEX** est acceptio Ter-  
mini pro suo immediato significato tan-  
tum, i.e. pro eo, quod res significata  
præcisè habet ut est *Cognita*, seu prout  
subsistat *Notionibus* aut *Intentionibus* *sc-*  
*ciendis*. Dicitur *Simplex*, quia rem ut  
nudè & simpliciter cognitam, sive ut  
unam & Simplicem denotat.

Terminus *Singularis* supponit *Simplici-*  
*ter*, quando non datur *Ascensus*, i.e. non  
possunt inferri sua Superiora; *Com-*  
*munis* verò, cum non datur *Descensus*,  
& non possunt inferri sua Inferiora:  
ut, *Petrus* in ista, *Petrus est individuum*.  
Nam non licet inferre; ergo *Homo*, ergo  
*Animal*, &c. est *individuum*. Et *Homo* in  
ista



istâ Homo est species. Nam non licet inferre, ergo Petrus vel Paulus &c. est species. Et sic de cæteris, quibus proprietas aliqua Dialectica attribuitur; quæ hinc dicuntur supponere immobiliter.

### Regula I.

Supp. Materialis & Simplex Enunciationem reddunt Singularem.

Suppositio PERSONALIS est acceptio termini pro suo mediato significato, i.e. pro eo, quod res significata habet secundum se, seu prout non substat Notionibus seu Intentionibus secundis. Dicitur Personalis, quia naturam ut in singularibus Existentem (seu personam) denotat.

Terminus Singularis supponit Personaliter, quando datur Ascensus, i.e. possunt ferri sua Superiora; & dicitur Supp. Discreta: Communis vero, cum datur Descensus, i.e. possunt inferri sua Inferiora; & dicitur Supp. Communis, ut, Petrus in istâ, Petrus currit. Licet enim inferre; Ergo Homo, ergo Animal, &c. currit. Et Homo in istâ, Homo currit; quia licet inferre; ergo Petrus vel Paulus, &c. currit. Et idem est de Denominatis respectu Denominativorum, quorum quasi Inferiora sunt Aut, Pater, Nix, &c. respectu Albi. Cum enim dico, Album videtur, licet inferre,

re, ergo *Paries* vel *Nix*, &c. videtur.  
Huc revocantur etiam *Species* & *Individa* respectu *Differentie Essentialis*, quæ ad illa comparata est *Terminus Denominativus*.

*Regula 2.*

Quandocumq; Termino communi licet Signum præfigere, manente eodem sensu, supponit ille *Personaliter*; alias *Simpliciter*.

Supp. Personalis Communis est 4. *Universalis*, seu *Distributiva*, *Copulata* seu *Collectiva*, *Determinata* seu *Disjunctiva*, & *Confusa* seu *Disjuncta*; quæ absolute vocantur **SPECIES SUPPOSITIO-  
NIS.**

Supp. *Universalis* seu **DISTRIBUTIVA** est acceptio termini pro omnibus suis Inferioribus seorsim sumptis: ut accipitur Subiectum hujus, *Omnis homo est animal*. Resolvitur enim sic, *Petrus est animal*, & *Johannes est animal*, &c. li *Animal* singulis Inferioribus subiecti, per Conjunctionem Copulativam enumeratis, seorsim attribuendo. Et dividitur in univ. pro *Generibus Singularum* & pro *Singulis Generum*.

Supp. Univ. pro *Generibus Singularum* est acceptio termini pro omnibus Generibus seu Speciebus, non autem pro omnibus Individuis: ut Subj. hujus, *Omne animal*

animal fuit in arca Noë. i. e. Omne genus aut species animalit: non omne Individuum; quia multa diluvio perierunt. vel sic, Cujuslibet speciei aliquod individuum ibi fuit; non autem omne.

Suppositio Universalis pro Singulis Generum est acceptio termini pro omnibus suis Individuis: ut Subj. hujus, *Omnis homo est animal.* Prior dicitur *Incompleta*; posterior *Completa*. Utraque est *Absoluta* vel *Accommoda*.

Supp. Univ. *Absoluta* est, ubi nulla intelligitur exceptio: ut in subjectis allatorum Exempl.

Supp. Univ. *Accommoda* est, ubi aliqua intelligitur Exceptio: ut hic, *Omnes in Adamo peccaverunt, sc. præter Christum.*

### Regula 3.

In Enunciationibus Universalibus Subjectum; in Negativis prædicatum sumitur *Distributive* seu supponit *universaliter*. Nota, non tantum signa Neg. sed & omnes dictiones Negationem sua significatione includentes (ut particule sine, absque, &c. & verba Carentiæ & Privationis; ut, Egeo, careo, &c.) distribuunt omnia se sequentia.

Suppositio Copulata se **COLLECTIVA** est acceptio termini pro omnibus suis Inferioribus simul sumptis: ut, Subjectum hujus, *Omnia Elementa sunt* 4. Resolvitur enim, *Ignis & aer & aqua & terra*



terra sunt 4. non sic, Ignis est 4. &c. li  
4. omnibus Inferioribus subiecti *conjun-*  
*ctim*, non singulis seorsim attribuenda.  
do.

## Regula 4.

Subiectum Enunciationis, in qua vel ipsum, vel Prædicatum ejus, est vox numerum significans, sumitur *Copulativè* seu *Collectivè*. Efficitque Propositionem singularem, quia Signum ejus est pars subiecti.

Suppositio *Determinata* seu **DISJUNCTIVA** est acceptio termini pro aliquo suorum Inferiorum *Disjunctivè* sumptorum: ut Subiect. hujus, *Aliquis homo est probus*. Resolvitur enim, *vel Petrus est probus, vel Johannes est probus, &c. li probus* singulis Inferioribus subiecti, per *Conjunct. Disjunctivam* enumeratis, seorsim attribuendo.

## Regula 5.

Utrumque Extremum Enunciationis part. (vel sing.) Affirm. (nisi vox necessarium vel requiritur addatur,) & subiectum Negativæ sumitur *Determinatè*.

Suppositio *Confusa* seu **DISJUNCTA** est acceptio termini pro omnibus suis Inferioribus *Disjunctivè* sumptis: ut prædicatum hujus, *Omnis homo est animal*. Resolvitur enim, *Omnis homo est hoc vel istud vel illud vel aliud animal*. Non sic, *Omnis homo est hoc animal, vel Omnis homo*

*homo est istud animal, &c.* si *homo* omnia prædicata Inferiora per Conjunctionem Disjunctivam enumerata conjunctim, non singula seorsim attribuendo. Nam sic esset falsum. Voces Requiritur, Necessarium est, & his æquivalentia, faciunt terminum, cui apponuntur, supponere Confusè: ut, Aliq is equus requiritur ad equitandum. Unde dicuntur Termini specialis confusionis.

## Regula 6.

Enunciationis Universalis Affirm. Prædicatum sumitur Confusè. Excipe Exclusivam, cujus Prædicatum distribuitur; quia est virtualiter negativa.

Nota, quod in Enunciationibus Indefinitis Termini eodem modo supponunt, quo in Universalibus & Particularibus, quibus æquivalent.

## DE AMPLIATIONE &amp; RESTRICTIONE.

AMPLIATIO est extensio Suppositionis termini ultra statum suum.

- Q. 1. Quid est Status termini? R. est Suppositio ejus pro iis tantum significatis suis, quæ sunt in differentia temporis per Copulam importatâ: ut in ista, *Aliquis homo loquitur*, si *homo* habet statum suum, quia supponit pro homine nunc tantum existente. Ampliatur vero, cum

cum Suppositio ejus extenditur ad plures in aliis differentiis temporis existentes; ut, qui fuerunt vel erunt, &c.

Q. 2. Quotuplex est differentia temporis, prout hic spectatur? R. Quinuplex, sc. *Præsens, Præteritum, Futurum, Possibile & Imaginarium.* Unde cum contingat Terminum ad duas, tres, quatuor vel omnes has differentias ampliari, quadruplex erit Ampliatio termini.

1. Ad duas temporis differentias; idque dupliciter. 1. Ad *Præsentia & Præterita*: ut, li *sedens* in illâ, *Sedens surrexit*, i. e. qui sedet aut sedebat. 2. Ad *Præsentia & Futura*: ut, li *vivens* in illâ; *Vivens morietur*, i. e. qui vivit aut vivet. Verba *Præteriti* temporis semper ampliant Subjectum ad *præsentia & præterita*; & *Futuri*, ad *præsentia & futura*.

2. Ad tres temporis differentias, sc. ad *Præsentia, Præterita, & Futura*: ut, li *natus* in illâ; *Omnis natus morietur*, i. e. qui est, fuit vel erit natus. Verba *Futuri* temporis hoc modo ampliant Subjecta *Præteriti*.

3. Ad quatuor temporis differentias, sc. ad *Præsentia, Præterita, Futura & Possibilia*: ut, li *flos* in illâ; *Flos est corruptibilis*, i. e. qui est, fuit, erit aut potest esse. Verbum *potest*, & nomina &c. verba illud includentia, hoc modo semper ampliant Subjecta.



4. Ad omnes temporis differentias, sc. ad *Præsentia, Præterita, Futura, Possibilia & Imaginaria* ut, *li opes in istâ; Avarus appetit opes*, i. e. quæ sunt, fuerunt, erunt, possunt esse vel imaginari. Verba *Appetendi & Intelligenti* hoc modo semper ampliant terminum, cui velut *Objecto* applicantur.

**RESTRICTIO** est coarctatio suppositionis termini infra statum suum, i. e. ad pauciora significata, quàm pro statu suo habere possit. Quod fit per aliquid illi additum, sc. vel *Pronomen Relativum*, quod *Copula Implicationis* appellatur; ut, *Homo, qui sapiens est, pauca loquitur*; vel *Nomen Adjectivum*; ut, *Homo sapiens pauca loquitur*; vel *Substantivum inferius*; ut, *Rex Alexander devicit orbem*; vel *Casum obliquum*; ut, *Omnes libri Aristotelis sunt lectu dignissimi*. In quibus *Subiecta* restringuntur per addita ad supponendum pro paucioribus, quàm aliter significarent.

Hæc affines sunt **DIMINUTIO, ALIENATIO & DISTRACTIO**.

**DIMINUTIO** est, cùm additum coarctat Suppositionem Termini ad partem sui significati: ut in istâ, *Æthiops est albus dentes*; *li albus* diminuitur per additum *li dentes*.

Terminus diminutus appellatur *Diminutus* secundum

*secundum quid ; non diminutus, Dic-  
tum simpliciter.*

**ALIENATIO** est, cum additum coarctat  
Suppositionem Terminum ad significa-  
tum suum improprium : ut, in illa,  
*Homo pictus est in aula ;* li homo aliena-  
tur per additum li pictus :

**DISTRACTIO** est, cum Subjectum non  
supponit pro differentiâ temporis per  
Copulam importatâ ; sed per additum  
ab illâ significandâ distrahitur : ut li  
*homo & li cecus in istis, Homo est mor-  
tuus ; Cecus videt,* i. e. qui fuit homo  
vel cecus ; non qui est.

De his omnibus est **REGULA**.

Ut in prædictis valeat Consequentia,  
debet supponi **CONSTANTIA** Sub-  
jecti, i. e. quod existat ; aliâs erit de  
Subjecto non supponente : ut, non valet,  
*Omnis homo loquitur ; ergo, Homo albus  
loquitur ;* nisi supponatur esse aliquem  
hominem album.

## DE APPELLATIONE

**APPELLATIO** est applicatio significati  
formalis unius Terminum ad significa-  
tum (materiale vel formale) alterius :  
ut, *Grammaticus est obesus.* Ubi li obesus  
appellat supra significatum materiale,  
non formale, li Grammatici. *Fideles in  
hoc vita tantum patientur afflictiones.* Ubi li  
tantum appellat, vel supra li patientur af-

Afflictiones, & efficit hunc sensum falsum,  
quod mala tantum, & nihil boni à Deo  
in hac vita recipiunt; vel supra voces, in  
hac vita, & efficit hunc sensum verum,  
quod in hac vita tantum, & non in futu-  
ris patientur afflictiones.

Afflictiones ipsa sunt Enunciationum sunt  
tres, **OPPOSITIO, EQUIPOLLEN-  
TIA & CONVERSIO.**  
**DE OPPOSITIONE.**

Arist. de  
Int, c. 6.

Enunciationes **OPPOSITÆ** sunt affir-  
matio & negatio ejusdem de eodem, &  
non æquivocæ, i. e. quæ constant eo-  
dem subiecto & predicato, non æqui-  
vocæ sumpto; ut, *Omnis homo est do-  
ctus, & Nihilus hominis est doctus.* Addi-  
tur non æquivocæ; quia si subiectum aut  
predicatum sumatur in diversâ signi-  
ficatione vel diversimodè (i. e. non se-  
cundum idem, ad idem, eodem modo, & de  
eodem tempore, v. part. II de Repugn.)  
non erit de eodem (i. e. eodem) eodem, & licet op-  
ponatur. Unde, *Canis latrat, &  
Canis non latrat,* non sunt Enunciationes  
Oppositæ; si subiectum *Canis* illic  
sumatur pro domesticis, hic pro domesticis.  
Enunciationes Oppositæ sunt **CONTRA-  
DICTORIÆ, SUBCONFRARIÆ & CON-  
TRADICTORIÆ.**



## Pars II. De Enunciationum Oppositione. 91

Αἱ ἀπορρίπτει ENANTIAI τίς τις ὅτι καὶ ὁ αὐτὸς Ibid: c.  
ἀπορρίπτει τις τὰ καὶ ὁ αὐτὸς, ὅτι ὁ αὐτὸς ἢ μὴ 7. S. 2.

Enunciationes CONTRARIE sunt, quando universaliter de re universali enunciat quis inesse aliquid aut non inesse, i.e. sunt Oppositæ Universales: ut, *Omnis homo est doctus, & Nulus homo est doctus. Necessè est hominem esse animal, & Impossibile est hominem esse animal.*

Hæc reducitur Oppositio inter Universalem & singularem vel (ex Communi & Particulari) mixtam: ut, *Omnis homo currit, & Petrus non currit, vel, Plurique (aut Aliqui) homines non currunt. Quia illis convenit Lex Contraria cum, solo Johanne non corrente. v. Legem. 4.*

Αἱ ἀπορρίπτει THENANTIAI τίς τις ὅτι in Ibid.  
τὸ καὶ ὁ αὐτὸς, μὴ καὶ ὁ αὐτὸς, ἀπορρίπτει τις. S. 3.

Enunciationes SUBCONTRARIE sunt, quando de Universalibus non universaliter enunciat quis, i.e. sunt Oppositæ particulares: ut, *Aliquis homo est doctus, & Aliquis homo non est doctus.*

Ἡ ἐν τῇ αὐτῇ λέξει ἀντιθέται ἄλλοις, & καὶ ἄλλοις, quoad vocem tantum opponuntur (inquit Arist.) non revera; quia non habent idem subjectum. Nam pexli Aliquis homo in Arist pr. una & aliâ Enunciatione alius & alius 1.2.c.15. homo intelligitur; non idem: (alias essent S. 1.

Contradictoriæ singulares; de quibus mox.) Et hinc præterea possunt esse:

simul veræ (v. Leg. 5.) at veritas veritati  
non opponitur, quia unica est & simplex.

*Arist. de* Δι' ἀπορίσεων ἈΝΤΙΦΑΤΙΚΑΙ εἰσιν, ἢ τὸ  
*Int. c. 7.* καθελε-συμπίπτει, τῷ τὸ αὐτὸ, ὅτι ἢ καθελε,  
*S. 5.* Εὐφρασιονες CONTRADICTO-

**Enunciationes CONTRADICTO-**  
**RIÆ** sunt, quarum altera universaliter  
significat, altera de eodem verò non,  
i. e. sunt Oppositæ, quarum una est U-  
niversalis, altera Particularis: ut, *Om-*  
*nīs homo est doctus, & Aliquis homo non est*  
*doctus. Impossibile est hominem esse doctum,*  
*& Contingit hominem esse doctum.*

Huc reducuntur Oppositæ Singulares :  
ut, *Petrus currit, & Petrus non currit* ; quia  
illis convenit Lex Contradictoriarum.  
v. Leg. 3. (sub nullâ enim specie, ab Arist.  
definitâ, directè continentur ; quia ille de-  
scribit tantùm Oppositas Subjecto Com-  
muni constantes, in ordine sc. ad Scienti-  
tias, quæ agunt tantùm de Universalibus )

2. Quo reducendæ sunt Oppositæ Indefini-  
nitæ? R. Cùm Indefinitæ pro materiæ  
diversitate vel Universalibus vel Par-  
ticularibus æquivalent, ad Contrarias  
vel Subcontrarias reducuntur. Unde  
Homo est animal, & Homo non est an-  
imal, sunt Contrariæ: Homo est justus,  
& Homo non est justus, Subcontrariæ.

De Hypotheticarum & Exponibilium Op  
positione hæc sint REGULÆ.

Pars II. De Enunciationum Oppositione. 930

R. 1. Si Hypotheticæ & Exponibilibus Signis  
Quantitatis efficiantur, quoad illa idem  
eilo iudicium de his, ac de aliis. Affas;

R. 2. Si Nota Negationis Coniunctioni Hy-  
potheticam constituenti immediate, vel  
mediante solâ Copulâ (aut verbo Adje-  
ctivo vim Copulæ habente) præpona-  
tur, *Contradictoria* erit talis Hypothesica  
sua Affirmativæ; sin alibi posita Ne-  
gativam constituat, erit *Contraria* vel  
*Subcontraria*.

*Contradictoriae* proinde sunt hæc. Si  
Socrates est homo est doctus, & Non si So-  
crates est homo est doctus. (Si Socrates est  
homo, non est doctus, & Non si Socrates  
est homo, non est doctus. (v. mox. de Re-  
sol.) Et Socrates & Phalaris (i. e. uter-  
que) est iustus, & Non & Socrates &  
Phalaris (i. e. non uterque seu alter non)  
est iustus. v. de Equipoll. & Tab. 2.

[Sic, Socrates est & philosophus & inju-  
stus, & Socrates non est & philosophus &  
injustus] Et Socrates & Phalaris non  
(i. e. uterque non seu neuter) est iustus;  
& Non & Socrates & Phalaris non (i. e.  
non uterque non, seu non neuter; i. e.  
alter) est iustus, v. ibid. Aut dies aut  
non (i. e. alterum) est, & Non aut dies  
aut non (i. e. non alterum seu neu-  
trum) est. [sic, Pica est aut alba aut nigra,  
& Pica non est aut alba aut nigra. So-  
crates disputat Categorice vel Hypothesi-



ergo, & Socrates non disputat Categorice  
aut Hypotheticè, Aut si dies aut nox non  
(i.e. alterum non) est, & Non aut di-  
es aut nox non (i.e. non alterum [scu  
neutrum] non, i.e. utrumque) est. Ade-  
oque his omnibus convenit Lex Contra-  
dictoriarum. v. Leg. 3.

Contrariæ hæc. Si Socrates est homo, est  
doctus, & Si Socrates est homo, non est  
doctus (v. mox. de Resol.) Socrates &  
Phalaris (i.e. uterque) est justus, & So-  
crates & Phalaris non (i.e. uterque non  
scu neuter) est justus. (v. de Equipoll.  
& Tab. 2.) & Socrates non est justus,  
& Phalaris est justus, i.e. hic non. Sic,  
Non aut dies aut nox (i.e. non alte-  
rum seu neutrum) est, & Non aut dies  
aut nox non (i.e. non alterum [scu  
neutrum] non i.e. utrumq;) est. v. ibid.  
Adeoque illis convenit Lex Contraria-  
rum. v. Leg. 4.

Subcontrariæ hæc. Non si Socrates est  
homo, est doctus, & Non si Socrates est  
homo, non est doctus. (v. mox. de Re-  
sol.) Non & Socrates & Phalaris (i.e.  
non uterque seu alter non) est justus;  
& Non & Socrates & Phalaris non (i.e.  
non uterque non, seu non neuter i.e.  
alter) est justus. (v. de Equipoll. &  
Tab. 2.) Aut dies aut nox (i.e. alie-  
rum) est; & Aut dies aut nox non  
(i.e. alteram non) est. v. ibid. Adeoque  
illis

illis convenit *Lex Subcontrariarum. v. Leg. 5.*

Nota, *Hypotheticas* in alias virtualiter in illis contentas resolvi, sc.

*Conditionalis* resolvitur in Propositionem, cui innititur, juxta has Regulas.

1. Si Subjectum Antecedentis & Consequentis sit idem, in Categoricalam resolvitur, si remoto solo, cum particula *Si*, communi illo Subjecto, ex prædicatoris (præposito signo universalis) fiat Propositio: ut (1) *Si Socrates est homo est doctus*, resolvitur in hanc, *Omnis homo est doctus*. (2) *Non si Socrates est homo est doctus*, in hanc, *Non omnis homo est doctus*. i. e. aliquis non. v. de Æquipoll. (3) *Si Socrates est homo non est doctus*, in hanc, *Omnis homo non est doctus*. i. e. nullus est v. ibid. (4) *Non si Socrates est homo non est doctus*, in hanc, *Non omnis homo non est doctus*. i. e. nonnullus seu aliquis est. Tandem (5) *Si Socrates non est doctus, non est philosophus*, in hanc, *Non doctus non est philosophus*.

2. Si Prædicatum Antecedentis & Consequentis sit idem, eodem modo resolvetur, remoto communi prædicato (loco subjecti) & transpositis Subjectis: ut, *Si animal est sensitivum, homo est sensitivus*, in hanc, *Omnis homo est animal*; vel in Relativam; ut, *Quale est animal, talis est homo*.

3. Si

3 Si Subjectum & Prædicatum sit diversum, in Relativam resolvetur, remota solum particulâ *Si*: ut, *Si mundus regitur providentiâ, nihil casu fit*, in hanc, *Mundum regi providentiâ arguit nihil casu fieri.*

*Disjunctiva* resolvitur in *Conditionalem*, cujus Antecedens sit oppositum primo vel primis membris *Disjunctionis*, & Consequens idem cum reliquo; (vel etiam in *Copulativam*, sc. *Affirmativa* in *Aff.* & *Negativa* in *Neg.*) ut (1) *Aut dies aut nox est*, in hanc, *Si dies non est, est nox*; vel hanc, *Non & dies & nox non est.* (*Aut pax est aut bellum aut inducie*, in hanc, *Si non est pax, nec bellum, sunt inducie*; vel hanc, *Non & pax & bellum & inducie non sunt.* *Socrates aut non est homo, aut non est irrationalis*, in hanc, *Si Socrates est homo, non est irrationalis*; vel hanc, *Socrates non est & homo & irrationalis.*) (2) *Non aut dies aut nox est*, in hanc, *Non si dies non est, est nox*; vel hanc, *Et dies & nox non est, (i. e. nec dies nec nox est.)* (3) *Aut dies aut nox non est*, in hanc, *Si dies est, nox non est*; vel hanc, *Non & dies & nox est.* (4) *Non aut dies aut nox non est*, in hanc, *Non si dies est, nox non est*; vel hanc, *Et dies & nox est.*

*Copulativa* resolvitur in *Disjunctivam* (sc. *Affirmativa* in *Aff.* & *Negativa* in *Neg.*)



Neg.) ut, (1) Et Socrates & Phalaris est justus, in hanc, Non aut Socrates aut Phalaris non est justus. (2) Non & Socrates & Phalaris est justus, in hanc, Aut Socrates aut Phalaris non est justus. (3) Et Socrates & Phalaris non est justus, in hanc, Non aut Socrates aut Phalaris est justus. (4) Non & Socrates & Phalaris non est justus, in hanc, Aut Socrates aut Phalaris est justus.

R. 3. Omnis Exponibilis Negativa contraria est suæ Affirmativæ (nisi gratia signorum aliud accadat, juxta Reg. 1.) sic. Solus homo currit; &, Non solus homo currit, Solus homo non currit, Non solus homo non currit. Prædicabilia sunt tantum sex; &, Prædicabilia non sunt tantum sex. Omne animal, præter asinum, est rationale; &, Omne animal, non præter asinum, est rationale, O. animal, præter asinum, non est rationale, O. animal, non præter asinum, non est rationale. (Omne non valet Nullum. v. de Æquipoll.) Omnis numerus, quæ numerus, est par; &, O. numerus, non quæ numerus, est par, O. numerus, quæ numerus, non est par, O. numerus, non quæ numerus, non est par. (i. e. nullus) sunt Contrariæ, quia illis convenit Lex Contrariarum. v. Leg. 4.

Ut autem habeantur Contradictoriæ, per alias exponi debent, quibus inventendæ sunt Contradictoriæ, juxta Regulas præ-

precedentes. Exponuntur ergo sic,

1. Exclusiva: ut, (1) *Solus homo currit*, per hanc Simplicem, *Omne quod currit est homo* (cujus Contradictoria est, *Non omne*, &c. i. e. *Aliquod non*. v. de *Æquipoll.*) vel per hanc Copulativam, *Et homo & nihil aliud currit* (Contradict. *Non & homo*, &c. v. Reg. 2.) vel per hanc Exceptivam, *Nihil præter hominem currit*. (2) *Non solus homo currit*; per has, *Non omne, quod currit, est homo* (supponendo *hominem currere*;) vel, *Et homo & aliquid aliud currit*, vel, *Non nihil (Aliquid) præter hominem currit*. (3) *Solus homo non currit*; per has, *O. quod non currit, est homo*; vel, *Et homo non currit, & O. aliud currit*; vel, *O. præter hominem currit*. (4) *Non solus homo non currit*; per has, *Non O. quod non currit, est homo* (supponendo *hominem non currere*;) vel, *Et homo & aliquid aliud non currit*; vel, *Non-nihil (Aliquid) præter hominem non currit*.

Ex quibus simul constat, *Exclusivam* ex parte Subjecti 3. modis infirmari posse: ut, *Solus homo currit* (1. *Homo & nihil aliud currit*,) dicen- 1. *Hominem & aliud currere*. 2. *Hominem & aliud non currere*. 3. *Non hominem, sed aliud currere*. Sic *Exclus.* ex parte Prædicati: ut, *Prædicabilia sunt tantum sex*; exponitur per hanc, *Prædicabilia*

sunt sex, & non plura.

2. Exceptiva: ut, (1) O. animal, præter asinum, est rationale; per hanc simp. O. animal non rationale est asinus; vel per hanc Copul. Et aliquis asinus non est rationalis, & omne aliud animal est rationale; vel per hanc Exclus. Solus asinus non est rationalis. (2) O. animal, non præter asinum, est rationale; per has, O. animal est rationale; vel, Et O. asinus & O. aliud animal est rationale; vel, Non solum omne animal, aliud ab asino, est rationale. (3) O. animal, præter asinum, non est rationale; per has, O. animal rationale est asinus; vel, Et aliquis asinus est rationalis, & O. aliud animal non est rationale; vel, Solus asinus est rationalis. (4) O. animal, non præter asinum, non est rationale; per has, O. animal non est rationale (i.e. Nullum) vel, Et O. asinus & O. aliud animal non est rationale (i.e. Nec asinus nec aliud animal est rationale;) vel, Non solum O. animal aliud ab asino non est rationale. Consimiliter de reliquis, quæ aliis signis afficiuntur.

Unde 3 modis infringitur vis Exceptivæ: ut, O. animal, præter, asinum est rationale, (i.e. Aliquis asinus non est rationalis, & o. aliud animal est rationale,) dicendo, 1. O. asinum & aliud animal esse rationale. 2. A. asinum esse rationalem

&



& o. aliud animal non esse. 3. Nullum asinum aut aliud animal esse rationale. Quibus si addantur particulares Oppositæ, erunt plures adhuc: ut, 4. Non omne animal, præter asinum, est rationale. i. e. Aliquis asinus & aliquod aliud animal non est rationale. 5. Non o. animal, præter asinum, non est rationale. i. e. Aliquis asinus & aliquod aliud animal est rationale, &c.

3. Reduplicativa: ut, (1) O. numerus, quâ numerus, est par; per hanc Copul. Causalem, O. numerus, & quia est numerus, est par. (2) O. numerus, non quâ numerus, est par; per hanc, Et o. numerus, & non quia est numerus, est par. (3) O. numerus, quâ numerus, non est par; per hanc, Et o. numerus, & quia est numerus, non est par. (4) O. numerus, non quâ numerus, non est par; per hanc, Et o. numerus, & non quia est numerus, non est par. Ideoque 3 modis infirmatur, dicendo, 1. O. numerum, non quia est numerus, esse parem. 2. Quia est numerus, non esse parem. 3. Non quia est numerus, non esse parem. Fateor hæc aliter interpretari licere.

Enunciationibus Oppositis adjungi solent Subalterne.

Enunciationes SUBALTERNE

hunc

## Pars II. De Enunciationum Oppositione. 101

sunt duæ eodem Subiecto Prædicatione constantes, quæ ejusdem sunt Qualitatis, sed diversæ Quantitatis. i. e. utraque est Affirmativa vel Negativa; sed una Universalis, altera Particularis: ut, *Omnis homo est animal*, & *Aliquis homo est animal*. Necesse est hominem esse doctum, & *Contingit hominem esse doctum*. Quarum Universalis dicitur SUBALTERNANS; particularis SUBALTERNATA. Sic & in Hypotheticis: ut, *Si Socrates est homo, est rationalis*, & *Non si Socrates est homo, non est rationalis*. *Si Dionysius est tyrannus, non est justus*, & *Non si Dionysius est tyrannus, est justus*. Et *Socrates & Phalaris est justus*, & *Non & Socrates & Phalaris non est justus*. Et *Socrates & Phalaris non est justus*, & *Non & Socrates & Phalaris est justus*. *Non aut dies aut nox non est*, & *Aut dies aut nox est*. *Non aut dies aut nox est*, & *Aut dies aut nox non est*. Has certum est non opponi, cum non sint Affirmatio & Negatio.

### 1. Lex Oppositarum.

Oppositarum opposita est ratio. Proinde, Quæ uni Oppositarum convenit, ea opponitur alteri; & quæ uni opponitur, ea convenit vel subalterna est alteri: & contra, Cui una Oppositarum convenit &c.

### 2. Lex

## 2. Lex Subalternarum.

Ex Subalternantis veritate Subalternata veritas; & ex Subalternata falsitate Subalternantis falsitas sequitur; non contra; (nisi grãtia materiæ Necessariæ vel Impossibilis, in quibus ambæ semper sunt veræ vel falsæ.) Exempl. 1. Quia, O. homo est animal, est vera; ideo, A. homo est animal, vera est: At quia, O. homo est doctus, est falsa; non ideo, A. homo est doctus, falsa est. Exempl. 2. Quia, A. planta sentit, etiam & O. planta sentit, est falsa: At quia, A. homo currit, non statim, O. homo currit, est vera. Ratio est, quia Subalternans includit Subalternatam, & aliquid amplius; ideoque plus ad veritatem, minusque ad Falsitatem illius, quàm hujus requiritur.

## 3. Lex Contradictoriarum.

Arist. de  
Int. c. 7.  
S. 8.

Contradictoriæ simul veræ vel falsæ esse non possunt; (sed earum altera semper vera est, altera falsa.) Fundatur hæc Lex duobus Principiis lumine naturæ notis; sc. pars 1. hoc, Impossibile est idem simul esse & non esse: 2. hoc, Quodlibet est vel non est. Nam si tam, Omnis homo currit quàm, Aliquis homo non currit, sit vera; ille, Aliquis homo, sit Petrus, qui currit per primam, & non currit per secundam propositionem, quod repugnat Principio 1. Et si utraque



traque sit falsa; sc. prima, quia Petrus non currit; & secunda, quia Non datur aliquis homo, qui non currit; tum, Nec Petrus non currit; & sic, Nec currit, nec non currit; quod repugnat Principio secundo. Hinc vulgata illa, 'Contradictio dividit verum à falso; 12. &, Una Enunciatio uni tantum Contradictorie opponitur. Ibid. §.

4. Lex Contrariarum.

Contrarie possunt esse simul false (in materia sc. Contingenti;) non simul vere: 6. & c. ut; O. homo est doctus, & N. homo est doctus. Nam in materia Necessaria vel Impossibili altera semper vera est, altera falsa. Ratio Legis est, quia si Contrarie essent simul vere, tum & Subcontrarie simul vere essent, per Leg. 2. (& sic etiam Contradictorie, v. Tab.) quin & simul false essent, per Leg. 3. Et sic etiam Contrarie, atq; adeo Contradictorie simul false essent, per Leg. 2. Vel, tum Singulares Contradict. in Contrariis contentae simul vere essent; ut, quia O. homo est doctus, etiam, Petrus est doctus: & quia N. homo est doctus, quoque Petrus non est doctus; contra Leg. 3. Si vero Contrarie sint simul false, non sequitur illas simul falsas fore; per Leg. 2.

## 5. Subcontrariarum.

Ibid.

*Subcontraria* possant esse simul *veræ* (in materiâ sc. *Contingenti*, dum intelliguntur de diversis subjectis) non simul *falsæ*: ut, *A. homo est doctus*, & *A. homo non est doctus* (diversos homines intelligendo) sunt *veræ*. Nam in materiâ *Necessariâ* vel *Impossibili* sunt ut *Contrariæ*. Ratio Legis est, quia si *Subcontrariæ* essent simul *falsæ*; tum & *Contrariæ* simul *falsæ* essent, per Leg. 2. (& sic etiam *Contradictoriæ*. v. *Tab.*) quæ in & simul *veræ* essent, per Leg. 3. (contra Leg. 4.) & sic etiam *Subcontrariæ* atque adeo *Contradictoriæ* simul *veræ* essent, per Leg. 2. Similiter in Singularibus *Contradictoriis*; nam si, *A. homo est doctus*, sit *falsa*; tum &, *Petrus est doctus*, erit *falsa*: et si, *A. homo non est doctus*, *falsa* sit; etiam, *Petrus non est doctus*, *falsa* erit; contra Leg. 3. Si verò *Subcontrariæ* sint simul *veræ*, non sequitur illas simul *veras* esse, per Leg. 2.

## DE EQUIPOLLENTIA.

**EQUIPOLLENTIA** est Enunciationum Oppolitarum per Negationis adventum æquivalentia. Unde pro triplici Negationis dispositione, sc. Ante, Post, vel Ante & Post Subj. et Signum aut Modum, triplex est Equipollentia, triplici Regulâ contenta, juxta versum.

1 Præ, Contradic. 2 Post, Contrar.

3 Præ, Postque Subaltern.

R. 1. Alterutri Contradictoriarum præpositâ negatione, fit alteri æquipollens: ut, Non O. homo est doctus, & A. homo non est doctus, &c. Non impossibile est hominem esse doctum, & Contingit hominem esse doctum, &c. sic, Necesse est omnem hominem esse animal, & Impossibile est aliquem hominem non esse animal; quia Modus prior alteram Purarum Contradictoriarum affirmat; posterior alteri negationem præfigit.

R. 2. Alterutri Contrariarum postpositâ Negatione fit alteri æquipollens: ut, O. homo non est doctus, & N. homo est doctus, &c. Necesse est hominem esse doctum, & Impossibile est hominem non esse doctum, &c.

R. 3. Alterutri Subalternarum præpositâ simul & postpositâ Negatione fit alteri æquipollens: ut, Non O. homo non est doctus, & H 2 doctus,



doctus, & A. homo est doctus, &c. Necesse est hominem esse doctum, & Non contingit hominem non esse doctum, &c.

De Subcontrariarum Equipollentiâ nulla datur Regula; quia alterutri illarum præpositâ, Negatione, si & Contradictorie; & præpositâ simulque postpositâ, suæ Subalterne fit equipollens, per Reg. præc. At postpositâ tantum, Affirmative quidem suæ Subcontraria fit eadem; Negative verò, fit insolens Negationum concursus. Sed Signis in alia æquivalentia mutatis, (ut, Aliquis in Non-nullus, & Aliquis non in Non-commis) benè fient Equipollentes postponendo Negationem, sicut Contrariis: ut, Nonnullus (A.) homo non est doctus, & Non omnis homo (A. homo non) est doctus, &c.

Nota præcedens doctrina his versibus exprimitur.

Non-omnis, Quidam-non: Omnis-non quasi nullus.

Non nullus, Quidam: sed Nullus-non valet Omnis.

Non-aliquis, Nullus: Non-quidam-non valet Omnis.

Neuter, uterque (valet) non: Neuter-non at uterque.

Non-alter, Neuter: Non-alter-non & uterque.

Lex *Æquipollentium* &

*Æquipollentium* similis est ratio, quia sunt ejusdem *Quantitatis* & *Qualitatis*, *Veritatis* & *Falsitatis*, *Necessitatis* & *Contingentie* (proinde *Unam* licet substituere loco alterius.) Unde

Cui una *Æquipollentium* *equipollet* aut *opponitur*, eidem & altera; & in quam una *convertitur*, in eandem & altera. Et *Contra*, Quæ uni *Æquipollentium* *equipollet*, &c.

Q. Cum *Regulæ* datæ solas *Propositiones* signis *Quantitatis* affectas respiciant, quomodo *Oppositæ* *Indefinitæ* & *Contradictoriæ* *Singulares* reconciliandæ sunt?

R. *Negationem* immediate præponendo *Prædicato*, ut ex *Finito* fiat *Infinitum*; ut, *Homo est doctus*, & *Homo non est non doctus*. *Petrus non est doctus*, *Petrus est non doctus*. Est enim

*REGULA* generalis pro *Infinitarum* *Æquipollentia*.

*Propositio* *Affirmativa* *Finita* & *Negativa* *Infinita* ex parte *Prædicati*, & *contra* (si sint ejusdem *Quantitatis*) *æquipollent*, & una illarum sequitur ex altera; juxta *Exempla* præced. Cum hac *Cautione*, quod (1) *Subjectum* sit *Ens reale actus*, (2) sine *Reduplicatione* positum, (3) totum *Prædicatum* *Infinitum*. - Quare hæc non *æquipollent*, ex defectu primæ, *Chimæra non est alba*,

*& Chimera est non alba. Secundæ, Homo quā homo non est albus, & Homo quā homo est non albus. Tertiæ, Adam potuit non peccare, & Adam non potuit peccare. In quibus prior ubique est vera, & posterior falsa.*

*Regula sic limitata tenet in omnibus Propositionibus. Fundatur enim Lege hac æternā, De quo unum Contradictorium affirmatur, de eo negatur alterum. Unde cum Doctus & Non doctus sint Contradictorii, sequitur, Homo est doctus; ergo, Non est non doctus; & contra. Item, Homo est non doctus; ergo, Non est doctus; & contra.*

*Hinc patet quomodo Subcontrariæ reconciliari possint; ut & Contrariæ, aliter quā Reg. 2. precipitur. Quin & Oppositæ omnes Exponibiles & Hypotheticæ, Signis Quantitatis non affectæ, & in quibus nota negationis particula Exponibilibus aut Conjunctioni illas constituentibus immediate, vel mediante solā Copulā, non præponitur. Alias enim Purarum leges sequuntur; in quas hæc ultima resolvenda sunt, ut debite fiat Reconciliatio. Sed cum eadem Qualitas & Termini in his non seruentur, ab hoc loco ungo amandantur.*

## DE CONVERSIONE.

CONVERSIO est mutatio Subjecti in locum



cum Prædicati, & contra, manente ea. *Arist. l. dem Qualitate Enunciationis*: ut, N. 1. pr.

*brutum est risibile*, convertitur in, N. An. c. 2.

*risibile est brutum*. Quarum prior, quæ transmutatur, dicitur *Conversa*; posterior, in quam mutatur, est *Convertens*.

Ad legitimam Conversionem requiritur, ut *Convertens ex Conversâ necessario sequatur*. Quod ut fiat, hæc Regula est observanda.

### REGULA Conversionis.

In omni Conversione totum Prædicatum transponi debet in locum Subjecti, & contra, sine ullâ Casûs, Personæ, Temporis, Acceptionisve Mutatione. Unde hæc non sunt bonæ, *Aliquis homo edit panem*; ergo, *Aliquis panis edit hominem*. *Quidam Equus est in stabulo*; ergo, *Quoddam stabulum est in equo*. B sequitur A; ergo, A sequitur B. *Senex fuit puer*; ergo, *Puer fuit senex*, &c. ut verò debitæ fiant, in suos Terminos primò resolvendæ sunt Propositiones, & tum convertendæ: ut, A. *homo edit (est edens) panem*; ergo, A. *edens panem est homo*. Q. *equus est (est existens) in stabulo*; ergo, Q. *existens in stabulo est equus*. *Senex fuit (est aliquis, qui fuit) puer*; ergo, *Aliquis, qui fuit puer, est senex*, &c.

Conversio (legitima) est *Simplex* vel *Per Accidens*.

**Conversio Simplex** est, in quâ servatur eadem Quantitas Enunciationis: ut, *N. lapis est vivens*; ergo, *N. vivens est lapis*. *Contingit aliquem hominem currere*; ergo, *Contingit aliquid currens esse hominem*. Dicitur *Simplex*, quia est unica tantum mutatio, sc. ordinis Terminorum.

**Conversio Per Accidens** est, in quâ mutatur Quantitas Enunciationis, ex universalis Particularem inferendo; non contra: ut, *Omnis homo est animal*; ergo, *Aliquod animal est homo*. *Neceesse est omnem philosophum esse hominem*; ergo, *Contingit aliquem hominem esse philosophum*. Dicitur *per Accidens*, vel quia secundum partem Prædicati (quoad latitudinem ejus suppositionis) non totum; vel quia mediatè fit; ut, *O. homo est animal*; (ergo, *A. homo est animal*;) ergo, *A. animal est homo*. Sic, *N. lapis est vivens*, (ergo, *N. vivens est lapis*;) ergo, *A. vivens non est lapis*; per Conversionem simplicem & Legem subalternarum.

His addi solet

**Conversio per Contrapositionem**, in quâ, servatâ Quantitate, mutatur Qualitas Enunciationis, & ex Finitâ fit de Subiecto Infinito: ut, *O. homo est animal*, ergo *O. non animal non est homo*. *Neceesse est omnem hominem esse animal*; ci-

go, Necessè est omne non animal non esse hominem. Nam si esset Homo; quia, O. homo est animal; (per prop. 1.) O. non animal esset animal. Sic, A. homo non est doctus; (ergo A. homo est non doctus;) ergo, A. non doctum est homo. Contingit aliquem hominem non esse doctum; (ergo, Contingit aliquem hominem esse non doctum;) ergo, Contingit aliquod non doctum esse hominem. v. Reg. de Infinitarum Equipollentiâ, quâ fundatur hæc Conversio propositionis particularis; cujusque Limitationes proinde hic adhibendæ sunt. Unde non sequitur, A. Chimera non est alba; ergo, A. non album est Chimera; quia non valet, A. Chimera non est alba; ergo, est non alba; unde inferendum esset; ergo, A. non album est Chimera. Dicitur hæc Conversio per Contrapositionem, propter contrariam positionem, Infiniti sc. pro Finito, & Negativi pro Affirmativo, aut contrâ. Unde cum eadem Qualitas & Termini hic non servantur, non est propria Conversio, prout hoc loco spectatur.

Quibus autem modis unaquæque Propositione legitime converti possit, hoc disticho docetur.

FEcl simpliciter convertitur; EvA per Acci:  
AHO per Contra; sic fit Conversio tota.

In quo vocum FEcl, EvA, AHO, vocales  
signo-



significanti, ut in Tabula. Ideo Univer-  
sali Negativa & Particularis Affirmativa  
(per E, & I. in FECl denotate) conver-  
tuntur simpliciter, &c.

Dantur & alii modi Conversionis per  
Contrapositionem; (sc. Universalis Af-  
firm. Infinita, si sit ex parte Subjēti,  
convertitur in Particularem Neg. Fini-  
tam; si ex parte Prædicati, in Univer-  
sa-lem Neg. Finitam. Item Particularis  
Aff. Infinita, si sit etiam ex parte Sub-  
jēti, in Particularem Neg. Finitam; sin  
ex parte Subjēti & Prædicati, in Par-  
ticularem Neg. Infinitam ex parte Sub-  
jēti, &c.) qui tamen sine magno incom-  
modo ignorari possunt.

Legitimæ Conversionis Regulæ Termini-  
norum Suppositione fundantur. Nam  
quia Prædicatum, Universalis quidem  
Affirmativæ supponit Confusè, & Par-  
ticularis Affirmativæ Determinatè (i. e.  
utrumque pro Individuo vago;) at  
Universalis Negativæ, Universaliter seu  
Distributivè: hinc prima per Accidens  
tantum; reliquæ autem Simpliciter  
convertuntur. Et Universalis Neg. eti-  
am per Accidens, quia Particularis ex  
Universali sequitur, per Leg. Subaltern.  
(Quodd si hæc aliter unquam conver-  
tantur; ut, O. homo est rationalis; ergo,  
O. rationale est homo, &c. id fortuitum est  
& gratiâ materiæ). Particularis verò  
Negati-

Pars II. De Enunciationum Conversione. 113

Negativa nullo modo convertitur in Negativam; quia Subjectum Convertere, quod est Particulare, in Converterente esset Universale (utpote Propositionis Neg. Prædicatum v. Reg. 3. Suppos.) & sic Universale ex Particuliari inferretur, contra Regulam Conversionis. Quin etiam sic probantur Conversiones.

1. Particularis Affirmativa: ut Aliquod A est B; ergo Aliquod B Nullum B est est A, si non (per Leg. Contradict.) Nullum B est A; ergo v. Syllogistica Aliquod A non est A, sic Aliquod A non est A.

2. Universalis Negativa: ut, Nullum A est B; ergo Nullum B est A. Si non (per Leg. Contr.) Aliquod B est A. Ergo per præced. Aliquod A est B (Contrad. prime) vel tum sic Aliquod B non est B.

3. Universalis affirmativa: ut, Omne A est B. ergo, Aliquod B est A. Sin minus (per Leg. Contrad.) Nullum B est A. ergo (per præced.) Nullum A est B. (Contrar. prime) vel sic

Nullum B est A. sed } Si aliquod A est B, aliquod B est A (per 1. sed  
Omne A est B. ergo } Si omne A est B, aliquod A est B (per Leg. subalt.)  
Nullum A est A. ---- } B est A. Corol.

*Corollarium.*

Hinc sequitur, quod Subjectum *Convertentis*, & Prædicatum *Conversæ* semper debent esse ejusdem Quantitatis, seu in eadem Extensione sumi; nisi quando *Universalis Negativa* in *Particularem Negativam* per *Accidens* convertitur; quæ tamen *Simpliciter* in *Universalem Neg.* immediatè converti debet.

Q. Cum prædictæ Regulæ solas Propositiones signis Quantitatis affectas respiciant, quomodo *Indefinitæ* & *Singulares* convertendæ sunt? R. *Indefinitæ* converti debent, prout *Universales* & *Particulares*, quibus æquivalent; *Singulares* autem, de Prædicato singulari, *Simpliciter*; de Comuni verò per *Accidens*, sed *inverse*, ex minori majorem quantitatem inferendo; & *Affirmativa* quidem in *particularem*, *Negativa* verò in *Universalem*: ut, *Hic homo est Johannes*; ergo, *Johannes est hic homo*. *Petrus est homo*; ergo, *Quidam homo est Petrus*. *Hic homo non est justus*; ergo, *Nullum justum est hic homo*; juxta Corollarium.

*Conversio Modalium* fit quoad *Modum* & *Dictum* simul, ac Purarum Conversioni per omnia simillima est; his solum observatis, quòd

1. *Universalis Negativa* de Necessè convertitur



vertitur *Simpliciter* quoad utrumque :  
ut, *Nullum hominem esse irrationalem* est  
necesse ; ergo, *Necesse est nullum irratio-  
nale esse hominem.*

2. *Propositio de Impossibili ad Necessariam*,  
cui æquipollet, (sc. *cujus Dictum prio-  
ris Dicto est Contradictoria*) reducen-  
da est, ut de modo Conversionis ejus  
melius constet : ut (1) *Impossibile est  
omne Ens esse finitum* ; huic æquivaler,  
*Necesse est aliquod Ens non esse finitum.*  
(2) *Impossibile est nullum numerum esse  
parem* ; huic, *Necesse est aliquem nume-  
rum esse parem.* (3) *Impossibile est ali-  
quam creaturam esse infinitam* ; huic, *Ne-  
cesse est nullam creaturam esse infinitam.*  
(4) *Impossibile est aliquod animal non esse  
vivens* ; huic, *Necesse est omne animal esse  
vivens.* v. *Tab. opp. Mod.* Unde juxta  
naturam *Necessarie*, cui æquipollet, om-  
nis propositio de *Impossibili* converten-  
da est. Proinde prima seu *Universalis  
Affirmativa de Impossibili* non potest  
converti ; quia æquipollet *particulari  
Negativæ de Necess.* ; reliquæ verò pos-  
sunt.

3. *Propositiones Negativæ de Contingenti  
& Possibili* nullo modo convertuntur.

Nota, quod *Propositio de Necess.* quan-  
doque infertur, ubi juxta Conversionis  
modum esset *Contingens* : ut, *Necesse est  
omnem hominem esse rationalem* ; ergo,  
Neces-

Necesse est aliquid rationale esse hominem. Sed hoc fit per Accidens & gratiâ materiz; ut ante in Purâ; per se verò solum Contingens infertur. (At Regula id exprimere debent, quod constanter & per se; non quod per Accidens aliquando evenit.)

Hactenus de Enunciatione absolute considerata.

Enunciatio ad certam materiam restricta multifariam dividi potest; sed quantum ad præsens institutum est duplex, sc. DEFINITIVA & DIVISIVA.

## DE DEFINITIONE.

Arist.

An. post.

l. 2. c. 10.

ΟΡΙΣΜΟΨ ἔστι λόγος ὅτι τί ἐστι. DEFINI-

TIO est oratio (explicans) quid sit: ut, *Animal rationale*, respectu *Hominis*. DEFINITUM est id, quod oratione explicatur: ut, *Homo*. Itaque Definitio non est integra Enunciatio, in qua oratio rem explicans de ipsa re predicatur; ut, *Homo est animal rationale*, (quæ potius vocatur Enunciatio Definitiva) sed solum ejus Prædicatum. At quia imperfectum sensum illud gignit, cum sit oratio imperfecta, querenti Definitionem, per integram Enunciationem vulgò respondetur. Et hinc passim Definitio pro integra Enunciatione sumitur.

Defini-

**Definitio est Quid neminis vel Quid rei.**

Definitio *Quid nominis est*, quæ vocis  
alicujus significationem exponit :  
ut, *Dialectica significat artem dis-*  
*serendi*. Huc revocatur Definitio ab  
Etymologiâ petita : ut, *Consul est, qui*  
*consultat Republicæ*.

ΠΡΟΣ τῆς λόγ. οὐ τὸ τι ἢ τὸ κυμαίναν. De-Arist. 1.  
 finitio (*Quid rei*) est oratio, rei natu- 1. Top.  
 ram explicans: ut, *Homo est animal ra-* c. 5.  
*tionale*. Estque proprie dicta seu Essen-  
*tials*, vel improprie dicta seu De-  
*scriptio*.

Definitio *Essentialis* est, quæ per sola Definiti essentialia datur. Estque *Physica*, vel *Metaphysica* (seu *Logica*.)

Definitio Essentialis Physica est, quæ datur per partes Essentiales Physicas, sc. *Materiam & Formam*: ut, *Homo est compositum ex corpore & anima rationali.*

Definitio Essentialis Metaphysica (seu Logica) est, quæ datur per partes Essentiales Metaphysicas (seu Logicas) sc. Genus & Differentiam : ut, *Homo est animal rationale*. Genera e tabulis Prædicamentorum petenda sunt ; ut & Differentiæ Substantiarum : Accidentium verò Differentiæ à *Subiecto*, *Objecto*, *Causâ Efficiente* vel *Finali* sumuntur.

**I** An quaelibet res definiri possit Essentiali  
Definitione? R. Non. Nam ea, quae non  
habent



Necesse est aliquod rationale esse hominem  
Sed hoc fit per Accidens & gratia  
terit; ut ante in Puris: per se vero  
lum Contingens infertur. (At Reg  
id exprimere debent, quod constanter  
per se; non quod per Accidens aliqu  
do evenit.)

Hactenus de Enunciatione absolute c  
sideratâ.

Enunciatio ad certam materiam restri  
multasariam dividi potest; sed qua  
iam ad præsens institutum est duplic  
sc. DEFINITIVA & DIVISIVA.

## DE DEFINITIONE.

Arist.

An. post.

12.c.10.

ΟΡΙΣΜΟΣ ἔστι λόγος οὗτις ἐστὶν. DEFIN  
TIO est oratio (explicans) quid si  
ut, Animal rationale, respectu Homi  
DEFINITUM est id, quod oratio  
explicatur: ut, Homo. Itaque Defi  
tio non est integra Enunciatio, in q  
oratio rem explicans de ipsa re predicat  
ut, Homo est animal rationale. (q  
potius vocatur Enunciatio Definitiv  
sed solum ejus Prædicatum. At quia i  
perfectum sensum illud gignit, cum sit or  
tio imperfecta, quærenti Definitionem  
per integram Enunciationem vulgò respon  
detur. Et hinc passim Definitio pro integr  
Enunciatione sumitur.

Defin

Definitio est *Quid nominis* vel *Quid rei*.

Definitio *Quid nominis* est, quæ vocis alicujus significationem exponit : ut, *Dialectica significat artem differendi*. Huc revocatur Definitio ab *Etymologia* petita : ut, *Consul est, qui consulit Republicæ*.

Ὅρος ἐστὶ λόγος ὅ ἐστι τὸ πρὸς τὴν οὐσίαν. De-Arist. l. finitio (*Quid rei*) est oratio, rei natu- 1. Top. ram explicans : ut, *Homo est animal rationale*. Estque propriè dicta seu *Essentials*, vel impropriè dicta seu *Descriptiv*.

Definitio *Essentialis* est, quæ per sola Definiti essentialia datur. Estque *Physica*, vel *Metaphysica* (seu *Logica*.)

Definitio *Essentialis Physica* est, quæ datur per partes *Essentiales Physicas*, sc. *Materiam & Formam* : ut, *Homo est compositum ex corpore & anima rationali*.

Definitio *Essentialis Metaphysica* (seu *Logica*) est, quæ datur per partes *Essentiales Metaphysicas* (seu *Logicas*) sc. *Genus & Differentiam* : ut, *Homo est animal rationale*. Genera e tabulis *Prædicamentorum* petenda sunt ; ut & *Differentiæ Substantiarum* : *Accidentium* verò *Differentiæ* à *Subjecto*, *Objecto*, *Causâ Efficiente* vel *Finali* sumuntur.

Q. I. *An quelibet res definiri possit Essentiali Definitione ?* R. *Non*. Nam ea, quæ non habent

habent Materiam & Formam; ut, Spiritus, ipsa etiam Materia & Forma (tam Substantialis, quàm Accidental) non possunt definiri Physicè; quæ verò non habent genus & Differentiam, ut, Ens Infinitum seu Deus, Transcendentia, Summa Genera & Differentia quælibet, nec non Individua, non possunt definiri Mataphysicè; & quæ non habent Essentiam veram; ut, Privatio, Chimæra &c. vel non perfectam, ut Partes & Principia rerum; vel non unam, ut, Entia per Accidens, Aggregata, Complexa & Æquivoca, neutro modo Definiri, bene tamen hæc omnia Describi possunt; & Æquivoca etiam Definiri, si prius distinguantur.

Descriptio est, quæ datur per aliquod non Essentiale Definito. Estque Causalis vel Non-Causalis.

Descriptio Causalis est, quæ datur per Causam externam. Causa externa est, quæ non est pars rei, cujus est Causa. Estque duplex; Efficiens, ut Sol luminis; & Finalis, ut, Sanitas deambulationis. Itaque.

Descriptio Causalis est duplex. 1<sup>a</sup>. Per Causam Efficientem: ut, Dies est motus solis supra terram. 2<sup>a</sup>. Per Causam Finalem: ut, Homo est animal creatum ad fruendum æternâ beatitudine. (Quibus additur, 3<sup>a</sup>. Per Causam Exemplarem:

ut,



ut, Homo est creatura ad imaginem & similitudinem Dei condita. Sed hæc à prima vix differt.)

- Q. 2. An Definitio Essentialis Physica possit vocari Causalis? R. Possit, vim nominis attendendâ: quia datur per Causas Internas, Materiam sc. & Formam: at non soles, quia nomen habet digniorem; & per Causalem valde intelligitur ea, quæ non est Essentialis, daturque per Causam Externam.

Descriptio non Causalis est duplex. 1. Per Genus & Proprium: ut, Homo est animal risibile. 2. Per Genus & Cumulum Accidentium, Definitio convertibilis: ut, Homo est animal bipes implume. Sunt & alii Describendi modi, qui tamen ad Poeticam & Rhetoricam potius pertinent, quàm ad Logicam.

- Q. 3. An sano sensu dici possit, omnem Definitionem constare Genere & Differentiâ? R. Possit, per Genus & Differentiam etiam quæ vicem illorum subeunt intelligendo. Omnis enim Definitio constat uno Terminò Communi, & aliis vel aliis illum ita restringentibus, ut soli Definitio conveniat: ut in all. Ex. patet.

- Q. 4. Quis est ordo Propositionis Definitivæ? R. Hic 1. Subjectam ejus est Definitum. 2. Terminus Simplex, qui sensu immediate sequitur Copulam, est Genus Definiti (quod sæpius subicitur.)

3. Quicquid deinceps sequitur, est Dis-  
tinctionis.

Leges Definitionis sunt tres.

1. Definitum non ingrediatur suam De-  
finitionem; quia Definitio debet esse cla-  
rior Definito; idem vero non potest esse  
clarior seipso. Hinc Relativa, Qui, Quæ,  
et Quod in Prop. Definitivis Copula imme-  
diata postposita, non referunt Definitum,  
quia tunc ingrederetur suam Definitio-  
nem; sed Genus Definiti, quod subti-  
netur: ut in hac, Genus est quod de  
pluribus &c. relativum quod refert uni-  
versale, ut sit sensus, Genus est universa-  
le quod &c. non ipsum Genus; aliàs es-  
set Genus est Genus, quod &c.

2. Definitio sit convertibilis cum Defini-  
to, i.e. nec latior nec angustior eo; quia  
eadem est re cum Definito. Hinc istæ  
Definitiones Hominis sunt vitiosæ, sc.  
Corpus animatum sentiens. Animal li-  
beratum.

3. Definitio nihil contineat superflui. i. e.  
nihil præter ea, quæ necessaria sunt, ut sit  
convertibilis cum Definito; nisi foris illa  
non essent satis clara; tunc quod expli-  
candi causa additur, non erit superfluum.  
Vitiosa ergo est ista Hominis Definitio,  
Animal rationale bipes.

Non opus est addere, Definitionem debere  
constare verbis propriis, perspicuis &  
ab ambiguitate alienis; quia hoc per

totam Logicam semper intelligendum est;  
cum voces improprie & Metaphorice ad  
Rhetoricam & Poeticam tantum, non ad  
Logicam pertineant.

## DE DIVISIONE

**DIVISIO** est oratio totum in suas partes  
distribuens: ut, *Hominis partes sunt  
Corpus & Anima.* Totum, (ut *Homo*),  
dicitur *Divisum*; Partes dicuntur *Mem-  
bra dividenda* seu *Divisionis*. (Idem de  
Divisione & Enantiatione Divina hic  
intelligendum est, quod de Definitione  
antedictum fuit.)

**Divisio** est *Nominis vel Rei*.

**Divisio Nominis** est, qua multiplex Signi-  
ficatio Terminorum Equivoci distinguitur:  
ut, *Canis significat Animal latrans, vel Si-  
dus celeste, vel Piscem.* Dicitur *Distinctio*;  
de qua est Regula, quod

*Omne ambiguum prius Distinguendum est, quam  
Definiendum, aut alio modo tractandum.*

**Divisio Rei** est, qua res aliqua vel Termi-  
nus Univocus in suas partes distribui-  
tur. Estque triplex, nempe *Totius In-  
tegralis, Essentialis & Universalis*.

**Divisio Totius Integralis** est, qua totum In-  
tegrale in partes Integrantes distribui-  
tur: ut, *Homo in Caput, Truncum & Ar-  
tus.* Partes Integrantes sunt, quae quan-  
titate sua totius quantitatem integrant



& constituunt; & si ejusdem sunt naturæ, Totum vocatur *Homogeneum*: ut, *Aqua*: sin diversa, *Heterogeneum*; ut, *Domus*, quatenus ex ligno, lapidibus &c. construitur: Hæc dici solet **PARTITIO**.

**Divisio Totius Essentialis** est, qua totum Essentiale in partes sibi Essentiales distribuitur. Dicitur **RESOLUTIO**. Estque Totius Essentialis *Physici* vel *Metaphysici* (seu *Logici*.)

**Divisio Totius Essentialis Physici** est, qua totum Essentiale Physicum in partes Essentiales Physicas (i. e. *Materiam* & *Formam*) distribuitur: ut, *Homo* in *Corpus* & *Animam*.

**Divisio Totius Essentialis Metaphysici** seu *Logici* est, qua totum Essentiale Metaphysicum seu Logicum in partes Essentiales Metaphysicas seu Logicas (sc. *Genus* & *Differentiam*) distribuitur: ut, *Homo* in *Animal* & *Rationale*. Hæc vocari quoque solet **Divisio Totius Formalis**, seu **Definiti** in partes **Definientes**; & à **Definitione perfecta** haud differt.

**Divisio Totius universalis** est, quæ magis commune in minis communia distribuitur. Hæc **DIVISIO** propriè dicitur, Estque quadruplex:

1. **Generis in species**: ut, *Animal* est *Homo* vel *Brutum*. Huc revocatur **Divisio Speciei**

*Speciei in Individua; Differentie in Species vel Individua; Generis per Differentias; & Differentie per Differentias.*

2. Accidentis per Subiecta (cùm sc. Divisum est Accidens membrorum dividendium): ut, *Album est Lilium vel Nix &c.*
3. Subiecti per Accidentia (cùm Membra dividendia sunt accidentia Divisi): ut, *Homo est Probus vel Improbus.*
4. Accidentis per Accidentia (cùm Divisum & Membra dividendia sunt Accidentia ejusdem subiecti): ut, *Dulce est Album vel Flavum, &c.*

His addi potest Divisio *Cause per Effecta*, & contra. Item *Rei per Objecta*, *Circumstantias* &c. & contra.

*Leges Divisionis sunt tres.*

1. Divisum plus contineat singulis Membris dividendibus; idem universis. Per part. 1. hæc Divisio est vtiliosa, *Animal est Sensitivum vel Homo vel Brutum*; quia *Sensitivum* (unum è membris) est convertibile cum Diviso: Et per part. 2. ista, *Vivens est Homo vel Brutum*; quia *Vivens* (Divisum) latius patet utroque membro, *Plantam* etiam complectens.
2. Omnia Membra dividendia inter se pugnent. Unde inepta est ista Divisio, *Homo est Probus vel Literatus.*

3. Membra dividenda sint pauca. Male ergo dividitur *Vivens in Hominem, Equum, Leonem, Quercum &c.* sed prius in species maximè Communes, tum in alias inferiores dividendum est, donec ad id, quod queritur, deveniatur: ut, *Vivens est Animal vel Planta. Animal est Homo vel Brutum, &c.* Hinc dixerimus sunt laudatissima.

Hactenus de ENUNCIATIONE;  
adeoque de SECUNDA PARTE  
LOGICÆ.

PARS



## P A R S III.

## D E

## A R G U M E N T A T I O N E.

Ex Enunciationibus fit ARGUMENTATIO.

**A**RGUMENTATIO est Oratio, in qua una Enunciatio ex alia vel aliis inferitur: ut, *Homo est animal. Ergo, Homo est sensitivus.*

2. Quot sunt partes Argumentationis? R. Tres, *Antecedens, Consequens & Nota illationis.*

*Antecedens* est Enunciatio (una vel plures) ex quâ alia inferitur: ut, *Homo est animal.*

*Consequens* est Enunciatio, quæ ex alia (vel aliis) inferitur, (sic dicta, quia consequitur ex Antecedente;) ut, *Homo est sensitivus.*

*Nota Illationis* est Conjunctio Consequentem ex Antecedente inferri significans: ut, *Ergo.* Illatio vocatur *Sequela, Consequentia, Consecutio vel Collectio*; quæ non est Antecedens, nec Consequens, sed Connexio Consequentis cum Antecedente. Sumitur tamen non ra-

ro *Consequentia* (cum reliquis) pro integrâ Argumentatione.

Argumentatio distinguitur in *Bonam* & *Vitiosam*.

Argumentatio *Bona* est, cujus *Consequens* legitimè inferitur ex *Antecedente*: ut *in all. ex.* Et consideratur vel *absolutè* & *in se*, vel *Prout* restringitur ad certam materiam.

Argumentatio *absolutè* considerata est *Formalis* vel *Materialis*.

Argumentatio *Formalis* est, cum in nullâ similis formæ dari potest *Antecedens* verum *Consequente* falso. Sunt autem Argumentationes *similis Formæ*, quæ constant æquè multis *Terminis* & *Propositionibus*, ejusdem *Quantitatis* & *Qualitatis*, eodemque ordine dispositis: ut,

*Omne animal est vivens*

*Omnis homo est animal. ergo*

*Omnis homo est vivens*

&

*Omnis arbor est planta.*

*Omnis quercus est arbor. ergo*

*Omnis quercus est planta.*

Quæ sunt Argumentationes *Formales* per Definitionem præced. & dicuntur *Formaliter verae*. i. e. gratiâ *Formæ*, seu *Veritate Consequentie*.

Hæc Argumentatio vocatur **SYLLOGISMUS**.

## De SYLLOGISMO.

ΣΥΛΛΟΓΙΣΜΟΣ ἐστὶ λόγος, ὃς ἐκ τινῶν τιμῶν,  
ἢ πᾶσι κειμένων, ἢ ἀνάγκης συμβαίνει, τὰ  
ταῦτα εἶναι. *Arist. pra  
An. l. i.  
c. i.* SYLLOGISMUS est ora-  
tio, in qua quibusdam positis, aliud  
quiddam ab iis, quæ posita sunt, ne-  
cessariò accidit, eo quòd hæc sunt. i. e.  
in quâ ex duabus Enunciationibus ri-  
tè dispositis & concessis, altera eo ipso  
necessariò infertur, propter legitimam  
earum dispositionem: ut in *preced.*  
*Exempl.*

Hujus Principia & Species confide-  
randa sunt.

Principia Syllogismi sunt *Interna* vel *Ex-  
terna*.

Principia *Interna* sunt, quæ in ipso Syllo-  
gismo continentur. Suntq; *Materialia*  
vel *Formalia*.

Principia *Materialia* sunt ex quibus, velut  
ex materiâ, constructur Syllogismus. Et  
sunt *Remota* vel *Propinqua*. *Remota*  
sunt *Termini*; *Propinqua* sunt *Propo-  
sitiones*.

Q. I. Quot sunt *Termini* in quovis Syllogis-  
mo? R. Tres, *Major*, *Minor* & *Me-  
dius*.

*Major Terminus* (τὸ μείζον ἄκρον, *major extre-  
mum*) est, qui in Antecedente Syllogis-  
mi præstantiorem locum obtinet. i. e.  
est



est Prædicatum, cum *Minor* est Subiectum; ut in primâ figurâ; vel (si in hoc sit paritas) qui pronuntiatione præcedit; ut in secundâ & tertiâ; prout in propositis exemplis *Vivens, &, Planta.*

*Minor Terminus* (τὸ ἑσχατὸν ἄκρον, *minus extremum*) est, qui in Antecedente Syllogismi minus præstantem locum obtinet: ut, *Homo, & Quercus.*

*Medius Terminus* (τὸ μέσον, *medium*) est, qui in Antecedente Syllogismi bis ponitur; & vocatur etiam *Argumentum*: ut, *Animal, & Arbor.*

Q. 2. Quare *Termini* Syllogismi istis nominibus appellantur? R. *Medium* sic vocatur, quia medio inter *Extrema* ponitur; non semper *Situ*; ut, in all. Exemp. at officio, illa inter se connectens: sicut enim se habent ad *Medium*, sic & inter se (*v. Principia dirigentia.*) *Extrema* vero dicuntur respectu Medii, vel etiam *Quæstionis* seu *Propositionis* probandæ, cujus sunt *Extrema*; *Minus* sc. est Subiectum, & *Majus*, Prædicatum. Et hoc quidem dicitur *Majus*, quia Prædicatum solet esse latius i. e. universalius Subiecto, cumque Medio primum conjungi; sicut ob contrarias rationes alterum dicitur *Minus*.

Q. 3. Quot sunt *Propositiones* cujusvis Syllogismi? R. Tres, *Major, Minor & Conclusio.*

*Major*

*Major Propositio* (*ἡ μεγάλη*) est illa pars Antecedentis, in qua *Majus Extremum* ponitur: ut in 1. Ex. all. *O. animal est vivens.* A Cicerone (sicut ab Arist.) vocatur simpliciter *Propositio*; quia vulgò proponitur. i. e. primo loco ponitur.

*Minor Propositio* est illa pars Antecedentis, in qua *Minus Extremum* ponitur: ut, *O. homo est animal.* A Cicerone & aliis vocatur *Assumptio*; quia Propositioni assumitur. Hæ duæ Propositiones dici solent *Præmissæ*; quoniam præmittuntur Conclusioni.

*Conclusio* (*τὸ συμπέρασμα*) est Propositio, quæ ex aliis inferitur: ut, *O. homo est vivens.* Quæ, quando probanda proponitur, dicitur *Questio* vel *Problema*; quando ex Præmissis inferitur, *Conclusio*; quia inde concluditur. Rhetoribus *Complexio*, quòd *Extrema*, cum Medlo in Præmissis comparata, complectatur; unde ex illis satis constat.

Q. 4. An illa Propositio est *Major*, quæ primo loco ponitur? R. Ordinariè est; aliquando tamen Præmissæ transponuntur, ita ut primo loco *Minor*, secundo *Major* ponatur: ut hîc,

*Homo est animal.*

*Rationale est homo.* Ergo.

*Rationale est animal.*

Prin.

Principia *Formalia* sunt dispositiones quædam Principiorum *Materialium*. Suntque duo, unum Terminorum, *Figura*; alterum Propositionum, *Modus* dictum.

**FIGURA** (ὁ γῆμα) est apta dispositio *Medii* cum Extremis secundum Subjectionem & Prædicationem. Estque triplex pro triplice Medii dispositione. *Prima*, quando Medium est Subjectum in Majore & Prædicatum in Minore Propositione. *Secunda*, quando est Prædicatum in utraq. *Tertia*, quando est Subjectum in utraq. sc.

Sub Præ: *Prima*; bis Præ: *Secunda*; *Tertia* bis Sub.

**MODUS** est apta dispositio Propositionum secundum Quantitatem & Qualitatem.

(Requiritur enim, ut Præmissæ certâ ratione affectæ sint, ad benè concludendum.)

Estque *Directus* vel *Indirectus*.

*Modus Directus* est, in quo Majus Extremum concluditur de Minore. *Indirectus*, in quo Minus de Majore. Idem de *Syllogismis* intelligendum est.

2. 5. Quot in universum sunt *Modi utiles*, seu apti ad concludendum in tribus Figuris? R. Noverdecem, his fictitiis vocabulis expressi,

Figura  
 1. BARBATA CELARENT. DARI FETIO. (BARALIPTON.  
 CELARENT. DABITIS. FAPESMO FRITESOM. rum.)  
 2. CESARE. CAMESCES. FESTINO. BAROCO  
 3. CELANTON. DISAMAS. DATESI. BOCCARDO. FETISON.  
 DARAPPI.

Quo-



Quorum quinque ultimi primæ Figuræ (Parenthesi propterea inclusi) sunt Indirecti : reliqui omnes Directi. Eorumque tres Syllabæ (nam in Baralipion & Frisefomorum quarta &c. metri gratiâ additur) tres Syllogismi Propositiones denotant, sc. prima Majorem, secunda Minorem &c. Cujuslibet autem Syllabæ Vocalis Propositionis illius Quantitatem & Qualitatem designat ; juxta ea, quæ de A. E. I. O. antedicta sunt.

Modi Directi primæ Figuræ.

- BAR- Omne animal est Substantia.  
 BA- Omnis homo est animal. Ergo,  
 RA- Omnis homo est Substantia.  
 CE- Nullum animal est planta.  
 IA- Omnis homo est animal. Ergo,  
 rEnt. Nullus homo est planta.  
 DA- Omnis homo est rationalis.  
 rI- Aliquod animal est homo. Ergo,  
 I. Aliquod animal est rationale.  
 FE- Nullus Æthiops est albus.  
 rI- Aliquis homo est Æthiops. Ergo,  
 O. Aliquis homo non est albus.

Modi Indirecti primæ Figuræ.

- BA- Omne animal est Substantia.  
 RA- Omnis homo est animal. Ergo,  
 IIP. Aliqua Substantia est homo.

CE.

- CE- Nullum animal est planta.  
 IAn- Omnis homo est animal. Ergo,  
 tES. Nulla planta est homo.  
 DA- Omnis homo est rationalis.  
 bi- Aliquod animal est homo. Ergo,  
 tiS. Aliquod rationale est animal.  
 FAP- Omnis homo est animal.  
 ES- Nullum brutum est homo. Ergo,  
 MO. Aliquod animal non est brutum.  
 FrIS- Aliqua virtus est delectabilis.  
 ES- Nullum vitium est virtus. Ergo,  
 OM. Aliquod delectabile non est vitium.

Modi secundæ Figuræ.

- CES- Nullum brutum est rationale.  
 Ar- Omnis homo est rationalis. Ergo,  
 E. Nullus homo est brutum.  
 CAM Omnis homo est rationalis.  
 ES- Nullum brutum est rationale. Ergo,  
 tiES. Nullum brutum est homo.  
 FES- Nullus homo est brutum.  
 ti- Aliquod animal est brutum. Ergo,  
 nO. Aliquod animal non est homo.  
 BA- Omnis homo est rationalis.  
 iO- Aliquod animal non est rationale. Ergo  
 CO. Aliquod animal non est homo.

Modi tertiæ Figuræ.

- DA- Omnis homo est rationalis.  
 iAP- Omnis homo est animal. Ergo,  
 ti- Aliquod animal est rationale.

FE- Nullus homo est rationalis.

IAP- Omnis homo est animal. Ergo,

tOn. Aliquod animal non est rationale.

DIS- Aliquod animal est rationale.

AM- Omne animal est vivens. Ergo,

IS. Aliquod vivens est rationale.

DA- Omnis avarus est miser.

tIS. Aliquis avarus est dives. Ergo,

I. Aliquis dives est miser.

BO- Aliquod animal non est homo.

CAR- Omne animal est vivens. Ergo,

dO. Aliquod vivens non est homo.

FE- Nullum vitium est amandum.

tIS- Aliquod vitium est delectabile. Ergo

On. Aliquod delectabile non est amandū.

Nota 1. Dari quartam Dispositionem Medii, ut sc. sit Prædicatum in primâ & Subjectum in secundâ Propositione ;

S Omnis homo est animal.  
 ut S Omne animal est vivens. Ergo.  
 S Omnis homo est vivens.

quæ dicitur Quarta Figura & Figura Galenica, à Galeno Authore ; & variari potest per omnes Modos Directos & Indirectos primæ Figuræ, transpositis scilicet Præmissis juxta hoc distichon

BARBARA. CAIEEM. DIMAI. FIMEO. (BARBARI Proh.  
CAIEMES. DIBAMIS. PESAPO, FISES Onorum.)

Atque adeo Quarta Figura revera est tantum Primæ, minore Propositione primo loco positâ, & majore secundo.

2. Syllos



2. Syllogismos fieri *Indirectos* in Modis secundæ & tertiæ *Figure*, si conversâ Conclusionem mancant eadem Præmissæ, vel transpositis Præmissis maneat eadem Conclusio : sic

*Figura* {  
 2. CAMESE. CESARE. FIESMO. BOACMO ——— DAPAMEL.  
 3. FAPEM. ON. DARISI. DISAM. BOCA. MO. FISE. ROM

3. Syllogismos ex Præmissâ *Universali* & *Singulari* constantes ad Modos *Particulares* reduci :

Omnis homo est rationalis.

ut Davus est homo. Ergo,

Davus est rationalis ; ad DARII, &c.

Hæc de Principiis *Internis* Syllogismi.

Principia *Externa* sunt, quæ in ipso Syllogismo non continentur. Suntque *Dirigentia* vel *Perficiencia*.

Principia *Dirigentia* sunt ad quæ, tanquam ad normam, Syllogismus omnis conformandus est. Et sunt *Primaria* vel *Secundaria*.

### De Dicto de OMNI & NULLO.

Principia *Dirigentia* *Primaria* sunt *Axiomata* (i. e. propositiones per se notæ) quibus vis *Illiationis* seu *Consequentia* Syllogistica innuitur. Suntque duo,

Ax. 1. Quæ conveniunt in eodem tertio, conveniunt inter se. (si alterum saltem illorum toti illi conveniat : ) ut, quia Substantia toti animali convenit, & Ho-

mo in parte seu alicui; ideo Homo & Substantia inter se conveniunt. At quia Homo & Brutum conveniunt Animali in parte seu alicui, non exinde sequitur illa convenire inter se; quia aliud & aliud animal intelligitur. Et sic revera non conveniunt in eodem tertio. v.

Ax. 4. Unde

Quicquid universaliter affirmatur de aliquo, etiam de omnibus sub illo contentis (illive identificatis) affirmabitur. Το κατὰ μέρος Arist. I. κατηγορημάτων 13. εν, οτι μὴ εἴη τὸ ἀποκρίναι pr. c. I. λαβόν, καὶ εἰ θάτις ἐν \* λαχθήσεται Dicit de S. II.

Omni (vel Universaliter affirmari) est, quando nihil Subjecti sumere licet, de quo alterum non dicatur: ut, quia Substantia de omni Animali; etiam de Homine (& aliis sub Animali contentis) dicitur in BARBARA. Et idem est de DARII &c. Ratio est, quia alias Contradictoria essent simul vera; ut, Omne animal est Substantia; & A. animal (sc. homo) non est substantia. Hoc Dicto de Omni (ut vocant) Syll. omnes Affirmativi fundantur.

Ax. II. Quorum unum non convenit, & alterum convenit eidem tertio, eorum primum secundo non conveniet; (si alterum saltem illorum toti tertio conveniat aut non conveniat: ) ut, quia Nix nulli homini convenit, & esse album alicui; ideo Nix alicui albo non convenit. Item

K

quia

quia *Homo alicui animali* non convenit,  
& *vivens omni*, ideo *Homo alicui viventi*  
non convenit: non contra, ideo *Nix*  
*albo*, & *vivens homini* (secundum sc. pri-  
mo) non convenit. Ut nec si vnum con-  
veniat, & alterum non conveniat tertio  
in parte: ut, quia *Rationale alicui ani-*  
*mali* non convenit, & *Homo alicui con-*  
*venit*, non ideo *Homo alicui rationali*  
non conveniet; aut è contra; quia ali-  
ud & aliud *animal* intelligitur, ac pro-  
inde non est idem tertium. vid. Ax. 4.  
Unde sequitur.

Arist.  
ibid.

*Quicquid universaliter negatur de aliquo, eti-*  
*am de omnibus sub illo contentis ( illius*  
*identificatis ) negabitur.* Το κατὰ μὲν  
κατηγοριαν ἰσχύει, ὅταν μὲν ἡ τῷ ὑποκει-  
μένῳ λέγεται, ἀπὸ τῶν ἀποδείξεων  
*Dici de nullo (vel universaliter primo)*  
est, quando nihil Subiecti sumere licet,  
de quo alterum non removeatur: ut  
quia *Planta de omni Animali*, etiam de  
*Homine* (& aliis sub *animali* contentis)  
negatur in CEIAREnt. Idemque de  
FERIO, &c. Alias Contradictoria es-  
sent simul vera: ut, *Nullum animal* est  
*planta*, &, *Aliquod animal* (sc. homo) est  
*planta*. Hoc Dicto de Nullo (ut appel-  
latur) Syllogismi omnes Negativi fun-  
dantur. His addatur.

Ax. 3. *Quorum neutrum convenit eidem*  
*tertio (eidem tertio) incertum est an*



ea conveniant vel non conveniant inter se : ut, nec Homo nec Rationale ; item nec Homo nec Brutum convenit Lapidi ; tamen priora conveniunt, posteriora non conveniunt inter se.

AX. 4. Quorum unum uni, alterum alteri (sive toti sive in parte) convenit aut non convenit, incertum est an ea conveniant aut non conveniant inter se : (nisi aliunde constet illa, quibus comparantur, inter se convenire; tunc enim idem esto iudicium de his, ac de reliquis, quæ comparantur eidem.)

Hinc constat Principia Dirigentia primaria Syllogismorum esse duo tantum, sc. *Dictum de Omni & Dictum de Nullo*; quorum prius est *Affirmativum*, posterius *Negativum*; quæque actu continentur in primâ Figurâ, in reliquis non nisi potentia.

Principia Dirigentia Secundaria sunt Regulæ ex primariis extractæ, quæ veritatem Consequentia dirigunt. Suntq; *Generales vel Speciales*.

## REGULÆ SYLLOGISTICÆ Generales.

Regulæ Generales sunt, quæ in omnibus Figuris sunt observandæ. Et sunt Septem.

R. 1. In Syllogismo sint tres tantum Terminum  
K 2 (duo

(duo sc. *Extrema Conclusionis*, quæ conveniunt, aut non; & *Medium*, in quo conveniunt, aut non;) quorum quilibet bis ponatur. Non pauciores, quoniam duo *Extrema* cum tertio comparanda sunt in *Præmissis*, ut inter se conferantur in *Conclusione*, per *Ax. I. & II.* aliàs *Syllogismus à Quæstione vel Conclusione* non distingueretur: nec plures, quia ubi sunt quatuor, duo erunt *Media*; contra *Ax. I. & II.* unde nihil inferitur, per 4. Hinc sequitur, quod

*Termini in Propositionibus sunt eodem modo ponendi, i. e. in eadem Significatione, Suppositione, Ampliatione, Restrictione, &c. Atque adeo*

*S. I. Sine ulla Æquivocatione; quia Terminus æquivocus, etsi non voce, sensu tamen, multiplex est: ut hic,*

*Quod caret principio & fine, est æternū.*

*Mundus caret principio & fine. Ergo,*

*Mundus est æternus.*

*Ubi carere principio & fine, in Majore quoad Durationem, in Minore quoad Magnitudinem seu Figuram dicitur; & sic sunt quatuor Termini. Idem est, si Genus Acceptionis mutetur: ut,*

*Homo est dissyllaba dictio.*

*Homo est animal. Ergo*

*Animal est dissyllaba dictio.*

*ubi Homo in Majore accipitur ma-*  
*teria-*

*terialiter, in Minore personaliter.*

§ 2. Sine Casûs Temporisve mutatione ; ut fit in his duobus,

*Omnes servi sunt Domini sui.*

1. *Davus est Servus. Ergo*

*Davus est Dominus sui.*

Ubi Major Terminus, qui in Majore Propositione est *Domini sui*, genitivi casûs, in Conclusionē mutatur in *Dominus sui*, nominativi. Unde sunt quatuor Termini.

Excipe Medium Terminum, qui in unâ Præmissarum *Rectus*, in alterâ *Obliquus* esse potest ; quo casu Extremorum illud, quod cum recto conjungitur in Præmissis, *Obliquum* ; quod cum Obliquo, *Rectum* erit in Conclusionē : ut,

*Omnis servi est Dominus.*

*Davus est servus. Ergo,*

*Davi est Dominus.*

Juxta hæc formandus est Syllogismus ex *Obliquis*, ut vocant. Item.

*Nullus puer diu vixit.*

2. *Nestor fuit puer. Ergo*

*Nestor non diu vixit.*

Ubi Medius Terminus, qui in Majore Propositione est *Puer*, vel qui est seu *manens puer* ; in Minore mutatur in *fuit puer*. Unde sunt 4 Termini.

§ 3. Sine Terminorum permutatione : ut, *Primò*, Nulla pars Majoris Termini sit in Minore Propositione ; aut contra ; ut hîc



*B. immediate sequitur A.*

*C. immediate sequitur B. Ergo*

*C. immediate sequitur A.*

Ubi *immediate sequitur*, quæ est pars Majoris Terminii, ponitur in Minore Propositione. Unde Medium in Majore Propositione est *B*, in Minore verò *immediate sequens B*. Et sic (mutat quoque Casum, &) sunt 4 Terminii. Nam Minor esse debet *C. est B. quod falsum est.*

Secundo, Nec ulla pars Medii sit in Conclusionem; quod dici solet, *Medium non ingrediatur Conclusionem*; quia non est id quod, sed quo concluditur; alias idem probaretur per seipsam: ut hinc

*Omnis Equus differt ab homine.*

*Socrates non differt ab homine. Ergo*

*Socrates non differt ab Equo.*

Et hinc

*Nullus pagus est major urbe.*

*Omne regnum est majus urbe. Ergo*

*Nullum regnum est majus pago.*

In quibus *differt*, & *Majus*, quæ sunt partes Medii, ponuntur in Conclusionem. Unde Major Terminus mutat Casum. Nam in Majore Prop. est *Equus & Pagus*, in Conclusionem, *differt ab equo, & majus pago*; Et sic etiam sunt 4 Terminii. Inferendum autem, *S Socrates non est equus, &, Nullum regnum est pagus*; quæ sunt vera.

4. Sine vocis alicujus (expressæ vel in-

telleæ) Additione, Detractione: ut  
fit in his

- |        |       |   |
|--------|-------|---|
| Medio  | Add.  | O. homo est vivens.   |
|        |       | A. cadaver est homo mortuus. Ergo                           |
|        | Detr. | A. cadaver est vivens.                                      |
|        |       | N. homo pius vivit.   |
| Majori | Add.  | O. animal rationale est homo. Ergo                          |
|        |       | N. animal rationale vivit.                                  |
|        | Detr. | O. qui Deo placent, sunt beati.                             |
|        |       | O. fideles Deo placent. Ergo                                |
| Majori | Detr. | O. fideles sunt beati, nullisque calamitatibus affliguntur. |
|        |       | O. peccatores resipiscentes recipiuntur in gratiam.         |
|        |       | Q. homines non recipiuntur in gratiam. Ergo                 |
|        |       | Q. homines non sunt peccatores.                             |

Omnes hi Syllogismi peccant; Primus, quia vox Medio additur, quod in Majore est Homo, in Minore Homo mortuus; Secundus, quia vox à Medio detrahitur, quod in Majore est Homo pius, in Minore Homo. Idemque de reliquis, quorum Majori Termino vox additur in Conclusionem, vel detrahitur. Unde sunt 4 Termini ubique.

Nota, quod Signa Quantitatis non censetur variare Terminum.

R II. Non licet procedere à non distributo ad distributum: sive, Terminus non distributus in Præmissis, non debet distribui in Conclusionem; ne plus inferatur, quàm

in illis concessum erat : ut hinc  
*Omne animal est sensus capax.*

*Omne animal est substantia. Ergo*

*Omnis substantia est sensus capax.*

Ubi *Substantia* in Minore accipitur non distributive, sed confuse pro aliqua; in Conclusionem vero distributive seu universaliter pro *Omni*. v. Reg. 3. & 6. de Suppos. Et sic virtualiter sunt 4 Termini. Hinc sequitur hoc COROLLARIUM.

*Si Conclusio sit universalis, Minor; si Negativa Major Terminus in Præmissis distribuitur; quia Minor est Subjectum & Major prædicatum Conclusionis (in Modis Directis, in Indirectis contra.) Unde major Propositio in primâ & tertiâ Figurâ, Negativa; in 2<sup>a</sup>, universalis semper erit, quando Conclusio est Negativa; (adeoque nec Major in Fig. 2<sup>a</sup>. Particularis; nec Minor in 1<sup>a</sup> vel 3<sup>a</sup>. Negativa unquam esse potest. v. Reg. 5. & 6. seq.) Et Minor in Fig. 1<sup>a</sup>. & 2<sup>a</sup>. universalis semper erit, quando Conclusio est universalis.*

Hæc, cum ultimo membro præcedentis, prout Conclusionem respicit, unicâ hâc Regulâ vulgò comprehenditur :  
*Ne esto plus minusve in Conclusionem, quàm erat in Præmissis.* Conclusio enim ex Præmissis educitur; plus autem, quàm illis inest, quo pacto inde elici potest?

R. III. *Minor Terminus distribuitur in Præmissis,*



*sis, distribui potest in Conclusionē. Regula sic intelligenda est, non quasi peccet Syllogismus, in quo illa non observatur; sed quod minus infertur, quàm legitimè inferri potest in ejus Conclusionē; quæ hoc casu semper esse possit universalis. Ratio est, quia cùm Medium universaliter convenit vel non convenit Minori, Major (qui tunc semper convenit, vel non convenit toti Medio) etiam universaliter convenit vel non convenit eidem Minori; juxta Dicta de omni & Nullo. Regula valet in Modis Directis. Hinc sequitur hoc COROLLARIUM.*

*Si Conclusio sit Particularis, Minor Terminus in Præmissis particularis erit; adeoque Minor Prop. in Fig. 1<sup>a</sup> & 2<sup>a</sup> particularis, in 3<sup>a</sup> Affirmativa tunc semper erit; quia illic Subjectum, hîc Prædicatum est Minor Terminus (v. Reg. 5. & 6. de Suppos.) Unde Major in Fig. 1<sup>a</sup> & 2<sup>a</sup> nunquam Particularis esse potest. (v. Reg. 5. & 6 seq.)*

*R. I V. In altera Præmissarum Medium distribuitur. Aliàs non servantur Dictum de Omni & Nullo. v. Ax. 4. Unde non sequitur, Aliquod animal est irrationale. Omnis homo est animal. Ergo, Aliquis homo est irrationalis.*

*Quia Medium utrobique sumitur particulariter, v. Reg. 5. & 6. de Suppos.*

Nec Homo in Minore est illud idem animal, de quo irrationale prædicatur in Majore; sed aliud; quare non conveniunt in eodem tertio. Proinde sunt 4 Termini.

R. V. Ex Premissis Particularibus, aut Negativis nihil sequitur; juxta Rythmos.

Arist. I.

I. pr. c.

24.

Syllogizari non est ex particulari:

Neve Negativis; recte concludere sivils.

*Aliquod vivens non est homo.*

ut *Aliquod animal est homo.* Ergo,

*Aliquod animal non est vivens.*

Peccat hic Syllogismus in Reg. 2. ex parte Majoris; ut & omnes consimiles in 2, vel 4.

*Nullus homo est brutum.*

Item *Nullus equus est homo.* Ergo,

*Nullus equus est brutum.*

Pugnat cum Dicto de Nullo, in quo Medium cum altero Extremorum convenire præcipitur. v. Ax. 3.

Nota, in hanc Legem non peccari, si negatio sit pars alicujus Terminii, prout est Minoris & Medii in hoc Syl.

*Qui non credit, damnabitur.* (Ergo

*Qui non dat operam justitiæ, non credit.*

*Qui non dat operam justitiæ damnabitur.*

Resolvuntur enim in Terminos Infinitos sic,

*Omnis non credens damnabitur.*

*Omnis non dans operam justitiæ est non credens.* Ergo &c.

Idcoque

Ideoque est Syllogismus in BARBARA, ex Minore & Medio Infinitis. Et sic de reliquis similibus.

R. VI. *Conclusio semper sequitur debiliorem partem.* Est autem Negativa debilior vel deterior Affirmativa, & Particularis universalis. Unde si altera præmissarum sit particularis, Conclusio erit particularis. Aliàs peccabit Syllogismus in Reg. 2. vel 4. ut hîc

*Omnis homo est rationalis.*

*Aliquod animal est homo. Ergo,*

*Omne animal est rationale.*

Et si altera sit Negativa, Conclusio erit Negativa; juxta Dictum de Nullo. Ideo non valet

*Nullum animal est planta.*

*Omnis homo est animal. Ergo*

*Omnis homo est planta. Sed inferendū,*

*Nullus homo est planta.*

Nam quia planta non convenit, & homo convenit animali; ideo non conveniunt inter se. Hinc sequitur,

*Si altera præmissarum sit particularis, altera Negativa, Conclusio erit particularis Negativa.* (sc. particularis propter præmissam particularem, & Negativa ob Negativam.) Eodem modo si altera sit Recta, altera de Termino Obliquo, Conclusio erit ex Obliquo. v. Reg. 1. §. 2. Item si altera sit Necessaria, altera Contingens, Conclusio erit Contingens, &c.

R. VII.



in illis concessum erat: ut hīc  
*Omne animal est sensus capax.*

*Omne animal est substantia. Ergo*

*Omnis substantia est sensus capax.*

Ubi *Substantia* in Minore accipitur non distributive, sed confuse pro aliqua; in

Conclusione vero distributive seu universaliter pro *Omni*. v. Reg. 3. & 6. de

*Suppos.* Et sic virtualiter sunt 4 Terminī.

Hinc sequitur hoc **COROLLARIUM**.

*Si Conclusio sit universalis, Minor; si Negativa Major Terminus in Præmissis distribuitur; quia Minor est Subiectum & Major prædicatum Conclusionis (in Modis Directis, in Indirectis contra.)*

Unde major Propositio in primâ & tertiâ Figurâ, *Negativa*; in 2<sup>a</sup>, *universalis* semper erit, quando Conclusio est

*Negativa*; (adeoque nec Major in Fig. 2<sup>a</sup>. Particularis; nec Minor in 1<sup>a</sup> vel 3<sup>a</sup>.)

*Negativa unquam esse potest. v. Reg. 5. & 6. seq.)* Et Minor in Fig. 1<sup>a</sup>. & 2<sup>a</sup>. *universalis* semper erit, quando Conclusio

est *universalis*.

Hæc, cum ultimo membro præcedentis, prout Conclusionem respicit, unicâ hâc Regulâ vulgò comprehenditur:

*Ne esto plus minusve in Conclusionem, quàm erat in Præmissis.* Conclusio enim ex Præmissis educitur; plus autem, quàm illis inest, quo pacto inde elici potest?

**R. III.** *Minor Terminus distribuitur in Præmissis,*

sis, distribui potest in Conclusionem. Regula sic intelligenda est, non quasi peccet Syllogismus, in quo illa non observatur; sed quod minus infertur, quam legitime inferri potest in ejus Conclusionem; quæ hoc casu semper esse possit universalis. Ratio est, quia cum Medium universaliter convenit vel non convenit Minori, Major (qui tunc semper conveniet, vel non conveniet toti Medio) etiam universaliter conveniet vel non conveniet eidem Minori; juxta Dicta de omni & Nullo. Regula valet in Modis Directis. Hinc sequitur hoc COROLLARIUM.

Si Conclusio sit Particularis, Minor Terminus in Præmissis particularis erit; adeoque Minor Prop. in Fig. 1<sup>a</sup> & 2<sup>a</sup> particularis, in 3<sup>a</sup> Affirmativa tunc semper erit; quia illic Subjectum, hîc Prædicatum est Minor Terminus (v. Reg. 5. & 6. de Suppos.) Unde Major in Fig. 1<sup>a</sup> & 2<sup>a</sup> nunquam Particularis esse potest. (v. Reg. 5. & 6 seq.)

R. IV. In altera Præmissarum Medium distribuitur. Aliàs non servantur Dictum de Omni & Nullo. v. AX. 4. Unde non sequitur,  
*Aliquod animal est irrationale.*  
*Omnis homo est animal. Ergo,*  
*Aliquis homo est irrationalis.*

Quia Medium utrobique sumitur particulariter, v. Reg. 5. & 6. de Suppos.

Nec Homo in Minore est illud idem animal, de quo irrationale prædicatur in Majore; sed aliud; quare non conveniunt in eodem tertio. Proinde sunt 4 Termini.

R. V. Ex Præmissis Particularibus, aut Negativis nihil sequitur; juxta Rhythmos.

Arist. I.

I. pr. c.

24.

Syllogizari non est ex particulari:

Neve Negativis recte concludere sivils.

*Aliquod vivens non est homo.*

ut *Aliquod animal est homo.* Ergo,

*Aliquod animal non est vivens.*

Peccat hic Syllogismus in Reg. 2. ex parte Majoris; ut & omnes consimiles in 2, vel 4.

*Nullus homo est brutum.*

Item *Nullus equus est homo.* Ergo,

*Nullus equus est brutum.*

Pugnat cum Dicto de Nullo, in quo Medium cum altero Extremorum convenire præcipitur. v. Ax. 3.

Nota, in hanc Legem non peccari, si negatio sit pars alicujus Terminii, prout est Minoris & Medii in hoc Syll.

*Qui non credit, damnabitur.* (Ergo

*Qui non dat operam justitiæ, non credit.*

*Qui non dat operam justitiæ, damnabitur.*

Resolvantur enim in Terminos Infinitos sic,

*Omnis non credens damnabitur.*

*Omnis non dans operam justitiæ, est non credens.* Ergo &c.

Ideoque



Ideoque est Syllogismus in BARBARA, ex Minore & Medio Infnitīs. Et sic de reliquis similibus.

R. VI. *Conclusio semper sequitur debiliorem partem.* Est autem Negativa debilior vel deterior Affirmativā, & Particularis universali. Unde si altera præmissarum sit particularis, Conclusio erit particularis. Aliās peccabit Syllogismus in Reg. 2. vel 4. ut hīc

*Omnis homo est rationalis.*

*Aliquod animal est homo. Ergo,*

*Omne animal est rationale.*

Et si altera sit Negativa, Conclusio erit Negativa; juxta Dīctum de Nullo. Ideo non valet

*Nullum animal est planta.*

*Omnis homo est animal. Ergo*

*Omnis homo est planta. Sed inferendū,*

*Nullus homo est planta.*

Nam quia *planta* non convenit, & *homo* convenit *animali*; ideo non conveniunt inter se. Hinc sequitur,

Si altera præmissarum sit particularis, altera Negativa, Conclusio erit particularis Negativa. (sc. particularis propter præmissam particularem, & Negativa ob Negativam.) Eodem modo si altera sit *Relativa*, altera de *Termino Obliquo*, Conclusio erit ex *Obliquo*. v. Reg. 1. §. 2. Item si altera sit *Necessaria*, altera *Contingens*, Conclusio erit *Contingens*, &c.

R. VII.

R. VII. Ex præmissis Affirmativis non sequitur Conclusio Negativa; quia repugnat Dico de Omni, seu Ax. I. ut

Omnis homo est animal

Omnis homo est rationalis. Ergo

Aliquod rationale non est animal.

Nam quia animal & rationale conveniunt in homine non ideo certe differunt inter se. Inferendum ergo

Aliquod rationale est animal.

Hujusmodi Syllogismi semper peccant in Reg. 2. ex parte Majoris Terminis, si sint in Fig. 1. vel 3. Et in Reg. 4. si sint in Fig. 2.

Nota, Cum in qualibet Figura tot Modi sint, quot esse possint trium Propositionum varietates quoad Quantitatem & Qualitatem; cumque 4. literæ A. E. I. O. eas designantes (ternis simul sumptis) 64 modis combinari possint; binis sc. quibusvis pro Præmissis (quæ 16 erunt, si quælibet cum singulis jungatur, sic, AA. AE. AI. AO. EA. EE, &c.) cum omnibus 4. ad Conclusionem denotandam sigillatim conjunctis, hoc modo, AAA. AAÉ. AAI. &c. prout in hoc Schemate apparet,



Pars III. De Regulis Syllogisticis Gener. 187

- A. A. A erunt 64 Modi in qualibet  
 E. E. E Figurâ, in tribus 192 ; omis-  
 I. I. I sis Singularibus, de quibus  
 O. O. O postea. At ex his excluduntur
28. per Reg. 5. sc. o mnes, quorum Præmissæ  
 sunt EE. EO. II. IO. OE. OI. OO. sin-  
 gule cum singulis A. E. I. O pro Conclu-  
 sione copulatæ.
18. per Reg. 6. nempe omnes, quorum Præ-  
 missæ sunt AE. AO. EA. OA. EI. IE  
 cum A & I. Item AI. IA cum A & E  
 Tandem EI. IE cum E.
6. per Reg. 7 sc. AA. AI. IA cum E & O.
1. per Reg. 3. à Modis Directis, sc. AEO,  
 quia sub AEE continetur.
1. per Reg. 2 & 3. à Modis etiam Directis,  
 sc. IEO (At neuter horum duorum à Mo-  
 dis Indirectis excluditur, ut postea pate-  
 bit) In universum.
54. quibus (tanquam inutilibus) ex 64 sub-  
 ductis, residui erunt
10. Modi Legitimi ; 4 Aff. AAA. AAI. AII.  
 IAI. 6. Neg. AEE. AOO. EAE. EIO.  
 OAO. quorum 3 universi. AAA. AEE.  
 EAE. 7 Part. AAI. AII. AOO. EAO.  
 EIO. IAI. OAO ; Omnes Directi ; ( qui-  
 bus addi possunt 2 Indirecti AEO. IEO,  
 nam de Indirectis nihil hic) qui quidem  
 per tres Figuras multiplicati, adhuc 30  
 essent. At cum non in omnibus Figuris,  
 imò in nullâ omnes bene concludant, sed 7  
 tantum in unâ ; 2 in duabus ; & solus 1.
- in



in omnibus; erunt 14. tantum distincti  
Modi Legitimi in omnibus Figuris (omif-  
sis Singularibus & Indirectis:) ut proxi-  
mè ostendam.

Atque hæc de Regulis Syllogisticis Ge-  
neralibus.

### REGULÆ SYLLOGISTICÆ Speciales.

Regulæ Speciales sunt, quæ in unaquâque  
Figurâ sunt observandæ; Suntque Mo-  
dorum Directorum vel Indirectorum.

Regulæ Speciales Modorum Directorum sunt  
tres, pro triplici Figurâ.

#### Regula Figuræ primæ.

*Arist. 1.* <sup>1</sup> Sit Minor Affirmans; <sup>2</sup> nec Major sit specialis.

*1. pr.* <sup>1</sup> Aliàs Major erit Affir. per Reg. 5. &  
*An. c. 4.* Conclusio Neg. per Reg. 6. & sic pro-  
cedetur à non distributo Majore ad di-  
stributum; contra Reg. 2. ut hîc

*Omne animal est vivens.*

*Nulla planta est animal. Ergo*

*Nulla planta est vivens. v. Cor. Reg. 2.*

<sup>2</sup> Aliàs Medium non distribuitur, contra  
Reg. 4. ut hîc

*Aliquod animal est homo.*

*Omne brutum est animal. Ergo,*

*Aliquod brutum est homo. v. Cor. Reg. 3.*

Excluduntur per 1. AEE. AOO. per 2.

IAI OAO. & per Reg. 3. gen. AAI.

EAO. (qui Modi partic. sub suis Univers.

AAA, EAE. continentur; ideoque sunt

propositi

prorsus inutiles ; ) 6 numero. Unde restant 4 Modi pro 1. Fig. 2 Aff. AAA. AII. & 2 Neg. EAE. EIO. quorum 2 sunt Univ. AAA. EAE. & 2 Part. AII. EIO. omnes Directi. Hinc patet, Omne genus Problematum probari posse per 1. Fig. cum juxta omnes Quantitatis & Qualitatis varietates, sc. A. E. I. O. concludat ; quod ipsi peculiare est, ut etiam quod concludat in A.

Regula Figure secundæ.

1 Una negans præeat ; 2 nec Major sit specialis. Arist. 1.

1 Aliàs Medium non distribuatur, contra bid. c. 5. Reg. 4. ut hinc

Omne brutum est animal.

Omnis homo est animal. Ergo.

Omnis homo est brutum.

2 Aliàs procedetur à non distributo Majore ad distributum, contra Reg. 2. ut hinc

Aliquod animal non est rationale.

Omnis homo est rationalis. Ergo

Aliq. homo non est animal. v. Cor. R. 2 & 3

Excluduntur per 1. AAA. AAI. AII: per

2 OAO. per 1 & 2. IAI. per Reg. 3. g. n.

EAO (sub EAE contentus, ideoque inu-

tilis) 6 numero. Unde restant 4 Modi

pro 2. Fig. 2. Univ. EAE. AEE. & 2 Part.

EIO. AOO. omnes N. g. in E. O.

Regula Figure tertiæ.

1 Sit Minor Affirmans. 2 Conclusio sit specialis. Arist. 1.

1 Aliàs Major erit Affirmativa per Reg. 5. bid. c. 3. & Conclusio Negativa per R. g. 6. &

# Institutionum Logicae

sic procedetur à non distributo Majore  
ad distributum, contra Reg. 2. ut hîc,  
*Omnis homo est animal.*

*Aliquis homo non est doctus. Ergo*

*Aliquod doctus non est animal. v. C. R. 2.*

à Aliàs procedetur à non distributo Minore  
ad distributum, contra Reg. 2. ut hîc,  
*Omnis homo est rationalis*

*Omnis homo est animal. Ergo*

*Omne animal est rationale.*

Excluduntur per 1. AOO. per 2. AAA.

EAE. per 1. & 2. AEE. 4 numero. Un-

de restant 6 Modi præ 3 Fig. 3 Aff. AAI.

AII. IAI. & 3 Neg. EAO. EIO. OAO.

omnes Part. in 1. O.

Nota, quòd à Figur. 1. exclusimus AAI.

EAO. à Fig. 2. EAO. AEO. non quòd

rectè non concludant in illis Fig. sed quia

Particulares hi Modi sub suis Universali-

bus continentur (sc. AAI sub AAA. EAO

sub EAE. & AEO sub AEE.) adeoque in

dictis Figuris sunt prorsus inutiles ad di-

rectè concludendum.

Regulæ Speciales Modorum Indirectorum

Fig. 1. sunt tres.

1 Si Minor affirmet, Major non sit specialis.

Aliàs Medium non distribuetur, contra

Reg. 4. ut hîc,

*Aliquod animal est Equus.*

*Omnis homo est animal. Ergo*

*Aliquis equus est homo.*

2 Si affirmet Major, Conclusio sit specialis.

Ali-



Pars III. De Regulis Syllogisticis Spec. 154

Alias procedetur à non distributo Majori ad distributum, contra Reg. 2 ut hic  
*Omne animal est Substantia.*

*Omnia homo est animal. Ergo,*

*Omnia Substantia est homo. (Specialis.*

3 Cum præsit una Negans, Minor est nunquam  
Quia Conclusio erit Negativa per Reg.  
6. Et sic procedetur à non distributo  
Minore, ad distributum, contra Reg. 2,  
ut hic,

*Omnia homo est animal.*

*Aliquod vivens non est homo. Ergo,*

*Aliquod animal non est vivens.*

Excluditur per Reg. 1. IAI. OAO. per

Reg. 2. AAA. AEE. per Reg. 3. AOO.

EIO. 6. numero. Unde restant 4 Modi

Indirecti pro 1. Fig. 2 Aff. AAL AII. &

2 Neg. EAE. EAO. sed cum EAO sub

Univ. EAE continetur (ideoque non est

distinctus Modus) erunt omnino Tres;

quibus duo alii asciscuntur, nempe AEO.

IEO. (qui ex EAO. EIO. transpositis

premissis fiunt, & bene concludunt Indi-

recte, nec contra Regulas præced. ut paulo

ante monitum est.) Omnes proinde sunt

5 numero, 2 Aff. AAI. AII. 3 Neg.

EAE. AEO IEO. quorum. 1 Univ. EAE.

4 Part. AAI. AII. AEO. IEO.

Nota, Regulas Fig. 1. (pro Modis tam

Directis, quàm Indirectis) etiam in

Quarta Figurâ (sive ubi præmissæ Fig. 1.

transponuntur,) & Regulas Fig. 2. & 3.

# Institutionum Logicæ

pro Modis illarum Indirectis, quoque valere, si loco Majoris in illis substituantur Minor, & contra : sic.

Regulæ Figure quartæ,  
Pro Modis Indirectis.

Affermet Major, Minor & non sit specialis.

Pro Modis Directis.

1 Si affermet Major, Minor est nunquam specialis.

2 Si Minor affermet, Conclusio sit specialis.

3 Cum præsit una negans, Major non sit specialis.

Regula pro Modis Indirectis Fig. 2.

Una negans præcat, Minor & non sit specialis.

Regula pro Modis Indirectis Fig. 3.

Affermet Major, Conclusio sit specialis.

Ex his constat, esse in prima Fig. 4 Modos Directos, 5 Indirectos ; In secunda Fig. 4. in tertia Fig. 6. in universum 19. Quorum Universales 5. Part. 14. Et quidem Aff. 7. Neg. 12. Concludunt enim in A. 1. (in Fig. 1.) in E 4 (2 in Fig. 1. unus Directè, alter Indirectè ; & 2 in Fig. 2.) in I. 6 (3 in Fig. 1. unus Directè, & duo Indirectè ; & 3 in Fig. 3.) in O. 8. (3 in Fig. 1. unus Directè, & duo Indirectè ; 2 in Fig. 2. & 3. in Fig. 3) Ex quibus 8 reperiuntur in una Fig. tantum sc. AAA. AEE. AEO. AOO. EAO. IAI. IEO. OAO. 3 in duabus, sc. AAI. AII. EAE. Et solus unus in omnibus, sc. EIO. Sed satis hæc, superque.

### Pars III. De Syllogismorum Proprietat.



#### PROPRIETATES Syllogismorum.

Syllogismi secundum dictas Regulas formati conveniunt duarum Proprietates.

*Arist. 1.*

I. Ex veris Præmissis sequitur Conclusio vera; 2. pr. c.

Ex falsis vera vel falsa: *juxta versum.* 2. 3. 4.

Ex falso falsū verumq; aliquando sequetur:

Ex veris possunt nil nisi vera sequi.

Quia in Præmissis veris, siue Extrema Medio convenient, (ut in Affirmativis,) in Conclusionem Aff. inde illata convenient inter se, per Ax. 1. siue unum conveniat alterum differat à Medio (ut in Negativis,) in Conclusionem Neg. inde illata different inter se, per Ax. 2. si legitima Syllogismi forma servetur. Et sic utrobique vera erit Conclusio ex veris præmissis; quod evidentissimè patet in Fig. 1. Itaq; hic Syll.

Omnis homo est animal.

Omnis equus est animal. Ergo,

Omnis equus est homo.

In quo Conclusio falsa ex veris præmissis colligitur, non verus Syllogismus, sed Paralogismus est, peccans in Reg. Specialem Fig. 2.

In præmissis verò falsis, siue utrumque Extremum dicatur convenire Medio, cum neutrum revera conveniat, in Conclusionem Aff. inde illata possunt (quandoque per accidens & gratia materie) convenire inter se, per Ax. 3. siue unum afferatur convenire, alterum non, dum utrumque convenit in parte, in Conclusionem Neg. inde il-





## Institutionum Logicæ

latâ possunt inter se differre per Ax. 4. si legitima Syllogismi forma servetur. Et sic utrobique ex falsis præmissis Conclusio vera inferretur : ut in his

**SBAR-** Omnis lapis est animal.

1. **SbA-** Omnis homo est lapis. Ergo,

**SiA.** Omnis homo est animal.

**SCE-** Nullum animal est brutum.

2. **SiA-** Omnis homo est animal. Ergo,

**SiEnt.** Nullus homo est brutum.

**II.** Ex uno Syllogismo rectè formato plures Conclusiones colligi possunt : idq; Arist. 1. 2. pr. c. 1. per Subalternationem vel Conclusionis Conversionem.

1. Per Subalternationem, præcipuè cùm ex Conclusionem universali inferitur particularis vel singularis sub illâ contenta, sc. I ex A, & O ex E. ut,

Omne vivens nutritur.

Omne animal est vivens. Ergo,

Omne animal nutritur. Ac proinde

Aliquod (vel hoc) animal nutritur.

Hinc Modos aliquos Particulares in Fig.

1<sup>a</sup> & 2<sup>a</sup> omisimus; non quod verè non

concludant, sed quia sub suis Universalibus continentur : ut, AAI sub AAA in

Fig. 1<sup>a</sup>. & AEO sub AEE in Fig. 2<sup>a</sup>. &

EAO sub EAE in utràque; qui proinde

pro Modis distinctis non sunt habendi.

Aliàs (& in universum.)

Subalternatio fit per specialis sub Terminò universali subsumptionem; idque vel

sul

Pars III. De Syllogismorum Proprietat. 155

sub Conclusionis subiecto: ut in pr. Ex.  
etiam inferendo, Ergo

O. (vel A.) homo (vel Socrates vel  
Chamæleon) nutritur.

vel sub Majoris universalis Subiecto,  
quod est Medium in Fig: 1<sup>a</sup> & 3<sup>a</sup>. &  
Majus extremum in 2<sup>a</sup>. ut

*Omne vivens nutritur.*

*Omnis homo est vivens. Ergo,*

*Omnis homo nutritur. Item*

*Omnis Chamæleon est vivens. Ergo,*

*Omnis Chamæleon nutritur.*

Unde Subalternatio fit respectu cujusvis  
Termini in Syllogismo.

2. Per Conclusionis Conversionem, Simplicem  
si sit E vel I, ut in EAE. AEE. AAI. *Arist.*  
AII. IAI. seu per Accidens, si A vel E, *ibid.*  
ut in AAA. AEE. EAE, seu per Con-  
trapositionem, si A vel O, ut in AAA.  
AOO. EAO. EIO. OAO. Ex. gr.

*Omnis homo est animal.*

*Omne rationale est homo. Ergo,*

*Omne rationale est animal. vel per conv.*

*per Acc. Aliquod animal est rationale.*

Adeoque ex Syllogismo Directo in BA-  
bArA fit Indirectus in BAraIIpOn.

Atque hinc orti sunt duo alii Modi Indi-  
recti in Fig. 1<sup>a</sup> sc. CE|AntES & DAbl-  
tIS, qui revera sunt CE|ArEnt & DArII,  
Conclusionem simpliciter conversâ. Unde  
patet quod in omnibus Modis cujusvis Fi-

gura concludi potest Indirectè, si modo Conclusio convertatur, ut ante monitum est.

Hactenus de Principiis Dirigentibus.

Principia Perficientia sunt, quibus necessitas concludendi in Syllogismis minùs perfectis redditur evidentior. Suntq; REDUCTIO & EXPOSITIO.

### De REDUCTIONE.

REDUCTIO est, qua ex Syllogismo imperfecto fit perfectus.

Arist. 1.

1. pr. c.

1.

Συλλογισμὸς τέλειός ἐστι, ὃ μὴδὲν ἄλλο προσέτιμα-  
 ῖον παρὰ τὰ εἰλημένα, πρὸς τὸ φαῦλός τε  
 ἀναγκαῖον. Syllogismus Perfectus est; qui  
 nullā re indiget, præter ea, quæ sumpta  
 sunt, ut necessitas (Conclusionis) appa-  
 reat, i. e. in quo vis Illationis seu Con-  
 sequentiæ de se satis evidens est, sine  
 ulteriori declaratione.

Tales sunt omnes Syllogismi Directi in Fig.  
 1<sup>a</sup> sc. in BA bArA, CE<sup>1</sup>arEnt, DArlI.  
 FE<sup>1</sup>IO qui hinc dicuntur Modi Per-  
 fecti, quia nullo indigent, quo perficiantur.  
 In his enim Medium, situ medium,  
 majori subjicitur, eoque minus seu inferius  
 est; & de Minore prædicatur, adeoque  
 illi majus seu superius est: cum in reliquis  
 Figuris officii tantum medium sit, situ ve-  
 ro Extremum, de minori que subjicitur, vel  
 de maiore prædicatur.

Hinc:



Hinc Extremorum nexus, seu Convenientia & disconvenientia, quæ inferitur in Conclusionē, evidētiōr est in Fig. 1<sup>a</sup>, quā in reliquis; quia in illā evidentiōs servatur Dictum de Omni & Nullo. Nam quia Majus Extremum dicitur universaliter de Medio; & Medium de Minore, vel universaliter, ut in BARBARA, vel particulariter, ut in DARII, evidēter sequitur Majus Extremum dici de Minore, juxta Dictum de Omni: Et quia Majus extremum negatur universaliter de Medio, Medium autem attribuitur Minori, vel universaliter, ut in CELARENT, vel particulariter, ut in FERIO, evidēter etiā concluditur, Majus Extremum negari de Minore, juxta Dictum de Nullo. Quorum neutrum tamen evidēns est in Fig. 2<sup>a</sup> & 3<sup>a</sup>, ob Medium non medio loco situm, ut dictum est.

Atque hinc Syllogismi in Fig. 1<sup>a</sup> sunt magis Naturales, quā in reliquis, quia proximē accedunt ad discursum naturalem; adeo ut quando Syllogismos proferunt homines illiterati (quod sæpius fit inter colloquendum) in hac Fig. ut plurimū rōs struant; quod evidētiæ ejus est certissimū argumentum. Unde dicitur *ἡ μακίστη ἐvidentiὰ*. Figura ad Scientiam gignendam aptissima; cū evidētiōrē includat & universaliter affirmet; ac Scientiæ versentur circa universalia.

Arist. l.  
1. post. c.  
15.

## Institutionum Logicæ

Συλλογισμός ἀτελής ἐστίν, ὁ ἀνεξαρτήτως τοῦ ἐκείνου ὁμοίου, ὁ δὲ ἐστὶν ἀναγκαῖα διὰ τῆς ἀνεξαρτήτου ὁμοιότητος, ὅτι μὴ ἴδιαι διὰ ἀεγείας. Syllogismus Imperfectus est, qui una re pluribusve indiget, quæ quidem per suppositos Terminos sunt necessariæ, non tamen sumptæ sunt per Propositiones, ut necessitas Conclusionis appareat. Huiusmodi sunt Syllogismi in omnibus Modis Fig. 2. & 3. & in 5 Indirectis Fig. 1. qui propterea vocantur Modi Imperfecti, quia aliquo indigent, quo perficiantur. Eisi enim Conclusio in illis necessario sequatur ex Præmissis; non tamen evidentiter, ob rationes alias.

Arist. 1.  
1. pr. c.  
5, 6, 7.  
23.

Reducendi ergo sunt omnes Modi Imperfecti ad Modos Directos Fig. 1. ut necessitas Consequentiae reddatur manifesta.

Reductio est duplex, *Ostensiva* & *Per Impossibile*.

Reductio *Ostensiva* est, cum conversis solum, vel conversis simul & transpositis Præmissis, infertur eadem Conclusio, quæ antè inferebatur, vel ejus saltem Convertens. Dicitur *Ostensiva*, quia directè ostendit rem ita se habere, sive Conclusionem esse veram. (Syllogismus, qui solâ præmissarum Conversione reducitur, unâ re; qui Conversione & transpositione simul, pluribus indigere dicitur, in prælaudatâ Arist. Definitione.)

Funda-

Pars III. De Syllogismorum Reductione. 159

*Fundatur hæc Reductio in naturâ Conversionis, quæ est, quòd Propositio Convertens ex Conversâ necessario sequatur, i. e. Si Conversa sit vera, Convertens etiam vera erit. Unde concessis Syllogismi reducendi Præmissis, Syllogismi quoque reducti Præmissæ (in quas priores convertuntur) concedendæ sunt. At ex veris Præmissis Conclusio vera necessario sequitur, per Propr. I.*

Totum hujus Reductionis artificium in Modorum Consonis ferè latet, quorum

- I. Quatuor Initiales B. C. D. F. denotant Modum Perfectum, ad quem Imperfectus quilibet reducendus est, sc. ad Modum ab eadem literâ incipientem: ut, omnes, qui à B incipiunt, ad BARBARA; qui à C, ad CELARENT, &c.
2. Quatuor Intermedia & Finales S. P. M. C. Modum Reductionis ostendunt. S. & P. Propositiones (per proximè præcedentem vocalem designatas) convertendas esse; S. quidem Simpliciter, P. verò per Accidens. M. Præmissas esse transponendas (in Reductione Ostensiva.) At C. Modum reduci per Impossible tantum; non Ostensivè; juxta versus:

S. vult Simpliciter verti; P. verò per Accid.  
M. vult transponi, C. per Impossible duci.

Exempla



## Exempla Reductionis Ostensiva.

- Figur.
1. < FAp- O. homo est animal.  
 Es- N. brutum est homo. Ergo,  
 MO. A. animal non est brutum.  
 Reducitur ad  
 FE- N. homo est brutum.  
 rI- A. animal est homo. Ergo,  
 O. A. Animal non est brutum.
2. < CES- N. brutum est rationale.  
 Ar- O. homo est rationalis. Ergo,  
 E. N. homo est brutum.  
 Reducitur ad  
 CE- N. rationale est brutum.  
 IA- O. homo est rationalis. Ergo,  
 Ent. N. homo est brutum.
3. < DIS- A. animal est rationale.  
 AM- O. animal est vivens. Ergo,  
 IS- A. vivens est rationale.  
 Reducitur ad  
 DA- O. animal est vivens.  
 rI- A. rationale est animal. Ergo,  
 I. A. rationale est vivens.

In his, quia Syllogismi reducti Conclusio ex Præmissis ejus (quæ sunt Propositiones Convertentes) necessario & evidenter sequitur, juxta Dictum de Omni & Nullo, etiam antè Reductionem ex hisdem præmissis, nondum conversis, illa ipsa Conclusio necessario quoque sequebatur; juxta Regulam, Quicquid sequi ex Consequente, etiam ex Antecedente sequitur.

quetur. Convertens enim Consequens est, & Antecedens ejus Conversa.

Reductio per *Impossibile* est, cum ex Contradictoriâ Conclusionis, cum unâ Præmissarum, insertur Contradictoria (vel saltem Contraria) alterius Præmissæ. Dicitur per *Impossibile*, quia declarat Impossibile esse Conclusionem non esse veram, vel aliquod Impossibile inde sequi. Et fundatur his duabus Regulis.

R. 1. Nec contraria simul vera, nec Contradictoria simul vera vel falsa esse possunt.

R. 2. Ex veris nil nisi verum sequitur.

In cujus Præmissæ locum subroganda est Conclusionis Contradictio, ostendunt hi versus.

lib. 1. { Major fit Minor, ut sit Contradictio Major.  
 { Excipe CELAntES, in quo convertitur ordo.  
 2. Servat Majorem, variatq; Secunda Minorē:  
 3. Tertiâ Majorem mutat, servatq; Minorem.  
 4. CAEMES reducitur, ut Fig. 2. Reliqui Modi Indirecti, ut Fig. 3.

In Indirectis { 2. Minor fit Major &c.

Modis Fig. { 3. Major fit Minor &c.

Ad quem verò Modum Perfectum reduci possint singuli Imperfecti duobus modis cognoscitur,

1. Ex dispositione Præmissarum Syllogismi reducti: ut, si sint duæ universales Affirmativæ, reducitur ad BARBARA; & sic de reliquis.

Phæ-

2. Ex hoc versu;

*Phœliber axis obit terras, spheramq; quotannis.*

Ubi 1. Quinque syllabæ duarum vocum primarum respondent 5 Modis Imperfectis Fig. 1. Quatuor duarum secundarum, 4 Modis Fig. 2, Et sex duarum ultimarum, 6 Modis Fig. 3. Syllaba nimirum prima primo Modo, & sic deinceps.

2. Vocalis cujusque syllabæ designat Modum illum Perfectum (pro ratione Quantitatis & Qualitatis Conclusionis ejus) ad quem facienda est Reductio: ut, E syllabæ primæ, designat CEIA-  
rEnt; I secundæ, DARII, &c.

Exempla Reductionis per *Impossibile*.

BA- O. homo est animal.  
IA- O. rationale est homo. Ergo,  
IP. A. animal est rationale.  
Fig. 1. Reducitur ad  
CE- N. animal est rationale.  
IA- O. homo est animal. Ergo,  
rEnt. N. homo est rationalis.

Ubi insertur, non *Contradictoria* Minoris, sed ejus *Contrariæ Convertens*; quia Conclusio erat *Indirecta* (& sic in aliis *Indirectis*;) ex qua per *Conversionem* simplicem necessario sequitur Minoris *Contraria*, vel, per *Conversionem* per *Accidens*, ejus *Contradictoria*.

Fig. 2.



Pars III. De Syllogismorum Reductione. 163

Fig. 2.	CES-	N. brutum est rationale.
	Ar-	O. homo est rationalis. Ergo,
	E.	N. homo est brutum.
		Reducitur ad
Fig. 3.	FE-	N. brutum est rationale.
	II-	A. homo est brutum. Ergo,
	O.	A. homo non est rationalis.
	BO.	A. animal non est homo.
Fig. 3.	CAR-	O. animal est vivens. Ergo,
	dO.	A. vivens non est homo.
		Reducitur ad
	BAr-	O. vivens est homo.
Fig. 3.	bA-	O. animal est vivens. Ergo,
	rA.	O. animal est homo.

Quin & Modi Particulares & minus Perfecti Figuræ primæ reducuntur ad Universales & perfectissimos; sed mediate: DARII sc. imprimis ad CAMESTRÉS, & FERIO ad CESARÉ, (Modos Fig. secundæ) per Impossible; eo pacto, quo Modi Fig. secundæ reducuntur ad primam; tum uterque Ostensive reducitur ad CELARENT. Et sic tandem Omnes Modi aliarum Fig. (adeoque omnes alii omnino) ad duos perfectissimos, BARBARA & CELARENT, reduci possunt.

Arist. 4.  
1. pr. 6.  
7. S. 9.

Ibid. S.  
9, 10,  
12.

2. Quorsum est hæc Reductio? R. Ad eum convincendum, qui concessis Syllogismi Imperfecti præmissis negat ejus Consequentiam. Ex assumptâ enim Contradictoriâ Conclusionis negatæ (quam proinde concedere debet per Reg.

Reg. 1.) cum alterâ Præmissarum, quam prius concessit, directè & evidenter (in Fig. 1<sup>a</sup>.) insertur Contradictoria vel Contraria alterius Præmissæ, quam antea etiam concesserat; & sic Contradictoria vel Contraria esse simul vera cogetur admittere. Quod si hanc ultimam Conclusionem esse falsam contendat (ut debet per Reg. 1. quia Contrariam vel Contradictoriam ejus ante pro verâ concesserat;) falsa quoque erit altera præmissarum (per Reg. 2.) Non illa (dicet) quam concesserat; ergo altera; cujus Contradictoria proinde vera erit (per Reg. 1.) quæ est ipsa Conclusio prius negata. Tandem ergo fatendum est, primam Conclusionem fuisse veram;

*Nota; etsi Syllogismi in Fig 2<sup>a</sup> & 3<sup>a</sup> sint minus perfecti & evidentes, quam in prima; non sunt tamen inutiles, sed sepe necessarij ratione materiæ, quæ in Syllogismum Fig. 1. difficile, Fig. 2. verò vel 3. haud difficulter formari potest.*

*Hactenus de Reductione.*

## De EXPOSITIONE.

EXPOSITIO est, cum loco Medij Communis Singulare sub illo contentum substituitur, ad eandem Conclusionem evidentiùs inferendam;

Quidam homo est doctus.  
 ut, *Omni* homo est animal. Ergo,  
 Quoddam animal est doctus.  
 Siquis de hujus *Illationis* necessitate du-  
 bilet, Expositione declaratur,  
 Aristoteles est doctus.  
 sic *Aristoteles* est animal. Ergo,  
 Quoddam animal est doctus.

Ubi Consequentia est evidentior, prop-  
 ter Medium singulare & sensibile, quo  
 Syllogismus fit conformior Principio.

1. Dirigenti.

Hic Syllogismus ab Arist: vocatur *Expositivus*. *An. pr. l. 1. c. 6. §. 6. 14.*  
 Expositio (vulgò Syllogismus Exposito-  
 rius;) quoniam rem quasi oculis exponendo  
 explicat, & captui magis accommodat Syllo-  
 gismum Medio communi constantem, quem  
 solum nomine Syllogismi dignatus est Arist.  
 quia cum Syllogismus in Logicâ sit instru-  
 mentum sciendi, & Scientiæ versentur circa  
 Universalia, solus Syllogismus Communis  
 erit Scientificus, adeoque verus Syllogismus  
 Logicus; de quo proinde omnia de Syllo-  
 gismo hactenus dicta sunt intelligenda.

Q. 1. In quâ Figurâ sit Syllogismus Expositivus? R. In omni. servatis Regulis  
 specialibus cujusque Figuræ, hoc versu  
 comprehensis, (cundâ,  
 Sic Minor affirmans Reliquis; neget una Se-  
 i. e. in Fig. 2. sit una Premissarum Ne-  
 gativa, in reliquis sit Minor affirmativa.  
 Et Modi ejus in qualibet Figurâ sunt  
 duo,



# Institutionum Logicæ

duo, quorum in Fig. 1<sup>a</sup> & 3<sup>a</sup>, alter affirmat, alter negat; in Fig. 2<sup>a</sup>. uterque negat.

## Exempla Figuræ 1.

§ Messias debuit crucifigi.

1. § Jesus Christus est Messias. Ergo,

§ Jesus Christus debuit crucifigi.

§ Præceptor Alexandri non fuit Atheniensis.

2. § Aristoteles est præceptor Alexandri. Ergo,

§ Aristoteles non fuit Atheniensis.

Aff. sub A vel I, sc. BARBARA vel DAII;  
neg. sub E vel O, sc. CEIArEnt vel FE-  
xIO, continetur.

## Exempla Figuræ 2.

§ Princeps Stoicor. non est opt. philosophus.

1. § Aristoteles est optimus philosophus. Ergo,

§ Aristoteles non est princeps Stoicorum.

§ Aristotelis præceptor est princeps Academic.

2. § Socrates non est princeps Academicorū. Ergo

§ Socrates non est Aristotelis præceptor.

Primus continetur sub CESAIE vel FE-  
RIIO; alter sub CAMERRES vel BA-  
ROCO.

## Exempla Figuræ 3.

§ Judas est impius.

1. § Judas est Apostolus. Ergo,

§ Quidam Apostolus est impius.

§ Socrates non est improbus.

2. § Socrates est Ethnicus, Ergo,

§ Quidam Ethnicus non est improbus.

Aff. continetur sub I, sc. DAIAPI, DISA-  
MIS vel DAISI; Neg. sub O, sc. FE-  
IAPton;

IAPton, BOCArdo vel FErISON.

Si in his conversatur Conclusio, vel præmissæ transponantur, Indirectè concludent; præterquam in Fig. 1<sup>a</sup>. ubi ex transpositione præmissarum oritur Fig. 4<sup>a</sup>. (ut vocant) de quibus sic instituitur REGULA.

Affermet Major Reliquis; neget una secundâ.

Q. 2. An omnes Syllogismi cujusq; Figuræ Expositione declarari possint? R. Non, sed particulares tantum; quæ sunt in DARII & FERIO Fig. 1. in FESTINO & BAROCO Fig. 2. & in omnibus Modis Fig. 3. quia Conclusio universalis ex præmissis singularibus inferri non potest; bene tamen particularis. Ex gr.

SDA- O. homo est rationalis.

1. SI- A. animal est homo. Ergo,

I. A. animal est rationale.

Exponitur

Socrates est rationalis.

sic SI- A. animal est Socrates. Ergo,

A. animal est rationale.

2. SFES- N. homo est brutum.

SI- A. animal est brutum. Ergo,

NO. A. animal non est homo.

Exponitur.

N. homo est Bucephalus.

sic SI- A. animal est Bucephalus. Ergo,

A. animal non est homo.

SDA- O. homo est rationalis.

3. SIAP- O. homo est animal. Ergo,

SI. A. animal est rationale.

M

Ex-

## Exponitur

Socrates est rationalis.

Socrates est animal. Ergo,

Animal est rationale.

Ex quibus simul constat, Expositionem Fig. 3<sup>a</sup>. faciliam ceteris longe prestantiorem esse, quia clarior est & Evidentior: utpote in qua Medium subijciunt; & Singularium est maxime subiecti. Cum in reliquis Figuris, (quia predicatur in altera vel utraque premissa, & Singulare naturaliter non predicatur,) minus naturaliter, minusque evidenter inferuntur Conclusio; ut ex prioribus Exemplis patet. Hinc sequitur, Syllogismum Expositorium aptissime fieri in tertia Fig. camque clarissime exponere.

Nota. 1. Syllogismum de Medio Singulari in Fig. 2. posse esse Affirmativum: ut, Alexandri preceptor est princeps Peripateticus. Aristoteles est princeps Peripateticorum. Ergo, Aristoteles est Alexandri preceptor. Qui

quidem proprie non est Expositorius, quia nullum Syllogismum exponit.

2. Syllogismum Expositorium sive de Medio Singulari in Fig. 2. quoad Propositiones posse esse Particularem seu Communem in utroque Modo; & contra.

AN. homo est Bucephalus.

1. AN. animal est Bucephalus. Ergo,

AN. animal non est homo.

Est in

FESTINO; sed non naturalis ob singu-



Pluma

singulare de comuni prædicatum

Socrates est homo.

2. Bucephalus non est homo. Ergo,

Bucephalus non est Socrates.

Unde patet, quod Non omnis Syllogismus  
Expositorius est singularis, nec Singularis  
omnis Expositorius.

Hucusque de Principiis Syllogismorum;  
sequuntur ejus SPECIES.

Syllogismus est duplex, Simplex & Compo-  
situs.

Syllogismus Simplex est, cujus omnes  
Propositiones sunt Simples seu Cate-  
goricæ. Estq; Purus vel Modalis.

Syllogismus Purus est, cujus omnes Pro-  
positiones sunt Puræ. Et hujusmodi  
sunt omnes Syllogismi prius adducti.

### DE SYLLOGISMO MODALI.

Syllogismus MODALIS est, qui constat  
utrâque vel alterâ saltem Præmissâ Mo-  
dali. Prior merè Modalis, posterior  
Mixtus vocatur.

Nota 1. Syllogismum Modalem sequi legem  
Dicti sui; adeo ut ejusdem Figuræ sit  
& Modi, cujus est ejus Dictum.

2. Hanc doctrinam plus curiositatis, quàm  
utilitatis habere, adeoque commodè omitti  
posse.

Syllogismus merè Modalis constat. utrâque  
præmissâ Necessaria vel Contingentes,

aut alterâ necessariâ, alterâ Contingente.

Nam Modus Impossibile sub Necessario continetur (utpote ad Necessariam Negativam exprimendam adhibitus, v. de Mod. oppos. & Convers.) & Possibile sub Contingente.

Syllogismus Modalis ex solis Necessariis constans Puro seu Absoluto per omnia similis est, Unde in tribus Figuris earumque Modis omnibus formari potest; quin & Reduci tum Ostensivè tum per Impossibile, & per Expositionem declarari, sicut Dictum ejus. Penes Terminos enim Dicti hæc omnia attendenda sunt: ut.

**SBar** O. animal sentire est necesse.

**SbA** O. hominē esse animal est necesse. 8<sup>o</sup>,

**SrA** O. hominē sentire est necesse.

Et idem est de merè Contingentibus Syllogismis in Fig. 1<sup>a</sup> & 3<sup>a</sup>. at in Fig. 2<sup>a</sup> nihil concludunt. Præterea in Fig. 1<sup>a</sup>. & 3<sup>a</sup>. concludere licet Indirectè: in Fig. 1<sup>a</sup>. quidem ex Majore Universali & minore Negativâ, sc. in AEE.EEE.AOO.EOO. in Fig. 3<sup>a</sup>. verò ex utrâque Præmissâ Negativâ (modo Indefinitæ vel Particulares ambæ non sint,) sc. in EEE.EOO.OEO. Qui Modi, cum Imperfecti sint, perficiuntur seu ad Perfectos reducuntur Conversione Propositionis Negative, secundum oppositam Dicti Qualitatem, Terminis non commutatis; quæ Conversio Propositionibus Contingentibus peculiaris est. Sed de his consule Arist.

Hinc

An. pr.

l. i. c. 13.

14. 17.

80.

### Pars III. De Syllogismo Modali.

171

Hinc patet, quod ex mere Contingentibus in Fig. 1<sup>a</sup>. semper licet aliquid concludere, si Major sit universalis; & quidem si Minor sit Affirmativa, Directe; sin Negativa, Indirecte.

2. Syllogismus ex Necessario & Contingente sequitur legem Minorum Contingentium; de quibus paulo post.

Syllogismus Mixtus constat alterâ Præmissâ Necessariâ vel Contingente, & alterâ Purâ seu Absolutâ.

1. De Syllogismo ex Præmissâ Necessariâ & Purâ mixto hæc est REGULA.

Ut Conclusio sit Necessaria, Præmissa Universalis (Affirmativa sc. in Modis Affirmativis, & Negativa in Negativis) debet esse Necessaria; aliâs erit Absoluta. Hinc

In Fig. 1<sup>a</sup>. Si Major sit Necessaria, Conclusio erit Necessaria; aliâs Absoluta: ut,

SCEN. N. brutum esse hominem est necesse.

1. 1A. O. animal irrationale est brutum. Ergo

GrEnt. N. animal irration. esse hominē est necesse.

2. 2BA. O. animal currit.

3. 3bA. O. hominem esse animal est necesse. Ergo

4. 4rA. O. homo currit. Non tamen necessario.

In Fig. 2. Si Præmissa Universalis Negativa sit Necessaria, Conclusio erit Necessaria; aliâs Absoluta: ut,

5. 5CAM. O. animal sentit.

6. 6ES. N. lapidem sentire est necesse. Ergo,

7. 7rES. N. lapidem esse animal est necesse.



- BA- O hominem esse animal est necesse.  
 IO- A. album non est animal. Ergo,  
 CO- A. album non est homo. Vel,  
 BA- O. quod currit est homo.  
 IO- A. animal non esse hominē est necesse. g<sup>o</sup>.  
 CO- A. animal non currit.

In Fig. 3. Si praemissa universalis (Affirmativa in Affirmativis, & Negativa in Negativis) sit *Necessaria*, Conclusio erit *Necessaria*; alias *Absoluta*. Unde ex alterutra praemissa *Necessaria* in *DAAPtI*, ex neutra in *BOCARD*O, sequitur Conclusio *Necessaria*: ut,

- DA- O. hominem esse rationalem est necesse.  
 AP- O. homo est animal. Ergo,  
 tI. A. animal esse rationale est necesse.  
 BO- A. nigrum non esse album est necesse.  
 CA- O. nigrum est corpus. Ergo,  
 IO- A. corpus non est album. Vel,  
 BO- A. homo non est albus.

- CA- O. hominem esse corpus est necesse. Ergo,  
 IO- A. corpus non est album.

Ex quibus patet, in Fig. 2<sup>a</sup>. & 3<sup>a</sup>. tum de-  
 mum *Necessariam* fore Conclusionem,  
 cum Propositio illa, quae in Syllogismo,  
 ad Fig. 1. reducitur, Majoris locum ob-  
 tinet, *necessaria* fuerit.

In his Modos Indirectos, eorumque ad Di-  
 rectos Reductionem nihil moror; pro  
 quibus consulatur Aristoteles.

2. Syllogismus altera praemissa *Contingen-*  
*te*, altera *Pura* (vel *Necessaria*) constans  
 eodem

### Pars III. De Syllogismo Modali.

473

codem modo se habet, quo precedens ; nisi quod in Fig. 2<sup>a</sup>. ex præmissa Universalis negativâ, Purâ (vel Necessariâ) concludatur Contingenter ; & non aliter. Unde,

In Fig. 1. Si Major sit Contingens. Conclusio erit Contingens Directa : si Minor, erit Indirecta ; (& etiam Contingens, si Modus sit Negativus,) idq; omnibus 8 Modis ; ut sc. Præmissæ sint AA. AE. EA. EE. AI. AO. EI. EO. Hinc quotiescunque Major est universalis, Modus erit Syllogisticus (isq; Directus, si Minor sit Affirmativa ; Indirectus, si Negativa) si Particularis sit, erit *Baroco*.

In Fig. 2. Si Præmissa universalis Negativa sit Absoluta vel Necessaria, Conclusio erit Contingens (vel etiam Absoluta ex Necessariâ Præmissâ) idq; Directe, si altera præmissa Contingens sit Affirmativa, Indirecte, si Negativa ; non aliter, i. e. si præmissa Affirmativa aut particularis Negativa sit Absoluta vel Necessaria, nihil legitime concludetur. Hinc nihil sequitur in BAROCO.

In Fig. 3. Si alterutra præmissa sit Contingens & altera Pura vel Necessaria, Conclusio quoque Contingens erit ; Directe in 6 Modis (sed Improperie ; quin & Absoluta esse potest, si præmissa Negativa sit Necessaria, & Affirmativa sit Contingens : ) si, Minore Contingente, ipsa vel utraque Præmissa sit Negativa,

concludit Contingenter Indirecte  
 (scilicet Minor Negativa sit Necessaria vel  
 soluta, vel ambe Præmissæ Indefinitæ aut  
 Particulares) nihil Syllogisticè concludetur  
 Ad Syllogismum Modalem revocatur  
 Exponibilis.

### De SYLLOGISMO EXPONIBILI.

Syllogismus EXPONIBILIS est, in quo  
 reperitur propositio aliqua Exponibi-  
 lis. Estque triplex, sc. *Exclusivus*, *Ex-  
 ceptivus* & *Reduplicativus*.

I. Syllogismus EXCLUSIVUS est, qui  
 constat utraq; vel alterâ saltem præmissâ  
 Exclusivâ. Et formari potest in qualibet  
 Figurâ servatis Regulis Generalibus, atq;  
 hac etiam speciali REGULA.

Terminus Exclusus in Præmissis, exclusus  
 erit in Conclusionem, si eundem locum  
 teneat (i.e. si utrobique sit Subiectum aut  
 Prædicatum;) aliâs non.

Quoad Modos verò, in quibus potest aut non  
 potest formari, hoc esto Criterium. Quan-  
 do Expositis propositionibus Exclusi-  
 vis in certâ Figurâ & Modo constitui-  
 tur Syllogismus, est legitimus; aliâs  
 non. (Quod certè aliis Regulis compre-  
 hendi vix potest.) Unde,

Primo, si omnes propositiones sint Ex-  
 clusivæ, rectè concluditur in Modis om-  
 nibus Fig. 1. & 2. tam cum, quàm sine  
 signis. At in Modis Fig. 3. cum signis  
 tantùm



tantum; & ex præmissis Universalibus universaliter; ex Minore vero particulari, ut & sine signis, nihil concluditur; nisi negatio toti præponatur Propositioni.

Secundo, Si altera tantum Præmissarum sit *Exclusiva*, formatur Syllogismus in omnibus Modis cujusque Figuræ, dum *Exclusiva* Major sit signis affecta; Et præterea sive cum Signis, sive sine illis sumatur, sequitur quodd

1. Ex Minore Negante rectè concluditur in Fig. 1. (ex eaque tantum, quando Major est *Affirmativa* de *Excluso* Subjeto sine Signo: at cum Signis universalibus vel particularibus, tam ex *Affirmativa* quàm *Negativa* Minore, concludere licet: ) ut,

(pax.  
Solum animal rationale est disciplinae ca-  
N. bratum est animal rationale. Ergo,  
N. brutum est disciplinae capax.  
Exponitur sic (rationale,  
O. disciplinae capax est animal ra- CAM.  
N. brutum est animal rationale. 2º ES-  
N. brutum est disciplinae capax. StrES.

Similiter si Minor sit *Exclusiva* præposita *Negatione*; vel utraque præmissa *Negativa*, atque etiam utraque vel altera tantum *Exclusiva*; unde colligetur *Affirmativa* Conclusio.

2. Ex utraque præmissa *Affirmativa* rectè concluditur in Fig. 2ª. (ex eaque solâ, quando Major vel Minor est *Affirmativa*

motiva de Excluso Subiecto sine Signo: )ut,

Solus homo est doctus.

O. philosophus est doctus. Ergo,

O. philosophus est homo.

Exponitur sic

O. doctum est homo.

O. philosophus est doctus. Ergo,

O. philosophus est homo.

BAR-

BA-

RA.

Item.

O. philosophus est doctus.

Solus homo est doctus. Ergo,

Solus homo est philosophus.

Exponitur sic,

O. philosophus est doctus.

O. doctum est homo. Ergo,

O. philosophus est homo.

Transpositis

premissis erit in BARBARA.

Similiter ex utraque Premissâ Negativâ, atque etiam utraque vel alterâ tantum Exclussivâ; idque vel sine Signis (etiamsi Major sit particularis, si Minor tum Exclussiva sit) inferri potest Affirmativa Conclusio: Non verò ex alterâ tantum Negativâ, nisi illa sit Major de Excluso Subiecto sine Signo particulari; vel Minor, Majore existente Exclussivâ Universalî; vel denique Minor Exclussiva sit part. Negativa, cadente particulâ Exclussivâ in Subiectum ejus, non in Signum.

Ex Minore Negativâ (universalî) rectè concluditur, etiam universaliter, in Fig. 3<sup>a</sup>. modo Major sit Exclussiva: ut

Fig.

Fig. 3. *Solutio bonum est doctum.*  
*N. bonum est irrationalis. Ego,*  
*N. irrationale est doctum,*  
*Exponitur sic,*  
*O. doctum est bonum.*

*N. homo est irrationalis. Ego,*  
*N. irrationale est doctum. Est in Fig. 4.*

Et transpositis præmissis erit in *CEIA* aut *ES*.

Similiter ex *Maio* *Exclusiva* tam *Aff.* quam

*Neg.* cum & sine *Signis*; siue *Minor* etiam

fit *Aff.* siue *Neg.* modo sit *Universalis*; (a-

deoque ex utraque præmissa *Neg.* nisi *Ma-*

jor sit *Exclusiva* particularis, aut negatio-

nem toti orationi præfixam habens) recte

concludetur. (Unde ex utraque Præmissa

*Neg.* cum *Major* est *Exclusiva*; non par-

ticularis nec *Negationem* sibi præfixam

habens, recte inferitur *Affirmativa* *Conclu-*

sio.) Ex *Minore* vero de *Excluso* *Subiecto*,

nisi *negativa* sit, nihil sequetur; si *Affirma-*

tiva sine *signis* vel cum particularibus, ex

*Maio* tantum *universali*; cum *signis* ve-

ro *universalibus*, ex quacunque *Maio*,

sequetur vera *Conclusio*.

Ex quibus patet *Syllogismum* *Exclusi-*

uum, si propositio *Exclusiva* expona-

tur, sequi *Leges* *Purorum*. Nam quæ

sunt *Figure* 1. erunt in 2. ; quæ *Fig. 2.*

erunt in 1. & quæ *Fig. 3.* erunt in 4.

unde per transpositionem præmissarum fient

in *Fig. 1.*

*Nota*, *Syllogismum* *Exclusivum* per omnes

formas



formas variari posse modis plusquam 3672.

II. Syllogismus **EXCEPTIVUS** est, in quâ est propositio aliqua Exceptiva. Et formari potest in omnibus Modis cujusque Figure hæc observata **REGULA**.

Terminus semel exceptus, utrobique excipiendus est. *h. e.* si medius Terminus in una Præmissarum, etiam in alterâ; & si Major vel Minor, vel uterque in Præmissis, etiam in Conclusionem excipiat. Unde & Terminus in Præmissis Exceptus, exceptus maneat in Conclusionem.

III. Syllogismus **REDUPLICATIVUS** seu Restrictivus est, in qua reperitur propositio aliqua Reduplicativa.

#### **REGULA.**

Si Medius Terminus solus sit Restrictus, valebit Consequentia tantum in Modis Affirmativis; ac per Consequens in sola Fig. 1<sup>a</sup>. & 3<sup>a</sup>. (at præcipue in 3<sup>a</sup>) non autem in 2<sup>a</sup>. Alias, Si Major sit Reduplicativa nihil sequitur: sin Minor, in Modis Affirmativis etiam nihil sequitur; in Negativis verò bene valet Consequentia, modo Minor Restrictiva sit Affirmativa; alias non. Adeoque in solis AEE & AOO Fig. 2. nihil sequitur. Sed hæc de Syllogismo Simplici seu Categorico.

V. Arist.  
Lv. pr.  
c. 38.

De SYLLOGISMO HYPOTHETICO

Syllogismus Compositus est Proprie vel Impropie sit dictus.

Syllogismus proprie Compositus ( seu Hypo-  
theticus late dictus ) est, cujus omnes vel  
aliqua saltem propositio est composita  
seu Hypothetica; ( prior dicitur pure  
Hypotheticus; posterior ex parte tan-  
tum seu Mixtus.) Estque triplex pro  
triplici propositione Hypothetica, ex  
qua constat, sc. Conditionalis, Disjuncti-  
vus & Copulativus.

De SYLLOGISMO CONDITIONALI.

I. Syllogismus CONDITIONALIS ( seu  
Hypotheticus stricte dictus ) est, cujus u-  
traque vel altera saltem præmissa est  
Conditionalis. De quo est REGULA.  
Si sola Major sit Conditionalis Conclusio  
erit Categorica; aliàs Hypothetica.

Primo, Quando utraque Præmissa est Con-  
ditionalis, formari potest Syllogismus,  
(juxta Quantitatem, quam habere vide-  
tur) in omnibus Modis cujusque Figu-  
ræ, exceptâ tertiâ: ut,

Fig. 1.

BA. Si o. rationale est animal, est vivens.

BA. Si o. rationale est homo, est animal. Ergo,

CA. Si o. rationale est homo, est vivens.

CE.

**CE-** Si nullum rationale est insensitivum,  
nullum rationale est inanimatum.

**IA-** Si nullum rationale est homo, nullum ra-  
tionale est insensitivum. Ergo,

**Ent.** Si nullum rationale est homo, nullum  
rationale est inanimatum.

Fig. 2.

**GES-** Si omnia casu contingunt, mundus non  
regitur providentia.

**Ar-** Si datur Deus, mundus regitur provi-  
dentia. Ergo,

**E.** Si datur Deus, omnia casu non contin-  
gunt.

**CAM-** Si datur Deus, mundus regitur provi-  
dentia.

**ES-** Si omnia casu contingunt, mundus non  
regitur providentia. Ergo.

**trES-** Si omnia casu contingunt, non datur  
Deus.

Et idem est, si Subiectum Antecedentis  
ubique sit Terminus Singularis vel  
Communis signo particulari affectus:  
ut,

Si Socrates (A. homo) est prudens, est iustus.

Si Socrates (A. homo) est probus, est prudens. 8<sup>o</sup>

Si Socrates (A. homo) est probus, est iustus.

In quibus omnibus cavendum est, ut iusto  
loco ponatur Negativus, ad reddendas eas. Ne-  
gativas. v. de Hyp. Qual. & Resol.

Secundo, Si altera tantum premissarum sit  
Conditionalis habet duos solum Mo-  
dos.

Mod.



Mod. 1. A positione Antecedentis ad positionem Consequentis, (ponere hic est eodem modo sumere, i. e. affirmatum affirmare, & negatum negare;) qui Modus dicitur Constructivus, & innititur huic REGULE.

Si Antecedens sit verum, etiam Consequens (seu id, quod ex eo verè consequitur) verum erit.

Exempla prima.

1. § Si homo est animal, est vivens.  
Sed homo est animal. Ergo.  
Est vivens.

2. § Si homo non est insensitivus, non est inanimatus.  
Sed homo non est insensitivus. Ergo,  
Non est inanimatus.

Exempla secunda.

1. § Omne animal est vivens.  
Sed si rationale est homo, est animal. Ergo,  
Si rationale est homo, est vivens.

2. § Quod non est insensitivum, non est inanimatum.  
Sed si rationale est homo, non est insensitivus. Ergo,  
Si rationale est homo, non est inanimatum.

Mod. 2. A Remotione Consequentis ad remotionem Antecedentis; (Removere hic est sumere Contradictorio modo, i. e. affirmatum negare, & negatum affirmare,) qui Modus dicitur Destructivus, & innititur huic REGULE.

Si

**Si consequens ( seu id, quod ex aliquo verè consequitur ) non sit verum; nec Antecedens ( unde sequebatur ) verum erit.**

**Exempla prima.**

**Si virtus est vituperanda, non est laudanda.**

1. **Sed virtus est laudanda. Ergo.**

**Non est vituperanda.**

**Si virtus non est laudanda, est vituperanda.**

2. **Sed virtus non est vituperanda. Ergo.**

**Est laudanda.**

**Exempla secunda.**

**Quod est vituperandum, non est laudandum.**

1. **Sed si datur virtus, est laudanda. Ergo.**

**Si datur virtus non est vituperanda.**

**Quod non est laudandum, est vituperandum.**

2. **Sed si datur virtus, non est vituperanda. Ergo.**

**Si datur virtus, est laudanda.**

**Nota. 1. In Syllogismis Hypotheticis ex Majore Categoricalâ constantibus, Majoris Subjectum Antecedentis, & Prædicatum Consequentis vicem sustinere; adeo ut ad hos duos modos pertineant omnes: ut ex allatis Exemplis constat.**

**2. Hæc revocari Syllogismos dictos, qui excipiuntur à Regulâ generali, Quod ex Majore Conditionalis inferitur**

**Conclusio Hypothetica ( quia sunt quasi Categoricali ) idque in utroque Modo:**

**Si Socrates est homo, est animal.**

**Sed omne rationale est homo. Ergo.**

**Si Socrates est rationalis, est animal.**

1. Si brutum est discipline capax, est rationale.  
Sed animal irrationale non est rationale. g.  
2. Si brutum est animal irrationale, non est  
discipline capax.

Syllogismi Hypothesici ad Categoricalos re-  
ducuntur, reductis solum propositioni-  
bus Hypotheticis (v. de Hyp. Resol.) &  
qui sunt primi Modi ad Fig. 1. (Aff. sc.  
ad BARBARA; & Neg. ad CE[Ar]Ent.)  
qui vero secundi omnes ad secundum, nem-  
pe ad CESArE ii, in quibus Major Cate-  
gorica, vel Consequens Majoris Hypothesi-  
ce, est Negativa; et in quibus est Affirma-  
tiva ad CAMEStRES: ut,

In Exemplis Modi 1.

- SBA- O. animal est vivens.  
SBA- O. homo est animal. Ergo,  
SA- O. homo est vivens.  
SCE- N. non insensitivum est inanimatum.  
SA- O. homo est non insensitivus. Ergo.  
CEEnt. N. homo est inanimatus.

In Exemplis Modi 2.

- SCE- Nihil vituperandum est laudandum.  
SA- Omnis virtus est laudanda. Ergo,  
SAE- Nulla virtus est vituperanda.  
SCE- O. non laudandum est vituperandum.  
SAE- Nulla virtus est vituperanda. Ergo,  
CEES- Nulla virtus est non laudanda.

At huiusmodi Syllogismus.

Si omne animal est substantia, omnis homo  
est substantia.

Sed omne animal est substantia. Ergo,  
N Omnis



# Institutionum Logicæ

*Omnia homo est substantia.*

*Reducitur sic.*

*Quale est animal, talis est homo.*

*Sed animal est substantia. Ergo,*

*Homo est substantia.*

*Vel transpositis Præmissis, sic.*

*O. animal est substantia.*

*O. homo est animal. Ergo, BARBARA.*

*O. homo est substantia.*

*Hinc sequitur,*

**I.** Quod vitiosi sunt duo alii Modi concludendi ( & sunt duo tantum ) sc.

*Primo, A positione Consequentis ad positionem Antecedentis; (quia non valet, Consequens est verum ergo & Antecedens:)* ut, *Si equus est rationalis, est animal.*

*Sed equus est animal. Ergo,*

*Est rationalis.*

*Nam con-*

*stat ex Præmissis Affirmativis in Fig. 2. ut patet ex Reductione, sic.*

*O. rationale est animal.*

*O. equus est animal. Ergo,*

*O. equus est rationalis.*

*Secundo, A remotione Antecedentis ad remotionem Consequentis; (quia non sequitur, Antecedens est falsum, ergo & Consequens:)* ut;

*Si equus est rationalis, est animal.*

*Sed equus non est rationalis. Ergo,*

*Non est animal.*

*Nam constat*

*ex Minore Negativa in Fig. 1. ut ostendit Reductio, sic.*

*O. rationale est animal.*

*N. equus est rationalis. Ergo,*

*N. equus est animal.*

**Quin & vitiosus est hic Syllogismus;**

*Si o. animal est rationale, o. bestia est rationalis.*

*Sed o. bestia non est rationalis. Ergo,*

*O. animal non est rationale.*

*Quia Minor, quæ debet esse Contradictoria*

*Consequenti, & Conclusio similiter Ante-*

*cedenti, eis tantum Contrariae sunt. Sic*

*ergo institui debent.*

*Sed non omnis bestia est rationalis. Ergo,*

*Non omne animal est rationale.*

**Quod nullus Syllogismus Hypotheticus**

**in Fig. 3<sup>a</sup>. formari potest (nisi per acci-**

**dens & gratiâ materiæ,) quia sc. si re-**

**ducatur, Conclusio erit Universalis in**

**Fig. 3<sup>a</sup>. quod ostendit illam huiusmodi pro-**

**positioni Categoricæ inniti.**

**3. Quod omnes Syllogismi Aristoteli Hypo-**

**thetici seu Conditionales ad duos prædi-**

**ctos Modos, (qui sc. sunt Figuræ 1. ad**

**primum, & qui Figuræ 2. ad secun-**

**dum) pertinent seu reducuntur: ut ex**

**propositis exemplis eorumque Reductione**

**constat**

**Nota, quod eadem præcepta tenent de**

**Syllogismis ex propositionibus Causa-**

**libus vel Rationalibus compositis.**

## Exempla prima,

- Bar. Quia homo est admirativus, est risibilis.  
 bA. Quia homo est rationalis, est admirativus. g.  
 A. Quia homo est rationalis, est risibilis.  
 CE. Quia sol lucet, non est nox.  
 A. Quia sol est ortus, lucet. Ergo,  
 Ent. Quia sol est ortus, non est nox.

## Exempla secunda.

- Quia cera incalescit, mollescit.  
 Sed cera radiis solaribus exposita incalescit. g.,  
 Cera radiis solaribus exposita mollescit,  
 Omne admirativum est risibile.  
 Sed quia homo est rationalis, est admirativus. g.,  
 Quia homo est rationalis, est risibilis. Et sic  
 in reliquis Figuris.

## De SYLLOGISMO DISJUNCTIVO.

II. Syllogismus DISJUNCTIVUS est, cujus omnes vel aliqua saltem Propositio est Disjunctiva, Ejus duo sunt Modi,

1. Primus Modus in omnibus sequitur Syllogismos Categoricalis; ut,

O. animal est rationale vel irrationale. Bar.

Sed serpens est animal. Ergo, bA.

Serpens est rationalis vel irrationalis. A.

Nota, quod Syllogismus ex Disjuncto Medio valet tantum in Fig. 2. non autem in Fig. 1. vel 3. quia in his Disjunctio constituit quali duplex Medium: ut,

Socrates vel Coræbus est indoctus.

Socrates vel Coræbus est philosophus. g.

Aliquis philosophus est indoctus.



2. Secundus Modus (Hypotheticis proprius) est cum Major tantum est Disjunctiva; & procedit

*A Remotione reliquarum partium ad positionem unius : ut,*

*Aut pax est, aut bellum, aut inducie.*

*Sed neque pax est, neque bellum. Ergo,  
Sunt inducie.*

*A positione vero unius partis ad remotionem reliquarum, tum tantum valet Consequentia, quando partes sunt immediate oppositae : ut,*

*Aut dies aut nox est.*

*Sed est dies. Ergo,*

*Non est nox. Non alias : ut,*

*Christus est in medio duorum vel trium congregatorum.*

*Sed est in medio duorum. Ergo,*

*Non trium.*

Modus hic fundatur hac REGULA,

*Contrarium immediatorum alterum inesse,  
alterum non inesse necesse est subjecto capaci.*

Ideo, Syllogismus Disjunctivus (necessario concludens) est tantum Affirmativus : qui ad Hypotheticum (& tum ad Categoricalum) reducitur, reducta propositione Disjunctiva, sic,

*Si neq; pax est, neq; bellum, sunt inducie.*

*Sed neque pax est neque bellum. Ergo,*

*Sunt inducie.*

Negativa vero etiam ad Copulativam reducitur, sic,

Non est & dies & nox.

Sed est dies. Ergo,

Non est nox.

### De SYLLOGISMO COPULATIVO.

III. Syllogismus COPULATIVUS est, cujus omnes vel aliqua saltem propositio est Copulativa. Ejus duo tantum sunt Modi.

I. Primus Modus in omnibus sequitur Syllogismos Categoricalos, Idque sive ex duabus tantum (quæ ad minimum requiruntur) sive ex omnibus Propositionibus Copulativis constat. Unde & in omnibus Figuris & Modis uterque formari potest: ut,

BAr- O. vivens est corpus; & omne corpus est substantia.

BA- O. homo est animal, & omne animal est vivens. Ergo,

IA. O. homo est vivens, & est substantia.

EA- O. rationale & mortale est homo.

ro- A. animal & album non est homo. Ergo,

CO. A. animal & album non est rationale & mortale.

DA- O. homo est rationalis & risibilis.

rAP- O. homo est vivens & sensitivus. Ergo,

ti. A. vivens & sensitivum est rationale & risibile.

Item,

BAr.

Barbara.

Quicquid est animal & rationale, est homo.

Quicquid est animal & risibile, est animal & rationale. Ergo,

Quicquid est animal & risibile, est homo.

O. animal habet gustum & tactum.

Ostrea est animal. Ergo,

Ostrea habet gustum & tactum.

O. animal est corpus.

O. quod est vivens & sensitivum, est animal. g.

O. quod est vivens & sensitivum, est corpus.

Quod convenit toti, convenit parti.

Sed animal est totum, & homo est pars. g.

Quod convenit animali, convenit homini.

CAM. O. animal habet gustum & tactum.

ES. Mandragora non habet gustum & tactum. g.

IES. Mandragora non est animal.

FE. N. improbus est justus & temperans.

II. A. improbus est doctus. Ergo,

Son. A. doctus non est justus & temperans.

Sic & in Relativis.

Ubi (vel Dum) Aristoteles audit, Plato disputat.

Ubi (vel Dum) Socrates legit, Aristoteles audit. Ergo,

Ubi (vel Dum) Socrates legit, Plato disputat.

Ubi Socrates legit, Plato disputat.

Sed Socrates legit in Schola.

Plato disputat in Schola.

Figur.



Et in Adversativis.

3. *Est Angelus est immaterialis, est creatus.*  
*Sed o. immateriale est immortale. Ergo,*  
*Est Angelus est immortalis est creatus.*  
 Non aliter, sc. vel ex omnibus propositionibus Adversativis, vel in aliâ Figurâ, quàm terciâ, fieri potest.

2. Secundus Modus (Hypotheticis proprius) est, cum Major tantum est Copulativa Negativa; proceditque

A positione unius partis ad remotionem reliquarum: ut,

*Brutum non est irrationale, & agens liberum.*

*Sed est irrationale. Ergo,*

*Non est agens liberum.*

Qui juxta Modum 1. concluderet sic,

CE- *Brutum non est irrationale & agens liberum.*

JA- *Canis est brutum. Ergo,*

TE- *Canis non est irrationalis & agens liberum.*

At à Remotione unius aut aliquarum partium ad positionem alterius reliquarumve, non valet Consequentia; quia possibile est Neutram convenire: ut,

*Socrates non indoctus & intemperans.*

*Sed non est indoctus. Ergo,*

*Est intemperans.*

Ut nec à Positione unius ad positionem alterius; quando Major est Copulativa Affirmativa; quia non dicitur plus in Conclusionem, quàm fuit in Majore affirmatum; & sic erit Nugatoria; ut,

Hom

*Homo est rationalis & risibilis.*

*Sed est rationalis. Ergo,*

*Est risibilis.*

Ex quibus constat,

1. Omnes Syllogismos Copulativos esse Negativos.

2. Syllogismos Copulativos ad Disjunctivos vel Conditionales posse reduci; cum Copulativa propositio Negativa Disjunctive æquivalcat aut Conditionalis: ut, *Brutum non est irrationale & agens liberum.* Huic æquivallet,

*Aut brutum non est irrationale, aut non est agens liberum.* Vel huic,

*Si brutum est irrationale, non est agens liberum.* V. de Resol. Hyp.

Hæc de Syllogismo propriè Composito.

Syllogismus impropriè Compositus est, qui virtualiter continet plures Syllogismos.

Dicitur Syllogismus Redundans; Etq; triplex PROSYLLOGISMUS, SORTES & DILEMMA, qui omnes ex Categoricalis & Hypotheticis coalescere possunt.

### De PROSYLLOGISMO.

I. PROSYLLOGISMUS est, in cujus alterâ Præmissâ continetur Propositio eam confirmans aut illustrans, (quæ specialiter dicitur Prosyllogismus;) & formatur in omnibus Modis cujusque Figuræ: ut,

Fig.

Figur. 1.

CE- Nullus injustus est amandus.  
 A- O. Tyrannus (cum sit crudelis) est  
 injustus. Ergo,  
 iEnt. Nullus Tyrannus est amandus,  
 Et resolvitur in duos Syllogismos, quo-  
 rum secundus erit *Prosyllogismus*, nempe  
 loco alterius, ad *Minorem* ejus confir-  
 mandam, substitutus: ut,  
 CE- Nullus injustus est amandus.  
 IA- Omnis Tyrannus est injustus. Ergo,  
 iEnt. Nullus Tyrannus est amandus.  
 Minor confirmatur hoc *Prosyllogismo*,  
 BAR- Omnis crudelis est injustus.  
 bA- Omnis Tyrannus est crudelis. Ergo,  
 iA- Omnis Tyrannus est injustus.  
 Possunt & sic disponi, ut *Conclusio* prioris  
 Syllogismi sit *Major* vel *Minor* posteri-  
 oris; ut,

Fig. 2.

SCAM O. planta (cum sit vivens) nutritur.  
 ES- Nalli lapides nutriuntur. Ergo,  
 CES. Nalli lapides sunt plantæ.  
 Resolvitur sic,

BAR- O. vivens nutritur.  
 bA- O. planta est vivens. g°,  
 iA- O. planta nutritur. Sed CAM-  
 N. lapides nutriuntur. g°, ES-  
 N. lapides sunt plantæ. iiES.

Fig. 3.

DA- O. homo est discipline capax.  
 AP- O. homo cū sit animal est vivens. g°,  
 ii. A. vivens est discipline capax.  
 Resolvitur sic,

BAR-



BAr- O animal est vivens.

bA- O homo est animal. Ergo,

rA- O homo est vivens. Sed rAP-

O homo est discipline capax. g<sup>o</sup>, DA-

A vivens est discipline capax. tI.

In horum primo Prolyllogismus (qui primum locum occupat) Majorem, in secundo Minorem probat; utpote cujus Conclusio in illo Major, in hoc fit Minor sequentis Syllogismi.

Ex quibus Exemplis constat, quod et si hujusmodi Syllogismi formentur in quavis Figurâ; eorum tamen Prosyllogismi, specialiter sic dicti, formari possunt tantum in primâ.

### De SORITE.

IL SORITES (Σορίτης) est quatuor plurimve propositionum continua series, in qua de precedentis prædicato semper novum prædicatum dicitur, donec tandem ultimum prædicatum de primo Subjecto prædicatur. (Dicitur Argumentatio à primo ad ultimum) ut,

O. (vel, A.) homo est animal.

O. animal est vivens.

O. vivens est corpus.

O. corpus est substantia. Ergo,

O. (vel A.) homo est substantia.

Sic in Conditionalibus: ut,

*Si Socrates est homo, est animal.*

*Si Socrates est animal, est vivens.*

*Si Socrates est vivens, est corpus, &c.*

Et in omnibus Syllogismorum generibus, tam Hypotheticis, quàm Modalibus & Exponitibus; exceptis solis Reduplicativis.

Vim suam habet Sorites in Terminis duntaxat necessario subordinatis, subordinatione sc. *Predicamentali* vel *Causali*, (ubi Causæ sunt per se;) cujus fundamentum est hoc AXIOMA.

Quicquid universaliter de predicato propositionis Affirmativa, etiam de subiecto ejus dicitur. Unde quicquid de *Animali*, dicitur etiam de *Homine*.

Et ad minimum constat ex 4 Propositionibus (omnibus Affirmativis Universalibusque exceptis primâ & ultimâ, quæ possunt esse Particulares aut Singulares: ) aliàs nudus esset Syllogismus ex transpositis præmissis (seu in Fig. 4. ut vocant) aut *Euthymema*. Unde implicite continet tot Syllogismos Affirmativos in Fig. 1. ( sc. in BARBARA, quando omnes Propositiones sunt Universales; secus in DARII,) quot sunt Propositiones inter primam & ultimam; in quibus quælibet erit *Major*, *Minor* autem in primo erit *prima* Propositionis; in reliquis vero præcedentis Syllogismi *Conclusio*; ut in Ex. all.

BARBARA vel DARIL.

Syllog.

1. *S*O. animal est vivens.  
*S*O. (vel *A*.) homo est animal. Ergo,  
*S*O. (vel *A*.) homo est vivens.  
*S*O. vivens est corpus.  
2. *S*O. (vel *A*.) homo est vivens. Ergo,  
*S*O. (vel *A*.) homo est corpus.  
*S*O. corpus est substantia.  
2. *S*O. (vel *A*.) homo est corpus. Ergo,  
*S*O. (vel *A*.) homo est substantia.

Hinc constat nullam in Sorite, præter primam & ultimam propositionem, posse esse Particularem aut Singularem; nullamque omnino Negativam; quia alias resolveretur in Syllogismum de Majore Particulari aut Minore Negativâ in Fig. 1. contra Regulas ejus speciales.

Nota tamen, quod ex Negativis tam Categoricalis, quàm Hypotheticis constare quandoque videtur: ut

Quod (vel, si) non est substantia, non est corpus.

Quod (vel, si) non est corpus, non est vivens.

Quod (vel, si) non est vivens, non est animal.

Quod (vel, si) non est animal, non est homo. Ergo,

Quod (vel, si) non est substantia, non est homo.

Quia sc. hujusmodi propositiones Negative in Categorias Infinitas resolvuntur: ut,

Non substantia est non corpus. &c.

## De DILEMMATE.

III. DILEMMA (*Διλήμμα*) est Syllogismus Dis-



Disjunctivus, omnes Minoris partes rationibus confirmans; adeoque adversarium undique petens & feriens: Hinc *Cornutus* dicitur; ut,

*Si dolor est formidandus, aut quia longus est, aut quia magnus.*

*Sed dolor longus est levis, & magnus est brevis. Ergo,*

*Dolor non est formidandus.*

*Dilemma* resolvitur in unum Syllogismum *Conditionali Disjunctivum* & remotione partium seu Consequentis, ad remotionem totius seu Antecedentis; & tot *Categoricos* (vel etiam *Conditionales*), quot sunt membra Disjunctionis vel partes remotæ, ex quibus singulis, cum suis *Prosyllogismis*, singuli fiunt Syllogismi, remotionem eandem confirmantes; ut,

*Si dolor est formidandus aut quia longus est, aut quia magnus.*

*Sed nec quia longus est, nec quia magnus. 2.<sup>o</sup> Non est formidandus.*

*Membra Minoris confirmantur:*

*1. Dolor levis non est formidandus.*

*2. Dolor longus est levis. Ergo,*

*Dolor longus non est formidandus.*

*3. Dolor brevis non est formidandus.*

*4. Dolor magnus est brevis. Ergo,*

*Dolor magnus non est formidandus.*

*Inefficax est Dilemma. 1. Cum Membra ejus non sunt immediate opposita.*

2. Cùm non sunt rationibus satis firmata, ut undique feriant. 3. Cùm retorqueri possit; ut in notissimo illo Protagora ab Evastho in ipsam retorto, apud Gell. l. 5. c. 10.

Atque hæcenus de *Argumentatione Formali*.

*Argumentatio Materialis* est, cùm in aliqua similis Formæ dari potest Antecedens verum, Consequente falso;

ut { *O. homo est sensitivus. Ergo,*  
 { *O. homo est animal. Cui similis est*  
 { *Omnis homo est sensitivus. Ergo,*  
 { *Omnis homo est brutum.*

In quâ Terminus, qui ponitur tantùm in Antecedente, dicitur *Inferens*; ut, *Sensitivus*; qui in Consequente, dicitur *Illatus*; ut, *Animal*; & qui in utroque (quod fit, quoties sunt tantùm tres Termini) vocatur *Communis*; ut, *Homo*. Estque hæc Argumentatio tum verà, cùm in nullâ similis Formæ & Materiæ (i. e. in qua Termini *Inferens* & *Illatus* sunt iidem, vel saltem eandem Inter se habent habitudinem) dari potest Antecedens verum, Consequente falso. Et talis dicitur *materialiter vera*, i. e. gratiâ Materiæ seu veritate Consequentis. Estque triplex, sc. ENTHYMEMA, INDUCTIO & EXEMPLUM.

## De ENTHYMEMATE.

I. ΕΝΘΥΜΗΜΑ ἔστι Συλλογισμὸς [ἀτελής] τῶν ἐκείνων

Arist. l.

2. pr. c.

27. §. 1,

2, 3.

ἢ ὁμοίων. ENTHYMEMA est Syllogis-

mus [imperfectus] ex verisimilibus aut

signis. Εἰς τὴν ὁμοίαν ἰσοῦται. Verissi-

mile est propositio probabilis. Συμπίπτει

ἐν τῇ ὁμοίᾳ ἀνδραγαθία ἢ ἀνωγαθία ἢ ἰσοῦται.

Signum est propositio apta ad proban-

dum, seu necessaria seu probabilis. Di-

citur Syllogismus Imperfectus, quia con-

sistat duobus tantum propositionibus; qua-

rum prior vocatur Antecedens, posterior

Consequens; & ejus Consequentia ex

priore dicitur Argumentum. Tertia ve-

ro Propositio (nempe altera Præmissarum)

vel reticetur, vel in Consequente contine-

tur. Unde duplex exurgit species En-

thymematis.

1. Quando altera præmissarum retice-

tur; quod dici potest Enthymema Ca-

gericum; ut,

1. { O. animal est substantia. Ergo,

2. { O. homo est substantia.

3. { O. avarus eger. Ergo,

4. { N. avarus est dives.

5. { Virtus efficit felices. Ergo,

6. { Vitium efficit miseros.

Utra verò præmissarum deest ex hac dig-

noscatur.

## REGULA.

Si



Si subjectum Consequentis ponatur in Antecedente, deest Major; si prædicatum, Minor: si neutrum, deest Major Hypothetica; quâ additâ perficietur Syllogismus. Sic

In Exemplo 1. additâ Minore: ut,  
BAR. O. animal est substantia.

bA. O. homo est animal. Ergo,

rA. O. homo est substantia.

In Exemp. 2. additâ Majore Categor. ut,  
CES. Nullus dives eget.

Ar. Omnis avarus eget. Ergo;

E. Nullus avarus est dives.

In Exemp. 3. additâ Majore Hypoth. ut,  
Si virtus efficit felices, vitium efficit miseros.

Sed virtus efficit felices. Ergo,

Vitium efficit miseros.

Quia & omnia hujusmodi Enthymemata reduci possunt ad perfectos Syllogismos, additâ etiam Majore Hypothetica; solum ultimum aliter reduci non potest: sicut nec quando Consequens Affirmativum ex Antecedente Negativo ejusdem prædicati infertur; ut,

Brutum non est rationale. Ergo,

Homo est rationalis.

Reducitur sic. (nalk; (vel,

Si brutum non est rationale, homo est ratio-  
Aut brutum aut homo est rationalis.)

Sed brutum non est rationale. Ergo,

Homo est rationalis.

Hinc liquet, ex omne genus Syllogismis; alterâ

tantum præmissâ (Major sc. in Hypo-  
theticis; alterutrâ verò in Categoricalis)  
truncatis, fieri Enthymemata; at ad  
quem Modum cujusque Figuræ illa  
reducenda sunt, ex prædictâ Regulâ con-  
stabit.

2. Quando altera præmissarum in Conse-  
quente (Hypotheticâ) continetur;  
(quod inde dici debet Enthymema Hy-  
potheticum) sc. vel

Minor; ut,

BAR- O. animal est vivens. Ergo,

bArA. Si o. homo est animal, o. homo est vivens.

CAM- O. vir prudens est probus. Ergo,

EStRES. Si nemo vitiiis deditus est probus, nemo  
vitiiis est prudens.

Major; ut,

lAP O. materia est substantia. Ergo,

FE ton. Si n. materia cogitat, A. substantia  
non cogitat.

lA O. forma bruti est materialis. Ergo,

CE rEnt. Si n. materiale cogitat, n. forma bru-  
ti cogitat.

Ex quibus simul constat, quod in omnibus  
Modis cujusvis figuræ Syllogismorum Ca-  
tegoricorum (quos adu in se continent) hu-  
jusmodi formari possunt Enthymemata.

Arist. l.

1. Top. c.

12. §. 4.

et l. 2.

pr. c. 23.

## De INDUCTIONE.

II. 'ΕΠΑΓΩΓΗ' ἔστιν ἀπὸ τῶν κατὰ μέρος ἐπὶ τὰ καθόλου  
ἰσχυρισμός. INDUCTIO est à singularibus

ad

ad universalia progressio. i. e. Argumentatio, in quâ Universale Distributum aut Totum inferitur ex omnibus minus communibus aut Partibus, Quæ vel expresse numerantur, & dicitur *Inductio Explicita*; vel numeratis aliquibus reliquæ adjectâ clausulâ, & sic de cæteris, vel aliâ consimili significatur, & *Implicita* vocatur. Fundamentum Inductionis est h. c.

## AXIOMA.

*Quod omnibus Inferioribus vel Partibus, illud Superiori vel Toti convenit aut non convenit; ut in Exemplis.*

1. Ex Individuis inferitur Species: ut, *Dionysius, Phalaris, Nero, Caligula, ceteriq; Tyranni malè perierunt. Ergo, Omnes Tyranni malè perierunt.*

2. Ex Speciebus inferitur Genus: ut, *Nec homo nec brutum est sensus expers. Ergo, Nullum animal est sensus expers.*

3. Ex Partibus inferitur Totum: ut, *Lxx Prophete, Evangelia, & scripta Apostolorum sunt Divina. Ergo, Tota Scriptura sacra est Divina.*

Ex quibus liquet Inductionem constare duabus propositionibus, sc. Antecedente & Consequente, sicut Enthymema; & similiter reduci ad perfectum Syllogismum vel Hypotheticum, additâ Majore Hypotheticâ, vel Categoricali Figura. 1. vel

3. (nunquam autem secundæ propter commune



munne predicatum) additâ Minore Categoricalâ: ut,

Exempl. 1: *Si Dionysius, Phalaris, Nero &c. malè perierunt, omnes Tyranni malè perierunt.*

*Sed Dionysius, Phalaris, Nero &c. malè perierunt.*

*Ergo, Omnes Tyranni malè perierunt.*

Exempl. 2. Fig. 1.

*Nec homo nec brutum est sensus expers.*

*Sed omne animal est homo aut brutum. 8º,*

*Nullum animal est sensus expers.*

Exempl. 3. Fig. 3.

*Lex, Propheta, Evangelia & Scripta Apostolorum sunt & c.*

*Sed Lex, Propheta, Evangelia & Scripta Apostolorum sunt tota Scriptura s. 2º,*

*Tota Scriptura sacra est & c.*

*Inductionis præcipuus usus est ad probandum prima & Universalissima Scientiarum Principia, quorum non dantur Causæ seu priora & notiora, per quæ possint demonstrari; adeoque cum veritas eorum in Singularium veritate fundetur, quàm adductis in medium Singularibus, melius probari non possunt. Et evertitur Inductio, cum datur Instantia in contrarium, seu Exceptio.*

## De EXEMPLO.

III. ΠΑΡΑΔΕΙΓΜΑ' ἱσχύ, ὅτι τὸ μὲν τὸ ἀγαθὸν καὶ τὸ κακόν

καὶ ἀλλήλων διὰ τὸ ἴσους τὸ τρίτον. EXEM-

PLUM est, cū Extremum Medio

inse ostenditur per simile tertio. i. e.

est ab uno vel quibusdam Singularibus

propter aliquam Similitudinem pro-

gressio. Unde

Exemplum aliud est *unius*, aliud *plurium*  
*Singularium*; nullum verò *omnium*. Et  
fundatur hac

## REGULA.

*Similibus eadem aut Similia conveniunt: ut*

1. *Bellum Thebanorum contra Phocenses finitimos fuit malum. Ergo,*

*Bellum Atheniensium contra Megareses finitimos fuit malum.*

2. *David, Petrus & sur pœnitentes misericordiam impetrarunt. Ergo,*

*Nos pœnitentes misericordiam impetrabimus.*

Hinc patet Exemplum constare duabus propositionibus, sc. Antecedente & Consequente, sicut Enthymema; & eodem modo reduci ad perfectum Syllogismum, vel Hypotheticum, additâ Majore Hypotheticâ; vel Categoricalum, Figuræ 1. vel 3. (nunquam secundæ, ut de Inductione dictum est) additâ Minore Categoricalâ similitudinem exprimente: ut,

Arist. I. 2  
pr. c. 24.

Exemp. 1.

Si bellum Thebanorum contra Phocenses finitimos fuit malum, tum bellum Atheniensium contra Megareses finitimos fuit malum.

Sed bellum Thebanorum contra Phocenses finitimos fuit malum. Ergo, bellum Atheniensium contra Megareses finitimos fuit malum.

Exemp. 2. Fig. 1.

David, Petrus & fur pœnitentes misericordiam impetrârunt.

Sed nos, pœnitentes similes sumus Davidi, Petro & furi pœnitentibus. Ergo, Nos pœnitentes misericordiam impetrebimus.

Exemp. 1. Fig. 3.

Bellum Thebanorum contra Phocenses finitimos fuit malum.

Sed bellum Thebanorum contra Phocenses finitimos est simile bello Atheniensium contra Megareses finitimos. Ergo,

Bellum Atheniensium contra Megareses finitimos fuit malum.

Exemplum facillimè evenitur ostensâ Dissimilitudinis ratione. Ideoque illustrat magis quàm probat; nam suadet, non cogit: nec tam Logicis proinde, quàm Rhetoribus aptum est.

Hæcque de Argumentatione Absolutè consideratâ.

Argumentatio bona Ad certam materiam restricta est duplex, pro duplici materia, circa quam versatur; sc.

1. De-



1. Demonstratio, quæ versatur circa materiam necessariam; &
2. Dialecticus seu Topicus Syllogismus, qui circa probabilem. Quarum 1<sup>a</sup>. parit Scientiam; 2<sup>a</sup>. Opinionem.

De DEMONSTRATIONE.

ἡ ἀποδείξις ἐστὶν συλλογισμὸς ἐπιστημονικὸς. DE- Arist. l. i.  
MONSTRATIO est Syllogismus sci- post c. 3.  
entiam pariens.

Scientia verò est duplex, Quod sit, &  
Quid sit.

Scientia Quod sit est quævis certa & cvi- Ibid. c.  
dens rei cognitio, non per Causam pro- 14.  
ximam comparata.

Scientia Quid sit est cognitio rei per Cau-  
sam proximam; quæ sola est propriè dicta  
Scientia, & ab Arist: sic definitur.

Ἐπιστάμεθα ἰδιόμοδα ἕκαστον αἰσλῶς, ὅταν τὸ αἰσλῶ  
αὐτολόμοδα γενώμεθα, δι' ὃ τὸ αἰσλῶμα ἐστὶν, ὅτι Ibid. c. 3.  
ἡ αἰσλῶμα αἰσλῶμα ἐστὶν, ὃ μὴ ἰδιόμοδα τὸ αἰσλῶμα ἐστὶν.

Scire putamus unamquamque rem simpli-  
citer, cùm putamus Causam cognoscere,  
propter quam res est, quod illius rei causa  
est, nec posse rem aliter se habere. Hinc  
oritur duplex scientiæ Certitudo, altera  
Objecti seu Scibili, quando res per pro-  
ximam Causam cognoscitur; altera  
Subiecti seu Scientis, quando Sciens cer-  
tus est rem non posse aliter se habere,  
quia scit se per Causam proximam il-

Iam cognoscere. Per illam *Scientia* distinguitur ab *Errore*; per hanc etiam ab *Opinione*, quæ includit formidinem Oppositi.

Propter duplicem hanc *Scientiam* duplex datur *Demonstratio*, sc.

*τὸ ὄτι*, quæ parit *Scientiam* *Quod sit*, si-  
ve quæ solum probat rem esse aut non  
esse. Et

*τὸ διότι*, quæ parit *Scientiam* *Quid sit*,  
si-ve quæ reddit *Causam*, cur res sit aut  
non sit; & ab *Arist.* sic definitur.

*Ἀπόδειξις ἐστὶν λόγος ἀποδείκνυς ὅτι ἢ διότι  
ἡ πρότερον ἢ ἀμφοτέρωθεν γινώσκουσιν καὶ ἀποδεί-  
κνυσιν καὶ ἀπὸ τῶν κοινωτέρων.* *Demon-*

*Ibid. c. 3*

*stratio est Syllogismus* *Scientiam* pariens ex  
veris & primis & immediatis & notiori-  
bus & prioribus & causis *Conclusionis*.  
Cujus considerandi sunt *Termini* & *Pro-*  
*positiones*.

*Termini* *Demonstrationis* sunt tres; *Ma-*  
*ior*, qui est *Affectio* vel *propria Passio*;  
*Minor*, qui est *Subiectum* istius *Affecti-*  
*onis*; & *Medius*, qui est *Principium* vel  
*Causa* ejus.

*Propositiones* ejus sunt *Conclusio*, in qua  
*Affectio* de *Subiecto* ejus prædicatur;  
& *Premisse*, quarum in hac *Definitione*  
ponuntur 5 *Conditiones*, sc. 2 *Absolute*  
& 3 *Relate*.

1. De *Conditionibus Absolute*.

*Conditiones Absolute* sunt, quæ præmis-  
sis

sis in se consideratis conveniunt; suntq;  
*Necessitas & Immedietas.*

- I. *Necessitas* est prædicati cum Subjecto indissolubilis nexus, quo propositiones ita sunt veræ, ut nunquam possint esse falsæ. Cujus 3 sunt Gradus, sc. *De omni, Per se, & Quatenus ipsum.*

I. ΚΑΤΑ ΠΑΝΤΟΣ ὅτι ἄνθρωπος ἐστὶ ζῷον, ὃ ἀντὶ τοῦ ὅτι ἅπαντες οἱ ἄνθρωποι ἐστὶν ζῷον, καὶ οὐκ ἔστιν ἄλλο ὅτι ἄνθρωπος ἐστὶν ζῷον.

DE OMNI dico, quod non est. in aliquo quidem, in aliquo verò non: neque aliquando quidem, aliquando verò non. i. e. Propositione *de omni* est, cujus prædicatum omni Subjecto semper convenit: ut, *Omnis homo est animal.*

Dicitur *de Omni Posterioristicum*, ad quod Universalitas Subjecti & temporis requiritur. Nam Universalitas Subjecti tantum facit *de Omni Prioristicum*, quod absolutè vocatur Propositione Universalis: ut, *Omnis arbor virescit.* Prioris Universalitas ex naturali habitudine prædicati ad Subjectum; posterioris ex signo Universalis attenditur.

Nota, Propositiones *Universales Negativas* huc reduci; quia sunt semper (& proinde necessariò) *veræ*, ac Universalibus Affirmativis Infinitis ex parte Prædicati æquipollentes: ut, *Nullus homo est lapis*; huic, *Omnis homo est non lapis* æquipollet.

2. ΚΑΘ' ΑΥΤΟ. PER SE est, cum inter Ibid. Subje-



Subjectum & Prædicatum est nexus  
Essentialis: Hujus 4 sunt Modi; qui-  
bus opponuntur 3 Modi dicendi *Per*  
*Accidens*.

Mod. 1. Καθ' αὐτὰ δ' ὅτε ἐκείνη ἐκ τῆς οὐσίας.  
*Per se sunt*, quæcunque insunt in eo,  
quod quid est. i. e. quando Prædicatum  
est de Definitione Subjecti; nempe *Ge-  
nus* ejus, aut *Differentia* (sive *Proxima*  
ea sint, sive *Remota*) aut integra *Defi-  
nitio*: ut, *Homo est animal*; *est rationa-  
lis*, &c.

Mod. 2. Καθ' αὐτὰ ὅτι, ὅτε ἐκείνη ἐκ τῆς οὐσίας.  
*Per se sunt*, quæcunque respectu  
attributorum suorum insunt in oratio-  
ne declarante quid sint. i. e. quando  
Subjectum est de Definitione Prædica-  
ti; quod fit quoties *Proprium* (*Generi-  
cum* aut *Speciflcum*) de Specie prædica-  
tur: ut, *Homo est risibilis*; *est mobilis*, &c.  
His duobus Modis dicendi *Per se* oppo-  
nitur.

Primus Modus dicendi *Per Accidens*,  
quando neuter Terminorum est de  
Definitione alterius; quod fit, quoties  
*Accidens commune* de Subjecto suo præ-  
dicatur; aut contra: ut, *Americani*  
*sunt nudi*.

Mod. 3. Καθ' αὐτὰ ὅτι, ὅτε ἐκείνη ἐκ τῆς οὐσίας.  
*Per se est*, quod non  
de Subjecto alio quopiam dicitur. i. e.  
quando

quando Existencia prædicatur de Substantia : ut, *Homo est*. (Hujusmodi dicuntur Propositiones *Secundi Adjaacentis*, suntque prorsus indignæ, quæ inter *Modos per se* numerentur; cùm non sint necessariæ, quia Existencia nulli Enti creato necessariò convenit : ideoque ad Demonstrationem sunt inutiles, in qua probatur *Accidens proprium*, non Existentiã, convenire Subjecto. Huic opponitur,

*Secundus Modus dicendi per Accidens*, cùm Existencia de Accidente prædicatur : ut, *Albedo est*.

Mod. 4. *Τὸ δι' αὐτὸ ἐν αὐτῷ ἔστιν, καὶ αὐτῷ.*

*Per se est, quod inest alicui propter se.*

i. e. quando Causa Externa (*Efficiens* aut *Finis*) prædicatur de Effectu suo, aut contra : ut, *Superbi sunt ignari.*

*Respiratio est ob refrigerium cordis.* Ei opponitur,

*Tertius Modus dicendi per Accidens*, cùm Causa fortuita aut valdè remota prædicatur de Effectu; aut contra : ut, *Hostem petens occidit amicum.*

*Nota omnes Modos dicendi per Accidens à Demonstratione prorsus excludi; quia non faciunt Propositiones Necessarias, ex quibus solis constat Demonstratio.*

3. *ΚΑΘΟΛΟΥ ΠΡΩΤΟΝ ἔστιν, ὃ αὖ κατὰ αὐτὸς τὸ*

*ἐν αὐτῷ, καὶ κατὰ αὐτὸς, καὶ ἡ αὐτὸς.* UNIVER-

SALE PRIMUM est, quod & omni in-

est,

est, & per se, & quatenus ipsum, i. e. quando inter Prædicatum & Subiectum est nexus reciprocus: ut, *Omnis homo est risibilis. (Omne risibile est homo.)* Hoc fit quoties prædicatum primo suo Subiecto tribuitur, cui convenit, quæ tale est, seu cum Reduplicatione, (hæc cum prædicatur *Proprium, Differentia vel Proxima Causa:*) ut, *Homo, quæ homo, est risibilis.* Hinc dicitur *Universale primum* seu *Quatenus ipsum.*

Horum Graduum posterior semper includit priorem, eoque perfectior est. Nam Primus solum *Universalitatem Subiecti & Temporis* denotat. Secundus addit *Nexum Essentialem.* Tertius *Reciprocationem.*

In Demonstratione oportet, ut omnes Propositiones sint *De Omni.*

II. *Immedietas* est, quando inter Subiectum & Prædicatum nullum intercedit Medium. Estq; duplex pro duplici Medio; sc.

1. *Immedietas Subiecti*, quando nullum intercedit Subiectum, cui Prædicatum prius inest; quod fit in omni propositione *Universali primo*: ut, *Homo est risibilis.*

2. *Immedietas Cause*, quando nulla intercedit Causa, propter quam prædicatum inest Subiecto; quod fit in propositionibus *primo & per se notis*: ut, *Totum est*



est majus sua parte. Homo est rationalis.

Propositiones ergo sunt *primæ & immediatæ*, quarum non datur Medium, aut *inessendi* Prædicati in Subjecto, aut *demonstrandi* Prædicati de Subjecto: quæ ultimæ hinc dicuntur *Indemonstrabiles & PRINCIPIA*. Eaque sunt vel *Essendi* vel *Cognoscendi*.

**PRINCIPIA ESSENDI** sunt, quæ dant esse rei; ut, *Materia & Forma Syllogismi* (sc. *Propositiones, & Figura ac Modus*) quæ illum faciunt esse Syllogismum.

**PRINCIPIA COGNOSCENDI** sunt, quæ ad cognitionem rei conducunt, (& hujusmodi sunt omnia Principia *Essendi*; non contra) suntque *Communia* vel *Propria*.

Principia *Communia* sunt, quæ pluribus Scientiis accomodari possunt: ut, *Idem non potest simul esse & non esse*.

Principia *Propria* (ἰδια τῷ δεικνύμενῳ) sunt, quæ ad unam duntaxat Scientiam spectant: ut, *A quolibet puncto ad quodlibet rectam lineam duci posse*, ad Geometriam; *Ex nihilo nihil fit*, ad Physicam; *Contraria contrariis sanantur*, ad Medicinam; &c.

His tantum Principiis licet uti in Demonstrationibus, non *Communibus* aut *Alienis*, dicente Arist. *ἐκ τῶν κοινῶν καὶ ξένων οὐκ ἐστὶν ἀποδεικνύειν* L. 1. *περὶ ἀριθμῶν* c. 8. Non licet ex alio genere c. 8. *transcuntem demonstrare*. i. e. non licet

Conclusiones unius Scientiæ per Principia alterius demonstrare: ut, *Conclusiones Physicæ* per *Principia Mathematica*, &c. Quia quævis Scientia suis limitibus conclusa habet *Subiectum*, *Affectiones* & *Principia* sibi *propria*; adeo ut qui unum illorum aliunde accersit, eâdem terè operâ trahat omnia, & confusa reddat Scientiarum *Subiecta*. Ideo de nonstrandum est: *ἡ ἀπόδειξις, ὅτι ἡ ἀλήθεια*. Ex uniuscujusque *Principiis*, quatenus tale est. i. e. ex *Principiis Propriis*, quæ sunt *Axiomata* vel *Theses*.

*Ibid. c.*  
10.

**AXIOMATA** (*Ἀξιόματα*, i. e. *Dignitates*) sunt *Principia*, quorum veritas, cognitâ significatione vocabulorum, à nemine ignorari potest: ut, *Quæ conveniunt in eodem tertio, conveniunt inter se*.

**THESES** sunt *Principia*, quorum veritas ex sensuum iudicio vel aliquali declaratione innotescit. Suntque *Hypotheses* vel *Definitiones*.

**HYPOTHESIS** est, quâ, an res sit aut non sit, enunciamus: ut, *Esse hominem*; *Esse Deum*; *A quovis puncto ad quodvis punctum rectam lineam duci posse*; &c. Quædam ex his dicuntur *Ἀξιόματα* **POSTULATA**.

**DEFINITIO** est, quâ, quid res sit, enunciamus: ut, *Homo est animal rationale*.

In *Demonstratione Major* *Propositio* utroque modo *Immediata* (vel quasi *immediata*)

diata) esse debet : ut verò Minor sit talis, non est necesse.

Hæc de Conditionibus *Absolutis*.

2. De Conditionibus *Relatis*.

Conditiones *Relate* sunt, quæ Præmissis, quatenus Conclusioni comparatis, conveniunt. Suntq; tres, *Prioritas*, *Notioritas* & *Causalitas*. Præmissæ enim debent esse *Priores*, *Notiores* & *Cause* Conclusionis.

I. *Priores*; non tempore (quia simul veræ sunt Præmissæ & Conclusio) sed *naturâ*. Nam Conclusio est vera propter Præmissas; non contra. Hinc dicuntur **PRINCIPIA ESSENDI** Conclusionis.

II. *Notiores*, sc. *Naturâ*, & etiam *nobis* cognitione distinctâ : quia ignotum per notius semper demonstratur; non contra. Hinc dicuntur **PRINCIPIA COGNOSCENDI** Conclusionem.

Quocirca cum omnis *Cognitio* *Dianoëtica* : Arist. I. *μεγιστήν* : *πότερ* : *πότερ* : *ex* *πρæ* *existenti* I. post e. fiat *Cognitione*, nec esse est, ut aliqua datur **PRÆCOGNITA** Demonstrationis; quæ sunt tria, sc. *Subjctum*, *Passio* & *Dignitas*. Modi autem illa præcognoscendi dicuntur **PRÆCOGNITIONES**; quæ sunt duæ, *An sit*, & *Quid sit*.

Pro quibus notandum est, quòd 4 *Quæ* *stiones* in rerum cognoscendarum disquisitione institui possint; sc. *Et* *est*; *et* *est*; *Quid* *est*; *Quid* *est*; *An sit*? *Quid*



*Quid sit? Quid sit; & Propter quid sit?*  
quæ dicuntur *Quæstiones Scibiles*.

**AN SIT?** quærit *existens* sive *Existentiam*  
Subjecti vel Prædicati Quæstionis: ut,  
*An sit homo? An sit risibile?*

**QUID SIT?** duplex est, Nominis vel  
Rei, *Quid Nominis* (τὸ τί λεγόμενον)  
quærit significationem vocis: ut, *Quid*  
*homo; Quid risibile significat? Quid*  
*Rei* quærit naturam seu Definitionem  
rei per vocem significatæ: ut, *Quid est*  
*homo?*

Hæ duæ vocantur *Quæstiones Simples*,  
quia de Terminis simplicibus (*Substan-*  
*tia vel Accidente*) quærent; ac proin-  
de debent ante Demonstrationem cog-  
nosci (unde PRÆCOGNITIONES ap-  
pellantur;) non sciri per Demonstra-  
tionem. Nam Quæstio Demonstrationis  
est Quæstio Conclusionis; ideoque  
*Complexa*.

**QUOD SIT, sive UTRUM SIT?** quæ-  
rit connexionem Prædicari propositio-  
nis cum Subjecto, sive, An Prædicatum  
insit Subjecto: ut, *Utrum homo sit risi-*  
*bilis?*

**CUR SIT, sive PROPTER QUID SIT?**  
quærit Causam connexionis Prædicati  
cū Subjecto, sive, Propter quam Causam  
Prædicatum Subjecto attribuitur: ut,  
*Cur homo est risibilis?*

Hæ duæ vocantur *Quæstiones Complexæ*,  
quia

quia de Integris Propositionibus quæ-  
runt; & versantur circa sola *Acciden-*  
*tia, An & Cur* insint Subjectis suis in-  
quirendo. Proinde de *Accidentibus*  
(iisque *Propriis*, certam inhærendi Cau-  
sam habentibus) solum procedit De-  
monstratio; quæ aut quæstioni *Quod*  
*sit* solvendæ inservit, qualis est *Demon-*  
*stratio* ista; aut quæstioni *Propter quid*  
*sit*? cuiusmodi est *Demonstratio* ista.

*Hærum 4. Quæstionum* tertia se habet ad  
quartam, ut prima ad secundam. Tunc  
enim querimus Quid sint in *Simplicibus*  
*Terminis*, cum novimus An sint: Et tum  
querimus Cur sint in *Propositionibus*, cum  
novimus Quod sint.

**Hls notis,**

1. De *Subiecto* *Quæstionis* præcognoscendum est, *An sit?* (quia ex *istis* *rebus* *quæ* *non* *est*, sciri non potest) & *Quid sit?* non *Nominis* solum, sed & *Rei*, saltem *confuse*. Nam de re planè ignora nullæ *Affectiões* demonstrari possunt. Præcognitio *An sit*, dicitur **HYPOTHESIS**; *Quid sit*, **DEFINITIO**.
2. De *Passione* seu *Affectiõe* solum præcognoscendum est, *Quid nomen significet*. Nam *An sit* & *Quid res sit*, sunt quæ sita *Demonstratione* probanda.
3. De *Dignitate* (quæ semper est *Major* *Propositio* *Demonstrationis*) præcognoscendum

noscendum est, *Quid sit*, i. e. quod sit vera; alias nullam dabit Scientiam Conclusionis. *Quid sit* verò, cum Incomplexis tantum conveniat, de Dignitate præcognosci non potest.

III. Præmissæ debent esse *Causæ* Conclusionis, non solum *Inferendi*, aut *Cognoscendi* (quod fit in quovis Syllogismo) sed etiam *Essendi*, quatenus Medium, quod est in Præmissis, est Causa Affectionis, quæ est in Conclusionem. Causa, non *Interna* (quæ inepta est Demonstrationi, quæ talis; quia Passio, cum sit Accidens, nullam *Materiam* aut *Formam* habet) sed *Externa*, sc. *Efficiens* vel *Finis*: Quarum *Finis* adhibetur in iis, quæ fiunt ob aliud; ut in *Mediis* & *Instrumentis*; item in *Actionibus* & *Habitibus*, tam *Artibus* quam *Prudentiis*. In reliquis, nempe in *Disciplinis Theoreticis*, adhibetur Causa *Efficiens*; quæ est *Remota* vel *Proxima*.

Causa *Efficiens Remota* est, quæ effectum mediante alio Effectu producit. Estque vel *Reciproca*, quæ positâ ponitur Effectus, & sublatâ tollitur; ut, *Anima corpori unita* est causa *Nutritionis*, mediante Facultate Nutritivâ: Vel *Non Reciproca*; ut, *Anima humana corpori unita* est causa *deambulationis*, mediante Facultate Locomotivâ.

Causa *Efficiens Proxima* est, quæ Effectum  
nul-



nullo mediante alio producit : ut, *Facultas Locomotiva* deambulationem, Est-que vel *Intrinsæca*, quæ Subjecto Effectûs inest ; ut, *Rationalitas* est causa *Resibilitatis*, & Homini inest ; (atque hæc Causa aliquando est *Forma*, aliquando *Materia* Subjecti ; Demonstrationem verò Ingreditur solum ut est *Efficiens* Passionis : ) vel est *Extrinsæca*, quæ Subjecto Effectûs non inest : ut, *Interpositio terræ* est causa *Eclipsis* Lunæ. Itaque,

**Demonstratio** τῆς αἰοτῆς est, in qua Effectus vel passio probatur inesse aut non inesse Subjecto, per *Causam* ejus *Proximam* *Efficientem* aut *Finalem*. (Dicitur *Demonstratio à Priori* ; Cujus Fundamentum sunt hæc

### AXIOMATA.

*Positâ Causâ Proximâ ponitur Effectus ; & Sublatâ tollitur.* Item,

*Qui vult Finem, vult Media ad Finem.* ) ut,

1. Per Causam Efficientem Intrins. ut,  
*O. rationale est rapax discipline*  
*O. homo est rationalis. Ergo,*  
*O. homo est rapax discipline.*
2. Per Causam Efficientem Extrins. ut,  
*O. quantum est in loco.*  
*O. corpus est quantum. Ergo,*  
*O. Corpus est in loco.*

3. Per Causam Finale[m] : ut,  
*Quod felicitati maximè conducit, est  
 amplectendum.*

*Pietas felicitati maximè conducit. go,  
 Pietas est amplectenda.*

Ex his, Demonstratio illa, in qua Medium Terminus ita est causa *Intrinseca* Passionis, ut sit *Forma Subiecti* (vel *Essentialis ejus Definitio*) dicitur *POTISSIMA* ; quia omnes *Necessitates* & *Immedietas* gradus in ea perfecte reperiuntur : adeo ut omnes Propositiones sint *De Omni, Per se, & Quatenus ipsum* ; atque Præmissæ utroque modo *Immedietate*, & Conclusio etiam *Immedietate Subiecti*, sed non *Causa*, quia demonstranda est per Medium seu Causam.

Unde semper est in *BARBARA* : ut,

*BAR-O, rationale est risibile.*

*ba. O. homo est rationalis. Ergo,*

*ra. O. homo est risibilis.*

Demonstratio *tertiæ* *ORI* est, in qua Prædicatum Conclusionis probatur Inesse vel non Inesse Subiecto per *Effectum* suum proximum aut *Causam Remotam*. Itaq; est duplex.

1. Cum *Causa* demonstratur Inesse vel non Inesse Subiecto per *Effectum* suum proximum. (Vocatur Demonstratio ab *Effectu*, aut *Signo*, vel etiam à *Posteriori* ; & indifferenter esse potest *Affirmativa* vel *Negativa*, quia *Effectus* proximus  
 &

& Causa reciprocantur, adeo ut  
Posito Effectu ponitur Causa, & sublato  
 tollitur.) ut,

Affir. { Quod per alimentum intus sumptum  
nutritur, vivit.  
Planta per alimentum intus sump-  
tum nutriuntur. Ergo,  
Planta vivunt.

Neg. { Quid per alimentum intus sumptum  
non nutritur, non vivit.  
Lapides per alimentum intus sump-  
tum non nutriuntur. Ergo,  
Lapides non vivunt.

2. Cum Effectus demonstratur inesse aut  
non inesse Subjecto per Causam Re-  
motam. Dicitur Demonstratio à Cau-  
sâ Remotâ; estq; ferè Negativa Fig. 2.  
in CAMEStrES; quia

Sublatâ Causâ Remotâ tollitur Effectus:  
at eâ positâ non necessario ponitur; (nisi  
sit Causa Reciproca, tuncque fieri po-  
test Demonstratio Affirmativa) ut,

CAM- O. quod respirat, est animal.

ES- N. planta est animal, Ergo,

trES. N. planta respirat.

Praeterea Demonstratio dividitur, non  
tantum in Affirmativam & Negati-  
vam; sed etiam in Universalem & Par-  
ticularem; item in Ostensivam & Ducen-  
tem ad Impossibile.

Demonstratio Universalis est, in qua Affe-  
ctio demonstratur inesse Subjecto suo  
primo



primo & immediato; adeoque universum de eo dicitur: ut,

*O. quod habet in se principium motus, est mobile.*

*O. corpus naturale habet in se principium motus, Ergo,*

*O corpus naturale est mobile.*

**Demonstratio Particularis** est, in qua Affectio demonstratur inesse Subjecto non primo & immediato, sed ejus parti (ut Speciei, si Subjectum ejus primum est Genus, &c.) unde de eo dicitur in parte: ut,

*O. quod habet in se principium motus, est mobile.*

*O. animal habet in se principium motus. Ergo,*

*O. animal est mobile.*

Hic Syllogismus est quidem universalis prioristice; at non posterioristice, sed est Demonstratio Particularis; quia Affectio, sc. Mobilitas, non competit Animal, ut primo Subjecto (non enim animal, quia Animal, sed quia Corpus, movetur,) adeoque nec de universo primo Subjecto, sed tantum de parte ejus demonstratur.

**Hæc Demonstratio Universalis Particulari, & Affirmativa Negativa nobilior est, cæteris paribus.** At quavis Demonstratio ubi dicitur, licet Particularis aut Negativa, quavis ubi dicitur, nisi Universalis aut Affirmativa, simpliciter prior est & nobilior.

Demonstratio *Ostensiva* est, quæ directè probat prædicatum inesse aut non inesse Subjecto. De qua hæcenus.

Demonstratio *Ducens ad Absurdum* seu *Impossibile* est, quæ indirectè probat prædicatum inesse aut non inesse Subjecto, quia sc. aliàs *Absurdum* aliquod aut *Impossibile* sequetur: ut, Euclid. Elem. 1.3. prop. 6. demonstrat duos Circulos ADC.

ADB. interiùs se tangentes in D. non habere idem Centrum A. quia aliàs (cùm  $AB=AD=AO$ . per Def. Circul.) Pars AB esset equalis Toti AC. Quod est Absurdum.



Hæc est Demonstrationum Imperfectissima; utilis tamen, & ad quasdam res demonstrandas omnino necessaria; quoniam aliter non possunt (aut saltem non tam commodè possunt) demonstrari: ut in rebus Mathematicis patet.

### De Demonstrationis POTENTIIS seu Affectionibus.

Demonstrationum rite formatarum tres sunt POTENTIÆ seu Affectiones, sc. *Analysis*, *Regressus* & *Conversio in Definitionem*.

1. *Analysis* est resolutio effectûs in Causas suas primas (*Efficientes* aut *Finales*) ad pariendum perfectam ejus Scientiam.

Cùm

Cum enim sit quædam series & Subordinatio *Causarum & Effectuum*; si posterior Effectus per priorem, tanquam per Causam, demonstraretur, mens in eo non acquiescet; sed Causam ejus inquireret, atque ulterius hujus Causam, & sic deinceps, donec tandem ad Primam (quæ, si sit Intrinseca est *Forma Subjecti*) perveniat; in quâ solâ, quia non datur prior, mens tandem quietatur. Sic demonstramus, *Omne vivens augeri*, quia nutritur; nutriti, quia habet *Facultatem Nutritivam*; habere *Facultatem Nutritivam*, quia habet *Animam*. Hic autem sistitur, quia *Anima est prima Causa Facultatum*.

Consimili modo fit *Analysis* in Causis Finalibus & Mediis, donec ad ultimum Finem, in quo solo sistendum est, perveniat: ut, *Res adversas forti animo fert aliquis*, ut Fortiter agat; Fortiter agit, ut Virtutem colat; Virtutem colit, ut Felicitate fruatur; in qua Mens quietatur, & sistitur *Analysis*.

2. Regressus est reciproca Demonstratio Effectus per Causam, quæ per ipsum prius demonstrabatur. Nam postquam Progrediendo per Effectum consuesse cognitum demonstravimus de Causa, Quod sit; Intellectus de eâ variè discurrens (ex Sensu, Simili, Contrario, Concomitante, &c.) tandem perfectam



Eam ejus Cognitionem acquirit ( per quam scit illam ejus Causam esse; cum antea poterat tantum novisse, quod sit ei necessarium connexum. Nam multa sunt necessarium connexa, quorum neutrum est Causa alterius: ut, Calor & Lux in igne, &c.) quâ Cognitione habitâ, iterum Regredimur per eandem Causam, jam distinctè cognitam, ad demonstrandum de Effectu, Propter quid fit; quod fit convertendo Majorem, ac Minorem & Conclusionem transponendo: ut,

Progressus.

*Stelle, quæ non scintillant, sunt prope.*

*Planete non scintillant. Ergo,*

*Planete sunt prope.*

Regressus.

*Stelle, quæ sunt prope, non scintillant.*

*Planete sunt prope. Ergo,*

*Planete non scintillant.*

Itaque

Progressus fit per Demonstrationem tunc oritur, quæ Confusam Cognitionem Cause per Effectum parit: Regressus vero per Demonstrationem tunc dicitur, quæ distinctam Cognitionem Effectus per Causam producit. In quo Regressus differt à Circulo, cujus utraque Demonstratio reciproca debet esse Propter quid; quæ, ut Impossibilis, merito rejicitur ab Arist. (V. Schema Regressus.) Nam hoc posito, idem esset prius & posterius, notius & ignotius eodem, respectu ejusdem;

Anal.

post. l. I.

c. 4.

imo

imo seipso. Eset enim *Causa sue Cause*, & tamen *Effectus sui Effecti*; quia utraque Demonstratio esset à *Priori*.

*Regressus* maximum habet usum in *Physicâ*, in quâ ex *sensibilibus Effectibus* crui-mus aliqualem *Cognitionem Cause* ignotæ: unde iterum *Regredimur* ad distinctam & *Scientificam Effectus* cognitionem.

3. *Conversio Demonstrationis in Definitionem* est, quâ ex *Terminis Demonstrationis* transpositis fit *Accidentis Proprii* *Definitio*; quæ est *Partialis* vel *Totalis*.

*Definitio Partialis* vel solo genere & *Sub-jecto* constat: ut, *Eclipsis est defectus luminis in Lunâ*. Vel solâ *Causâ*: ut, *Eclipsis est interpositio terre*. Prior dicitur *Nominalis* (ut *Causali*, non ut *Reali* opponitur; ) posterior *Causalis*.

*Definitio Totalis* est, quæ ex *Genere*, *Sub-jecto* & *Causâ* proximâ constat; adeoque *Nominalem* & *Causalem* complectitur: ut, *Eclipsis est defectus luminis in Lunâ ob interpositionem Terre*.

*Huius Definitionum Nominalis* est *Conclusio* (solum loco *Nominis* *Genus* ejus ponatur; ) *Causalis* est *Medium Demonstrationis*; & *Totalis* est *integra Demonstratio*, solo *Terminorum* situ ab ea differens. *Definitum* enim est *Majus Extremum*, *Subiectum Minus*, & *Causa Medium*: ut,

*Inter*

Inter quod & Solem terra interponitur,  
 illud Eclipsin patitur (deficit lumine.)  
 Sed inter Lunam & Solem Terra inter-  
 ponitur. Ergo,  
 Luna Eclipsin patitur (deficit lumine.)  
 Atque hæc de Demonstratione.

De SYLLOGISMO DIALECTICO  
 seu TOPICO.

ΔΙΑΛΕΚΤΙΚΟΣ Συνορισμός ἐστιν, ὃ ἐξ ἀδύνατον Συμμ. Arist.

γινώσκ. DIALECTICUS seu TOPI- Top. I. I.  
 CUS Syllogismus est, qui ex probabili- c. I. S. 5.  
 bus concludit. i. e. cujus Præmissæ sunt  
 tantum probabiles: ut,

Omnis Mater diligit Filium.

Hæc est Mater. Ergo,

Hæc diligit Filium.

Ibid.

ἘΝΔΟΞΑ δ' ἐστὶν, τὰ δοκῶντα ἀληθεῖς, ἢ τοῖς πολλοῖς,  
 ἢ τοῖς ἑκαστοῖς, ἢ τῷ πάντι, ἢ τοῖς ἀρχαίοις, ἢ  
 τοῖς νεώτεροις, ἢ τοῖς μάλα γνωστοῖς, ἢ ἰσχυροῖς.

S. 7.

PROBABILIA sunt, quæ videntur om-  
 bus aut plerisque aut sapientibus; atq;  
 his, vel omnibus, vel plerisque, vel ce-  
 leberrimis. Hæc ex Locis eruenda  
 sunt.

LOCUS est sedes Argumenti. Estque  
 Maxima vel Differentia Maxime.

MAXIMA (seu AXIOMA) est Propositio  
 generalis per se nota, fidem aliis sub-  
 ministrans: ut, Cai Definitio, ei Defi-  
 nitum convenit.

DIF-



**DIFFERENTIA MAXIMÆ** est Locus continens plures *Maximas* : ut, Locus à *Definitione, Genere, &c.*

In his sæpiſſimè agitur de *Argumentatione Materiali*. Atque ab illis argumentamur 2. Modis, ſc. *Affirmativè*, cùm Antecedens eſt Affirmativum ; & *Negativè*, cùm eſt Negativum ; & utroque modo tripliciter,

1. Ex parte *Subjecti*, cùm Terminus *Inferens* eſt Subjectum : ut,

*Omnis homo eſt riſibilis. Ergo, Petrus eſt riſibilis.*

2. Ex parte *Predicati*, cùm Terminus *Inferens* eſt prædicatum : ut,

*Planta non eſt animal. Ergo, Planta non eſt brutum.*

3. Ex parte *utriusque*, cùm & Subjectum & Prædicatum eſt Terminus *Inferens* ; quod fit, quoties ſunt 4. Terminī, 2. *Inferentes* & 2. *Illati*, nullus *Communis* : ut,

*Sobrietas eſt laudanda. Ergo, Ebrietas eſt vituperanda.*

Unde oriuntur *Sex Modi* argumentandi.

Locus *Dialecticus*, qui dicitur *Differentia Maxima*, eſt triplex ſc. *Internus, Exterius & Medius*.

### De LOCIS INTERNIS.

Locus *Internus* eſt, unde petuntur Argumenta,

menta, quorum Terminus Inferens est  
Intrinsicus Illato. Horum

1. Primus Locus est à DEFINITIONE &  
DEFINITO ; à quibus argumentamur  
omnibus sex Modis, juxta hæc

3. AXIOMATA.

1. Quicquid de *Definitione*, etiam de *Defi-*  
*nito* affirmatur aut negatur ; & con-  
tra : ut,

*Animal rationale est risibile. Ergo,*  
*Homo est risibilis. Et contra.*

2. De quocunque *Definitio*, etiam *Defini-*  
*tum* affirmatur aut negatur ; & con-  
tra : ut,

*Homo est substantia materialis. Ergo,*  
*Homo est corpus. Et contra.*

3 Si *Definitio* de *Definitione*, etiam *Defi-*  
*nium* de *Definito* affirmatur aut nega-  
tur ; & contra : ut,

*Animal rationale est substantia corporea. gº.*  
*Homo est corpus. Et contra.*

Nota, quòd non valent AXIOMATA  
de *Definitione* formaliter sumptâ, seu  
quatenus est *Definitio*.

Huc revocatur Locus a DIFFERENTIA  
& PROPRIETATE Specificis, cæte-  
risq; omnibus CONVERTIBILIBUS ;  
& ab ETIMOLGOIA : (licet hic ul-  
timus non tam frequens sit ; quia ple-  
rumque *Etymologia* non est Converti-  
bilis, ut cætera ; ) quibus eadem AXI-  
OMATA, mutato nomine, possunt ac-  
comodari.

II. Se-

## II. Secundus Locus est à GENERE & SPECIE. Et argumentamur

*Primò à Genere Distributo ad certam Specie,*  
(non contra) omnibus sex Modis, juxta  
hæc 3. AXIOMATA.

1. Quicquid de genere *Distributo*, etiam de qualibet ejus *specie* affirmatur aut negatur; non contra: ut,

*Nulla planta est lapis. Ergo,  
Nulla quercus est lapis.*

2. De quocunque Genus *Distributum*, etiam quælibet ejus *Species* affirmatur aut negatur; non contra: ut,

*Nulla planta est animal. Ergo,  
Nulla planta est homo.*

3. Si genus *Distributum* de *Distributo*, etiam quælibet illius *Species* de qualibet hujus affirmatur aut negatur; non contra: ut,

*Nulla planta est animal. Ergo,  
Nulla quercus est homo.*

Si tamen omnes *Species* enumerentur, licebit etiam à *Specie* ad *Genus Distributum* argumentari, juxta priora AXIOMATA; quia tunc erit *Inductio*.

*Exempla hic ponuntur Negativa, quia etsi ex parte Subjecti Argumenta Affirmativa ab hoc loco sint frequentissima; ex parte tamen Prædicati sunt rariora (nisi ad unam Speciem indeterminatò) & ex parte utriusque rarissima.*

Huc pertinet Locus à DIFFERENTIA &



& SPECIE ad Inferiora. Item à TO-  
TO in *Quantitate* (quod est vocabulum  
signo Universalis affectum : ut, *Omne  
animal*) ad Partem. Et à TOTO in  
*Tempore*, quod significat omne tempus ;  
ut, *Semper, Nusquam, Nec non* à TO-  
TO in *Loco*, quod omnem locum de-  
notat : ut, *Ubique, Nullibi, v. g.*

1. { *Hereses semper fuerunt. Ergo,*  
       *Hereses fuerunt tempore Christi.*
2. { *Deus est ubique. Ergo,*  
       *Deus est in terra.*

Secundo à Genere non Distribuo ad Speci-  
em sub divisione tantum, & contra ;  
sex Itidem Modis, juxta priora AXI-  
OMATA, mutato nomine:

Exemp. prius.

*Animal est quadrupes. Ergo,*  
*Homo vel brutum est quadrupes.*

(ad certam autem speciem non licet  
argumentari.)

Exemp. poster.

1. { *Homo est rationalis. Ergo,*  
       *Aliquod animal est rationale.*
2. { *Johannes est homo. Ergo,*  
       *Johannes est animal.*
3. { *Aliquod corpus est album. Ergo,*  
       *Aligua substantia est colorata.*

Huc revocatur Locus à DIFFERENTIA  
& INDIVIDUIS ad Superiora. Item à  
PARTE in *Quantitate, Tempore & Loco* ;  
à quibus ad Totum non licet argumen-  
tari,

## Institutionum Logice

tari, nisi additâ Negatione Distributionem impediente : ut,

1.  $\left\{ \begin{array}{l} \text{Brutum non est rationale. Ergo,} \\ \text{Non omne animal est rationale.} \end{array} \right.$
2.  $\left\{ \begin{array}{l} \text{Lupi non sunt in Angliâ. Ergo,} \\ \text{Lupi non sunt ubique.} \end{array} \right.$

### III. Tertius Locus est à TOTO & PARTIBUS.

*Totum* ( prout hic spectatur ) est duplex ; *Totum in Modo* & *Totum Integrale*. Nam de *Toto Universali* & *Essentiali* Metaphysico, in priori loco actum est ; & de *Toto Essentiali* Physico in sequente, quantum sat est, agetur.

*Totum in Modo* est nomen commune non restrictum, quod ad idem restrictum comparatur ; Et *Pars in Modo* est è contra ; ut, *Homo est Totum* ; *Homo dōsus est Pars*.

A *Toto in Modo* & à *Parte* argumentamur, sicut à *Genere* & *Specie*, juxta eadem **AXIOMATA**, mutato nomine : ut,

1.  $\left\{ \begin{array}{l} \text{Johannes non est Philosophus. Ergo,} \\ \text{Johannes non est Philosophus eximius.} \end{array} \right.$
2.  $\left\{ \begin{array}{l} \text{Aristoteles est Philosophus eximius.} \\ \text{Aristoteles est Philosophus.} \end{array} \right.$

At tallant, cū additur particula *Alienans* aut *Diminuens* ; ut,

1.  $\left\{ \begin{array}{l} \text{Cadaver est homo mortuus. Ergo,} \\ \text{Cadaver est homo.} \end{array} \right.$
2.  $\left\{ \begin{array}{l} \text{Æthiops est albus dentes. Ergo,} \\ \text{Æthiops est albus.} \end{array} \right.$

Partes

Partes *Integrantes* sunt vel *Necessariae*. i. e. sine quibus totum esse non potest ; ut, *Fundamentum* in Domo ; *Caput* in Homine : Vel *Non-necessariae*. i. e. sine quibus Totum esse potest ; ut, *Fenestra* in Domo ; *Manus* in Homine.

Argumentamur à Toto *Integrali* ad Partes, & contra, juxta hæc

2. AXIOMATA.

1. Posito Toto *Integrali* ponuntur omnes Partes *Necessariae*, & contra : ut,

*Est domus. Ergo, ( & contra: Fundamentum, parietes & tectum sunt.*

2. Ablato Toto *Integrali* aufertur aliqua Pars *Necessaria* ; & contra : ut,

*Non est domus. Ergo, ( & contra. Non est fundamentum, vel parietes vel tectum.*

IV. Quartus Locus est à CAUSA & CAUSATO.

CAUSA est cujus vi res est. Et est quadruplex, *Materia*, *Forma*, *Efficiens* & *Finis*.

MATERIA est Causa, ex qua res est.

Estque vel *Permanens*, quæ manet in effectu ; ut, *Ferrum* in gladio : vel *Transiens*, quæ non manet ; ut, *Farina* respectu panis.

Argumentamur à *Materia* ad *Materialium*, & contra ; juxta hæc

AXIOMATA.

1. Posito *Materiali* fieri potest *Materialium* ( scilicet quantum est ex parte *Materiae* ; )



& contra : ut,

*Ferrum est.* Ergo,

*Gladius fieri potest.* Et contra.

2. Sublatâ Materiâ (*necessaria*) fieri non potest *Materiatum* ; non contra ; ut,

*Non sunt ligna.* Ergo,

*Domus fieri non potest.* Non contra.

3. Sublatâ Materiâ *Permanente*, tollitur *Materiatum* ; non contra : ut,

*Non sunt ligna.* Ergo,

*Non est domus.* Non contra.

4. Si Materia *Transiens* non fuerit, non est *Materiatum* ; non contra : ut,

*Non fuit farina.* Ergo,

*Non est panis.* Non contra.

FORMA est Causa, per quam res est ; si-  
ve, *Causa Formalis* est Forma compa-  
rata ad compositum, quod constituit :  
ut, *Anima* ad Hominem ; *Albedo* ad al-  
bum, &c.

Argumentamur à Forma ad *Formatum*,  
& contra ; juxta hæc

### 3. AXIOMATA.

1. Positâ Forma (& unitâ,) ponitur *For-*  
*matum* ; & contra ; ut,

*Albedo est.* Ergo,

*Est album.* Et contra.

2. Sublatâ (vel non unitâ) Formâ, tollitur  
*Formatum* ; & contra : ut,

*Albedo non est.* Ergo,

*Non est album.* Et contra.

3. Cujus Forma præstantior, ipsum præ-  
stantius

Pars III. De Locis Internis.

233

stantius (ceteris paribus) & contra: ut,  
*Anima humana est prastantior Forma celi. 9<sup>o</sup>,  
Homo est prastantior celo. Et contra,*

Huc pertinet Locus ab INESSE ad DENOMINARI, & contra; à quo argumentamur, cum ex eo quod Forma sit vel non sit in aliquo, Concretum ejus seu Denominativum de illo affirmari vel negari colligimus; & contra: ut,  
*Albedo est in pariete. Ergo,*

*Paries est albus. Et contra,*

Fallit prior pars,

Primo, Cum Forma non inest sufficienter, i. e.

1. Satis intensè seu perfectiùs quam Forma opposita: ut,

*Aqua tepida inest calor. Ergo;*

*Aqua tepida est calida.*

2. Satis extensè, seu ultra mediam partem Subjecti capacis: ut,

*Æthiopi inest albedo in dentibus. 9<sup>o</sup>,*

*Æthiops est albus.*

3. Satis diu: ut,

*Homini timenti inest pallor. Ergo,*

*Homo timens est pallidus.*

Secundo, cum non sumitur Proprium Concretum Formæ: ut

*Dormienti inest visus. Ergo;*

*Dormiens videt. Nam li videt est*

*Concretum visionis, non visus. Sed inferendum, Ergo,*

*Dormiens est visivus.*

Q 2

Tertio,

III. *Tertio*, cum Concretum denominat Ex-  
trinsècè: ut,

Oculo inest visio. Ergo,

Oculus videtur.

IV. *Quarto*, cum modus Denominandi non re-  
spondet modo Inexistendi; ut si Forma  
inest Essentialiter, & Concretum denomi-  
nat Accidentaliter; aut contra: ut,

1. { In albedine est color, Ergo,  
Albedo est colorata.

2. { In bursa est aurum. Ergo,  
Bursa est aurea. Nam Aurum est

in Bursa Extrinsècè, non per modum  
partis: at Concretum Aurea denomi-  
nat Intrinsècè, per modum partis; cum  
significet id, quod ex auro componitur.

Fallit posterior pars in 2<sup>o</sup> & 3<sup>o</sup> casu: ut,

2<sup>o</sup> { Dormiens non videt. Ergo,  
Dormienti non inest visus.

3<sup>o</sup> { Paries videtur. Ergo,  
Parieti inest visio.

EFFICIENS est Causa, à qua aliquid fit  
ut, Artifex respectu Domûs. Estque  
vel Necessaria, sine qua non potest esse  
Effectus; nec contra: ut, Ortus solis  
respectu diei. Vel Sufficiens tantum,  
quæ sine effectû esse non potest; bene  
tamen Effectus sine illâ: ut, Jugulatio  
respectu mortis. (Non agitur hîc de  
Causis Libèris; sed tantum de Agentibus  
Naturalibus seu Necessariis.)

Argumentamur ab Efficiente ad Effectum

Effectus



Actum, & contra, juxta hæc

6. AXIOMATA.

1. Positâ Causâ necessariâ, ponitur Effectus; & contra: ut,

Sol ortus est. Ergo,

Est Dies. Et contra.

2. Sublatâ Causâ necessariâ, tollitur Effectus; & contra: ut,

Sol ortus non est. Ergo,

Non est dies. Et contra.

3. Positâ Causâ sufficienti, ponitur Effectus; non contra: ut,

Jugulatus est. Ergo,

Interiit. Non contra.

4. Sublatâ Causâ sufficienti, non tollitur Effectus; benè contra: ut non sequitur,

Non est jugulatus. Ergo,

Non interiit. Benè tamen

Non interiit. Ergo,

Non est jugulatus. Item,

5. Cujus Causa Efficiens bona, ipsum bonum; cujus mala, malum. Sive, Qualls Causa, talis Effectus; & contra.

6. Cujus Causa Interimens bona, ipsum malum; cujus mala, bonum. Horum Exempla facile occurrent.

Huc revocatur Locus à POTENTIA ad ACTUM; & contra; à quo argumentamur juxta hæc

3. AXIOMATA.

1. De quocunque Potentia, de eodem & Actum negatur; non contra. Sive,

A Potentia ad Actum negativè valet  
Consequentia ; non contra : ut,

*Christus nunquam potuit peccare. Ergo,  
Christus nunquā peccavit. Non contra.*

2. De quocunque Actus, de eodem & Po-  
tentia affirmatur ; non contra ; sive,

Ab Actu ad Potentiam affirmativè valet  
Consequentia ; non contra : ut,

*Deus quosdā mortuos ad vitam revocavit. 9º  
Deus potest mortuos ad vitam revocare.*

*Non contra.*

3. Frustra est Potentia, quæ non reducitur  
in Actum (sc. vel in se, vel in simili. i. e.  
vel in Individuo, vel in Specie) ut,

*Papistæ nunquam fecerunt Miracula. 9º,  
Papistæ non possunt facere Miracula.*

FINIS est Causa, cujus gratia aliquid fit.  
Medium est quod ad illud assequendum  
ordinatur.

Argumentamur à Fine ad Media, juxta  
hæc

### 5. AXIOMATA.

1. Cujus Finis bonus, ipsum bonum ; cu-  
jus malus, malum : ut,

1. { Scientia est bona. Ergo,  
Studium est bonum,

2. { Occidere est malum. Ergo,  
Insidias struere est malum.

2. Si Finis est possibilis, media sunt possi-  
bilia ; & contra : ut,

*Potes esse probus. Ergo,*

*Potes bene agere. Et contra.*

3. Positâ Intentione Finis eligenda sunt  
Media : ut,

*Vis esse probus. Ergo,*

*Tibi studendum est. Nam*

4. Qui vult *Finem*, vult *Media*; &, Qui non vult *Media*, non vult *Finem*.

5. Obtento *Fine* cessant *Media* (nisi iisdem sit conservandus;) ut,

*Est Pax. Ergo,*

*Non est pugnandum.*

At non sequitur,

*Hic est doctus. Ergo,*

*Non est amplius studendum. Quia*

doctrina studio conservatur.

Ex his formari possunt AXIOMATA Comparata.

Cujus *Finis melior*, ipsum *mellius*; Cujus *pejor*, *pejus*; Cujus *optimus*, *optimum*; Cujus *peffimus*, *peffimum*.

Ad Locum à CAUSA revocatur,

Primò, Locus ab APPPOSITIONE sive Adjunctione; à qua argumentamur, cum aliquam Denominationem de aliquo colligimus, ex eo quod ipsam alteri tribuit; juxta hæc

## 2. AXIOMATA.

1. Propter quod unumquodque est *tale*, etiam illud est *tale*. Sive,

Qualis *Effectus*, talis est *Causa*; & contra.

2. Propter quod unumquodque est *tale*, & illud magis (est *tale*;) ut,

*Ignis calefacit aquam. Ergo,*

*Ignis est calidus. Vel, Ergo,*

Q 4

Ignis



*Ignis est magis calidus, quam aqua.*

**Fallunt**

1. In Causis Intrinsicis : ut,  
*Johannes est homo propter animam. g<sup>o</sup>,  
Anima est homo ; vel magis homo.*
2. In Causis per Accidens & Equivocis. i.e.  
diversæ speciei ab effectu : ut,
  1. { *Aliquis est ebrius propter vinum. g<sup>o</sup>,  
Vinum est ebrium; vel, magis ebrium.*
  2. { *Musca vivunt propter solem. Ergo,  
Sol vivit ; vel, magis vivit.*
3. In Causis non Sufficientibus per se : ut,  
*Discipulus est doctus propter præceptorē. g<sup>o</sup>,  
Præceptor est magis doctus.*
4. In iis, quæ non admittunt Magis &  
Minus : ut,  
*Lumen existit propter solem. Ergo,  
Sol magis existit.*

Secundò, Locus à GENERATIONE,  
CORRUPTIONE & USU; à quibus  
argumentamur juxta hæc

### 3. AXIOMATA.

1. Cujus Generatio per se bona, ipsum bonum ;  
cujus mala, malum : ut,  
*Nativitas Christi est bona. Ergo,  
Christus est bonus, &c.*
2. Cujus Corruptio per se bona, ipsum malum ;  
cujus mala, bonum : ut,
  1. { *Mors furum est bona. Ergo,  
Fures sunt mali.*
  2. { *Mors Patris Filio nocet. Ergo,  
Pater prederat Filio.*

3. Cu-

3. Cujus *Usus* per se bonus, ipsum bonum;  
cujus malus, malum: ut,

1. { *Impugnare heresin est bonum. Ergo,*  
    { *Scientia est bona.* (malum, go,

2. { *Commercium habere cum Demone est*  
    { *Magia est mala.*

Additur per se, quia si bona vel mala sint  
tantum per *Accidens*, non valebunt **AXI-**  
**OMATA**: ut, non sequitur,

*Mors Christi est nobis bona. Ergo.*

*Christus est malus. Sic si sumatur*

*Abusus pro Usu: ut,*

*Inebriari est malum. Ergo,*

*Vinum est malum.*

V. Quintus Locus est ab **ANTECEDEN-**  
**TE & CONSEQUENTE**; quæ sunt  
duplicia, *Illatione & Tempore*:

1. *Antecedens Illatione* est id, quod alte-  
rum insert: ut, *Homo respectu Anima-*  
*lis. Consequens*, quod ab altero infer-  
tur: ut, *Animal respectu Hominis.*

A quibus argumentamur juxta hoc

**AXIOMA**:

Posito *Antecedente* ponitur *Consequens*; &  
Ex opposito *Consequentis* sequitur op-  
positum *Antecedentis*; non contra: jux-  
ta duos *Modos Syllogismi* *Conditionalis*.

2. *Antecedens Tempore* est id, quod alte-  
rum tempore præcedere debet: ut, *Flo-*  
*res respectu Fructuum. Consequens* id,  
quod sequitur: ut, *Fructus respectu florū.*

A quibus argumentamur juxta hoc

**AX.O.**

## AXIOMA.

Posito *Consequente* ponitur *Antecedens*; &  
Ex opposito *Antecedentis* sequitur op-  
positum *Consequentis*; non contra: ut,

1. { *Sunt fructus.* Ergo,  
      *Fuerunt flores.* Non contra.

2. { *Non sunt flores.* Ergo,  
      *Non erant fructus.* Non contra.

Ratio est, quia *Antecedens Tempore* est  
*Consequens Illatione.*

VI. Sextus Locus est à COMMUNITER  
ACCIDENTIBUS.

*Communiter Accidentia* sunt, quæ rem or-  
dinarie circumstant; suntq; vel *An-*  
*tecedentia*, vel *Consequentia*, vel *Conco-*  
*mitantia*; à quibus argumentamur jux-  
ta hoc AXIOMA,

Posito uno *Communiter Accidentium* veri-  
simile est poni & alterum (sc. ordine &  
tempore, quo illi conjungi solet;) ut,

1. { *Hic est bonis moribus præditus.* g.  
      *Est benè educatus.*

2. { *Sunt encænia.* Ergo,  
      *Erunt rixe.*

3. { *Ille expallescit.* Ergo,  
      *Est malè sibi conscius.*

Sic de Locis Internis.

## De LOCIS EXTERNIS.

*Locus Externus* est, à quo sumuntur Ar-  
gumenta, quorum *Terminus Inferens*  
est



est *Extrinfecus* Illato. Horum

I. Primus Locus est ab *Authoritate* seu TESTIMONIO; qui dicitur Locus *Inartificialis*, quia præbet Argumenta sine ope Artis inde eruenda; & ob contrariam rationem reliqui omnes vocantur *Artificiales*.

Testimonium est duplex, *Divinum* & *Humanum*. Ab utroque argumentamur *Affirmativè*: & à *Divino* etiam *Negativè*, in rebus ad salutem necessariis. Sed à Testimonio *Divino* *Infallibile*, non *Dialecticum* ducitur Argumentum. Itaq; à Testimonio *Humano* argumentamur juxta hæc

2. AXIOMATA.

1. Unicuique *Experto* in sua arte credendum est: ut,

*Aristoteles* dicit *terram* quiescere. Ergo, *Terra* quiescit.

2. Ab *Authoritate* *negatâ* non valet Argumentum: ut,

*Aristoteles* hoc non dicit. Ergo, Hoc ita non est.

II. Secundus Locus est à SIMILI & PARI.

*Similia* sunt, quæ alicujus attributi similem habent *Causam*; *Paria*, quæ parem: ut, *Ratio* habet similem *Causam* ad imperandum appetitui, ac *Domina* ancillæ, sc. quia est superior: ideo *Ratio* & *Domina* in hoc sunt *Similia*. *Johannes* parem

rem habet rationem, cur sit mortalis, ac  
*Petrus*, sc. quia est *Homo*: idcirco *Johannes*  
 & *Petrus* in hoc sunt *Paria*.

Ab his argumentamur juxta hoc

**AXIOMA.**

*Parium* & *Similium* par & similis; ac  
*Imparium* & *Dissimilium* dispar & dis-  
 similis est ratio: ut,

1. { *Johannes* est mortalis. Ergo,  
 { *Petrus* est mortalis. (go,
2. { *Domina* debet imperare ancille.  
 { *Ratio* debet imperare appetitui.

Sed Locus à *Dissimili* raro est in usu.

**III. Tertius Locus est à COMPARATIO-  
 NE.**

1. A Comparativo ad Positivum argu-  
 mentamur *Affirmativè*; à Positivo ad  
 Comparativum *Negativè*; non contra:

- ut,
1. { Est melior. Ergo,  
 { Est bonus. Non contra.
  2. { Non est bonus. Ergo,  
 { Non est melior. Non contra:
- cùm est ex parte prædicati.

Fallunt, cùm Comparativus sumitur im-  
 propriè (pro opposito sumpto cùm  
 adverbio *Minus*; ut *melius* pro *minus*  
*malo*: ) ut,

*Iste prædo* est melior illo. Ergo,  
*Iste prædo* est bonus.

2. A duobus Positivis ad duo Comparativa  
 argumentamur; & contra: ut,

*Docti sunt honorandi. Ergo,  
Doctiores sunt magis honorandi.*

Huc revocatur Locus à MAJORE & MINORE.

*Majus* hic est, quod est magis verisimile; & *Minus*, quod est minus: à quibus argumentamur ex parte subjecti, prædicati vel utriusque; *Negative* quidem à Majore ad Minus, & *Affirmative* à Minore ad Majus; non contra; juxta hoc

AXIOMA.

Si quod *magis* videtur tale, non sit, nec quod *minus*: & Si quod *minus* videtur tale, sit, etiam quod *magis*; non contra: ut,

1. { *Rex non potuit arcem expugnare. Ergo,  
Dux non poterit arcem expugnare.  
Puer potest illud pondus ferre. Ergo,  
Vir robustus potest illud pondus ferre.*

Non contra: *Rex potest. Ergo, & Dux.  
Puer non potest. Ergo, Nec vir robustus.*

2. { *Non potes pati verbum injuriosum. &  
Non potes pati mortem.*

3. { *Aristoteles non potuit unam rem perfectè  
comprehendere. Ergo,*

*Nos non possumus comprehendere omnia.*

IV. Quartus Locus est à REPUGNANTIBUS: à quibus argumentamur,

Primo in Genere, juxta hoc

AXIOMA.

De quocunque affirmatur unum *Repugnantium*,



nantium, de eodem negatur alterum: ut,

*Æthiops est niger. Ergo,*

*Æthiops non est albus.*

Secundò, in Specie,

A Disparatis quidem, juxta præcedens  
AXIOMA;

Ab Oppositis verò argumentamur,

1. Generaliter, juxta hoc AXIOMA.

Oppositorum opposita sunt Consequentia.

Valet 1º In Relatis: ut,

*Præceptoris est docere. Ergo,*

*Discipuli est discere.*

2º In contrariis: ut,

*Omnis virtus est laudanda, Ergo,*

*Omne vitium est vituperandum.*

At fallit, cum Propositio est vera per  
Accidens: ut,

*Album est dulce. Ergo,*

*Nigrum est amarum.*

In aliis Oppositis (maximè Contradictoriis)  
non utimur Consequentia ejusdem or-  
dinis, sed inversi: ut,

*Omnis homo est animal. Ergo,*

*Omne non animal est non homo.*

Sed hoc refertur ad Locum 5 præce-  
dentem, sc. Ab Opposito Consequentis ad  
oppositum Antecedentis; quia Prædicta-  
tum universalis Affirmativæ semper est  
Consequens Subjecti.

2. Specialiter;

A Relativa sic Relativa se mutuò po-  
nunt & tollunt: ut,

1. { Est Præceptor. Ergo,  
 { Est Discipulus. Et contra.  
 2. { Non est præceptor. Ergo,  
 { Non est Discipulus. Et contra.

A Contrariis, juxta hæc 2. **AXIOMATA.**

1. Cui convenit unum Contrariorum, potest & alterum convenire (nisi inest naturâ :) ut, Arist.  
Cat. c. 8.  
S. 28.

Hic ægrotat. Ergo,  
 Potest esse sanus.

2. De quo negatur unum Contrariorum, affirmabitur alterum (intellige Contraria immediata, & de Subjeto capaci :) ut, *Johannes non ægrotat. Ergo, Johannes est sanus.*

A Privatis argumentamur ; A negatione unius de Subjeto capaci ad Affirmationem alterius : ut,

Hic homo non est cæcus. Ergo,  
 Hic homo est visivus.

A Contradictoriis argumentamur ; A Negatione unius de quocunque Subjeto ad Affirmationem alterius ; juxta hoc **AXIOMA.**

De quolibet Affirmatio vel Negatio est vera : ut,

Vitium non est amplectendum. Ergo,  
 Vitium est non amplectendum.

Vid. Part. 2. De Prop. Infinit. Equipollentia,

## De LOCIS MEDIIS.

*Locus Medius* est, ex quo sumuntur Argumenta, quorum Terminus Inferens non est omnino vel *Intrinssecus*, vel *Extrinssecus Illato*. Horum

I. Primus Locus est à **CONJUGATIS & CASIBUS.**

*Conjugata* sunt plura, quorum unum ab altero derivatur, (sc. *Abstractum & Concretum* : ) ut, *Iustus & Iustitia*.

*Casus* sunt plura, quæ ab eodem derivantur ; (sc. *Concreta*, & *Denominativa ejusdem Formæ* : ) ut, *Iustus & Iustè*.

Ab his argumentamur,

1. Ex parte unius Extremi, tribuendo aliquid denotans bonum vel malum, juxta hoc

**AXIOMA.**

Cum quo unum *Conjugatorium* vel *Casuum*, & reliqua coherent ; & contra ;  
ut,

*Sobrietas est laudanda. Ergo,  
Sobrius est laudandus.*

2. Ex parte utriusque à duobus *Abstractis* ad duo *Concreta* : ut,

1. { *Albedo est color. Ergo,  
Album est coloratum. Et contra.*
2. { *Iustum est bonum. Ergo,  
Quod iustè fit, benè fit. Et contra.*

Fallit.

1. Cum non sunt *Conjugata* quoad signifi-



significationem : ut,

*Turpitudo est forma. Ergo,  
Turpis est formosus.*

2, Cum prædicantur per *Accidens* : ut,  
*Album est dulce. Ergo,  
Albedo est dulcedo.*

II. Secundus Locus est à DIVISIONE ; à  
qua argumentamur juxta hæc  
2 AXIOMATA.

1. Negatis omnibus *membris* dividendis,  
negatur *Divisum* : ut,

*Planta nec est homo nec brutum. Ergo,  
Planta non est animal.*

2. Affirmato *Diviso*, & negatis omnibus  
*Membris* dividendis, excepto uno, con-  
cluditur quod reliquum est ; ( intelligi-  
tur de *Divisione Totius universalis* : ) ut,  
*Equus est animal, & non est homo. Ergo,  
Est brutum.*

Argumentum ab affirmatione unius Mem-  
bri ad negationem alterius potius confir-  
mari solet per Locum à *Repugnantibus*.  
Atque hactenus de *Argumentatione Bona*.

Argumentum *Valiosum* est, cujus Consequens  
non legitime inferitur ex Antecedente.  
Estque Syllogismus *Sophisticus* vel *Pseu-  
dographemus*.

De Syllogismis Sophisticis seu FALLACIIS. *Arist. l. i.*

ῥηστικὸς Σωφιστικὸς ἔστιν, ὃ ἐν ἀληθείᾳ ὁδῷ. *Top. c. i.*  
ἢ, ὡς ἂν ὁ Σωφιστὴς ὁ ἐστὶν ἰσοδύναμος δὲ, ἢ παρὰ τὴν ἀλήθειαν. *S. 8.*

αὶ φαίνεται. Litigiosus seu SOPHISTICUS Syllogismus est, qui ex iis, quæ videntur probabilia, non sunt autem; vel ex probabilibus, aut ex iis quæ videntur probabilia, est apparens, i. e. qui habet *Premissas* tantum apparenter probabiles, aut *Consequentiam*, aut utrasque. Arque peccat

Primus solâ *Materia*: ut,  
*Quicquid non caret oculis, habet oculos.*  
*Lapis non caret oculis. Ergo,*  
*Lapis habet oculos.*

Secundus solâ *Formâ*: ut,  
*Omnis Mater diligit Filium.*  
*Omnis Pater diligit Filium. Ergo,*  
*Omnis Pater est Mater.*

Tertius utraq: ut,  
*Quicquid non perdidisti, habes.*  
*Aurum non perdidisti. Ergo,*  
*Aurum habes.*

Ibid.

9.

ΠΕΥΔΟΓΡΑΦΗΜΑ ἔστι, ὃ ἐκ τῶν ἐμφανέων τῶν ἀποδείξεων, ἢ ἀποδείξεων, ἢ ἀποδείξεων, ἢ ἀποδείξεων, ἢ ἀποδείξεων.

PSEUDOGRAPHEMA est Syllogismus, qui fit ex propriis *Disciplinæ* summationibus non veris. i. e. ex principis alicujus scientiæ malè intellectis: ut,

*Omnes semicirculi sunt æquales.*

*Sed semicirculi majoris & minoris circuli sunt semicirculi. Ergo, (æquales.*

*Semicirculi majoris & minoris circuli sunt Major a Mathematicis de semicirculis ejusdem Circuli, non etiam diversorum, pro-*  
 ut

ut hic, accipitur.

Veteres *Sophistæ*, qui gloriam ex disputationibus aucupantes, id unum agebant, ut victoriam inde reportarent, quo illam facillius obtinerent, ad certa quædam in iis collimare solebant, quæ vulgò *Meta Sophistarum* seu *Sophistica* dicuntur.

*Meta Sophistica* est scopus, ad quem *Sophista* fallaci argumento Respondentem deducere conatur. Estque quintuplex.

1. ΕΛΕΓΧΟΣ. REDARGUTIO. *Meta Redargutionis* est præconcessi negatio, vel prænegati concessio, in eadem disputatione: ut, si Respondens negaverit, 3. *Arist. de Soph. Elench. c.*

*Dormientem videre*; & postea cogatur illud concedere, quia *Dormiens habet visum.*

2. ΨΕΥΔΟΣ. FALSUM. *Meta Falsi* est concessio manifeste falli, vel negatio manifeste veri: ut, si Respondens cogatur admittere, *Hominem habere alas*, quia, eas non amisit.

3. ΠΑΡΑΔΟΞΟΝ. PARADOXUM. *Meta Paradoxi* est concessio ejus, quod communi hominum circumstantiarum opinioni repugnat: ut, si apud imperitos cogatur admittere, *Solem esse majorem totâ terrâ*, vel apud peritos, esse minorem.

4. ΣΟΛΟΚΙΣΜΟΣ. SOLOECISMUS. *Meta Solæcismi* est incongrua locutio:



ut, Si cogatur admittere hanc locutionem, *omnis mulier est sensitivus*, propter hoc argumentum,

*Omnis homo est sensitivus.*

*Omnis mulier est homo. Ergo,*

*Omnis mulier est sensitivus.*

**ΑΔΟΛΕΞΙΑ. NUGATIO.** Meta Nugationis est ejusdem vocis inutilis repetitio: ut, Si cogatur dicere, *Aliquis nasus est nasus finis* (ubi *nasus* inutiliter repetitur) propter hoc argumentum;

*Omnia finis est nasus finis.*

*Aliquis nasus est finis. Ergo,*

*Aliquis nasus est nasus finis.*

Ad has Metas pervenire conabantur Sophistæ per Syllogismos captiosos, (Sophisticos hinc dictos,) qui & FALLACIÆ audiunt; ad quas duo concurrunt,

1. *Causa Apparentiæ*, quæ est id, ratione cuius valida videtur Argumentatio: ut, in Fallacia Equivocationis, *Identitas vocis equivoca.*

2. *Causa Defectus*, quæ est id, ratione cuius invalida est argumentatio: ut, in eadem Fallacia, *Diversa vocis significatio.*

Hæc vocatur *Causa non existentie*. Unde provenit, quod in omni Fallacia sunt  
4. *Termini.*

Fallacia est duplex, In *Diffinitione* & *Extra Diffinitionem*. Fat.

Pars III. De Fallaciis in Dictione. 251

Fallacia in Dictione est, quæ causam Apparentiæ habet in Dictione seu voce, *Ibid. c. 4.*  
Etque Sextuplex, sc.

*Equivocans. Amphib. Componit. Dividit.*  
*Acc. Fig.*

I. ΟΜΟΝΥΜΙΑ. Fallacia EQUIVOCATIONIS est, cum vox æquivoca æquivocè sumitur : ut,

*Omnis canis latrat.*

*Sidus caeleste est canis. Ergo,*

*Sidus caeleste latrat. Mutatur significatio Canis.*

II. ΑΜΦΙΒΟΛΙΑ. Fallacia AMPHIBOLIÆ est, cum oratio in vario sensu accipitur : ut,

*Qui arat litus, scindit terram.*

*Qui operam perdit, arat litus. Ergo,*

*Qui operam perdit, scindit terram. In vario sensu sumitur illa oratio arat litus.*

III. ΣΥΝΘΕΣΙΣ. Fallacia COMPOSITIO-  
NIS est, cum Propositio in sensu Diviso  
vera, in Composito (quo falsa est) accipi-  
tur : ut,

*Possibile est omnem parietem esse album.*

*Sed aliquis paries est niger. Ergo,*

*Possibile est aliquod nigrum esse album.*

IV. ΔΙΑΙΡΕΣΙΣ. Fallacia DIVISIONIS est,  
cum Propositio in sensu Composito ve-  
ra, in Diviso (quo falsa est) accipitur : ut,

*Impossibile est album esse nigrum.*

*Hic paries est albus. Ergo,*

*Impossibile est hunc parietem esse nigrum.*

Syllogismi prioris Conclusio in sensu Com-

posito; posterioris Major in sensu Diviso (in quibus sumuntur) falsæ sunt (& Fallacias parlunt;) aliàs veræ.

Notetur enim quasdam Propositiones (præcipue quæ constant Terminis Connotativis) duplicem habere sensum, Compositum & Divisum.

Sensus Compositus est, cum significatum Formale Prædicati applicatur significato formali Subjecti. Sensus Divisus est, cum applicatur tantum materiali: ut hujus Propositionis, Possibile est album esse nigrum, sensus Compositus est, Possibile est album, manens album, esse nigrum: Divisus, Possibile est id, quod est album (non tamen manens album) esse nigrum.

V. ΠΡΟΣΩΔΙΑ. Fallacia ACCENTUS est, cum Accentus vocis mutatur. (Sub Accentu comprehenditur scribendi, pronuntiandi que modus quoad Literas, Compositionem, Quantitatem, Spiritum, Gestum, Tonum,) &c. ut,

Qui lepores venatur, canibus indiget.  
Poeta lepores venatur. Ergo,  
Poeta canibus indiget.

Mutatur Accentus vocis Lepores.

VI. ΣΥΜΜΑΛΛΕΩΣ. Fallacia FIGURÆ DITIONIS est, cum propter similitudinem vocum id uni attribuitur, quod alteri tantum convenit. Fitque Vel secundum proprietatem Grammaticæ: ut,

Pons.



Pars III. De Fallacijs extra Dictionem. 253

*Pons* est masculini generis. Ergo,

*Fons* est masculini generis.

Vel secundum proprietatem *Dialecticæ*; idq;

1. Explicite: ut,

*Coloratū* est predicamenti *Qualitatis*. g<sup>o</sup>,

*Lineatum* est predicamenti *Qualitatis*.

2. Implicitè, cū sub signo Substanti-

am denotante subsumitur *Quantitas*

vel *Qualitas*, aut contra; (substantiam

significant, *Quicquid*, *Omne*, *Quodcunq;*

&c. *Quantitatem*, *Quantus*, *Quantus-*

*cunque*, &c. *Qualitatem*, *Qualis*, *Quali-*

*scunq;*) &c. ut,

*Quicquid* *beri* emisti, comedisti.

1. *Carnem* *crudam* *beri* emisti. Ergo,

*Carnem* *crudam* comedisti.

Hic Substantiæ, per *quicquid* significa-

tæ, subsumitur *Qualitas*, sc. *Cruditas*,

*Quod* *ego* sum, *tu* non es.

2. *Sed* *ego* sum *homo*. Ergo,

*Tu* non es *homo*. Ubi *Quod* in

Majori refert *Individuum*, & in Minore,

eius loco, subsumitur *Species*.

Fallacia *Extra Dictionem* est, quæ Causam

Apparentiæ habet in rebus per vocem

significatis. Estq; septuplex, sc.

*Acci.* *Quid.* *Ignorans.* *Non Causa.* *Con.* *Ibid.*

*Petiz.* *Inter.*

I. ΠΑΡΕΤΟ ΣΥΜΒΕΒΗΚΟΣ. Fallacia *ACCIDENTIS* est, cū male inferitur ali-

quid rei convenire ex eo, quod conve-

niat

niat ejus Accidenti. *Accidens* hîc dicitur, quicquid aliquo modo distinctum ab altero, de eo prædicari potest, sive essentialiter sive accidentaliter : ut, *Animal, risibile, album &c.* respectu *Hominis*.

Cum verò, quicquid de altero prædicatur, est etiam aliquo modo idem cum illo; ex hac allquali identitate & diversitate Accidentis cum Subjecto oritur hæc *Fallacia* : ut hîc,

*Animal est quadrupes. Ergo,  
Homo est quadrupes.*

Ratio est, quia *Accidens* non sumitur quatenus idem cum re, cujus est *Accidens*; sed ut diversum ab illa : ut, *Animal* pro *Bruto*, quod est diversum ab *Homine*.

Huc pertinent omnia Argumenta à non Distributo ad Distributum; à Genere non distributo ad certam speciem procedentia; & Syllogismi vitiosi, modo in re ipsa, non in solâ voce, habeant Apparentiam &c. Solvuntur distinguendo id, quod per se, ab eo quod per *Accidens* convenit.

II. Παρεπίτητος ἡ ἀπὸ τοῦ ἀτυχήματος. *Fallacia DICTI SECUNDUM QUID & SIMPLICITER* est, cum proceditur à Dicto secundum quid ad Dictum Simpliciter; aut contra; ut,  
*Aethiops est albus dentes. Ergo,  
Aethiops est albus.*

Hæc

Pars III. De Fallaciis extra Dictionem. 25

Huc spectant, quæ peccant contra Locum à Toto in Modo.

Solvitur hæc Fallacia distinguendo id, quod simpliciter verum est, ab eo quod est verum secundum Quid vel ex parte tantum.

III. Παρά το τὸ ΕΛΕΥΘΕΡΟΤ ΑΓΝΟΙΑΝ. Fallacia IGNORATIONIS ELENCHI est, cum id infertur ut Contradictorium alterius, quod non est. (ΕΛΕΥΘΕΡΟΤ Ibid.)

Σωκράτης πρὸς Ἀντισθένην ἐν Λακτικῇ. S. 4.

ELENCHUS est Syllogismus cum Contradictione Conclusionis, ab alio assertæ; ut, contra assertentem, quod Plato fuit doctior Aristotele (sc. in rebus Divinis,) si quis interret, Plato non fuit doctior Aristotele (intelligendo in humanis.)

Solvitur ostendendo defectum veræ Contradictionis. v. de prop. Contradict.

IV. Παρά το ἐν ἈΠΟΧΗ ΛΑΜΒΑΝΕΙΝ. Fallacia PETITIONIS PRINCIPII est, cum aliquid probatur per seipsum aut per aliud æque ignotum: ut, Dialecticam esse scientiam, quia Logica est Scientia. Animam humanam non esse ex traduce, quia creatur. Sic cum per ambages idem probatur per seipsum; quod dicitur Idem per idem: ut, Ignem esse Elementum levissimum, quia est tenuissimum; & esse tenuissimum, quia est calidissimum; & esse calidissimum, quia esse levissimum.

Sol-



Solvitur ostendendo Medium non esse à  
*Quæsitò diversum*, aut saltem non esse  
 illo magis notum.

V. *Papa* & PHOMENON. Fallacia CONSE-  
 QUENTIS est, cùm ex Antecedente  
 infertur id, ut Consequens, quod non  
 consequitur. Fit, quoties contra Re-  
 gulas Conversionis vel Syllogismorum,  
 (præcipuè Hypotheticorum) peccatur:

Omnis homo est animal. Ergo,  
 ut, Omne animal est homo. vel, Ergo,  
 Quod non est homo, non est animal.

Omne sensitivum est vivens.  
 Planta est vivens. Ergo,  
 Item, Planta est sensitiva. Vel,  
 Planta non est sensitiva. Ergo,  
 Planta non est vivens.

Solvitur negando Consequentiam, & osten-  
 dendo illam non valere juxta dictas  
 Regulas.

VI. *Papa* & MH AITION, & AITION. Fallacia  
 NON CAUSÆ, ut CAUSÆ est, cùm  
 falsitas Conclusionis ex unâ Præmissâ  
 falsâ proveniens, attribuitur alteri ve-  
 ræ, quæ causa ejus non est: ut,

Omne immortale est æternum.

Anima humana est immortalis. ergo,

Anima humana est æterna. At

Conclusio est falsa; Ergo & Minor.

Ergo, Anima humana est mortalis. Sed

inferendum erat, Ergo, Major sc. Omne

immortale est æternum, est falsa; cujus

falsitas

Pars III. *De Fallaciis extra Dictionem.* 257  
falsitas est causa falsitatis in Conclufi-  
one.

Solvitur negando Causam *falsam*, & affig-  
nando *veram*.

VII. ΠΑΡΕ ΤΙ ΠΑΛΙΟ ΕΡΩΤΗΜΑΤΑ ΕΝ ΤΟΙΕΙΝ,  
Fallacia PLURIUM INTERRO-  
GATIONUM, UT UNIUS est, cū  
ad plures Interrogationes, ita propo-  
sitā ac si una esset, una petitur Respon-  
sio: ut, *Estne mundus perfectus & eter-  
nus*. Si affirmes, inferet, *Mundum esse  
eternum*; si neges, inferet, *Mundum  
non esse perfectum*.

Solvitur non respondendo una responsio-  
ne ad plures Interrogationes, sed di-  
stinctē ad singulas: ut, *Mundus est per-  
fectus, & non est eternus*.

Atque hæc de ARGUMENTATIO-  
NE; adeoque de TERTIA PARTE  
LOGICÆ.

---

APPEN-

# APPENDICULA.

## DE USU LOGICÆ.

**U**SUS LOGICÆ consistit in METHODO ordinandâ.

**METHODUS** ( seu **ORDO** ) est apta dispositio rerum eodem pertinentium, ut facilius intelligantur & memoriæ mandentur.

**REGULÆ** ejus sunt *duæ*.

1. *A facillioribus ad difficiliora fiat progressus.* five, Ea præmittantur, quæ facilius intelliguntur vel ad cognitionem sequentium conducunt. Ordinem enim à facillimis, lumenque oportet & robur accipiant sequentia à præcedentibus; non contra.

2. *Singule partes inter se consentiant.* Quod alicubi astringitur, nullibi destruatur.

Methodus alia est **INVENTIONIS** alia **DOCTRINÆ**.

Diversa etenim viâ ad *Disciplinas indagandas*, & ad indagatas *docendas* incedimus. Prior **INVENTIO**; **DOCTRINA** nobilior; utraque à *notioribus* nobis ad *ignotiora* procedit: sed alio atq;

alio



alio modo, nempe *Ascendendo* illa; hæc *Descendendo*.

Methodus **INVENTIONIS** est, in qua servatur Ordo inveniendis Disciplinis aptissimus; seu, quæ à singularibus & sensibilibus (quæ sunt notiora nobis simpliciter) ad universalia & intelligibilia (tanquam minus nota) ascendit. Ejus 4 sunt *Mediæ*, velut gradus, per quos ascendimus.

1. **SENSUS**; cujus adminiculo aliquam rei singularis notitiam haustumus.

2. **EXPERIMENTUM**, quod est Observatio (seu **HISTORIA**) quâ colligimus, & mente collocamus, quæ sensu aliquoties haustumus.

3. **EXPERIENTIA**, quâ collecta plura *Experimenta*, seu *Observationes* ad certum usum applicamus.

4. **INDUCTIO**, quâ collectas plures *Experientias* ad universalem Conclusionem constituendam adhibemus.

Hac Methodo usi sunt veteres in omnibus Disciplinis *inveniendis*.

Methodus **DOCTRINÆ** est, in qua servatur ordo tradendis *Disciplinis* aptissimus.

Hæc in **GENESI** & **ANALYSI** consideratur. In **GENESI**, cum nos aliquid tractamus; in **ANALYSI**, cum ab aliis tractata resolvimus: In utraq; eadem **METHODUS** conspicitur: in illâ rebus

bus texendis; in hac retexendis (nam in eadem resolvitur unumquodque, ex quibus componitur) sicut eadem via iter Thebā Athenas, & Athenis Thebas. Estque duplex, NATURALIS & ARBITRARIA seu prudentia.

Methodus NATURALIS est, in qua servatur ordo *Naturæ*.

REGULÆ ejus sunt quatuor.

1. *A prioribus ad Posteriora naturā, sive, ab universalioribus ad minus universalia fiat descensus.* Quoniam cum illa in his (adeoque in horum Definitionibus) continentur, ad perfectam eorum cognitionem conducunt; ac proinde sunt illis priora, non tantum naturā, sed & nobis quoad cognitionem distinctam.

2. *Omnes partes sint Homogenæ. i. e. non commisceantur, quæ ad diversas Disciplinas, aut ejusdem Disciplinæ diverſas partes pertinent.*

3. *Omnes partes aptis transitionibus connectantur.* Crebris enim interruptionibus intellectus & memoria turbantur; at apta partium colligatione utrumque juvabitur simul & Methodi ratio constabit.

4. *Nil desit, redundet, aut inutiliter repetatur.* Mutilatio dispendium, non Compendium est; & Redundantia damnum potius, quam lucrum.

Methodus Naturalis est *Totalis* vel *Partialis*.

Methodus *Totalis* est, quæ integra aliqua Disciplina disponitur.

Cum verò ordo *Naturæ* duplex sit; alius *Naturæ Generantis*; alius *Intendentis* (quod ad ordinem *Naturæ Generantis* priora sunt, quæ prius fiunt; ut, *Partes Toto, Causa Effectui, Media Fine*; quia hæc ex illis fiunt: at ordine *Naturæ Intendentis* è contra, sunt priora, quæ prius intenduntur; ut, *Totum partibus, Effectus Causâ, Finis Mediis.*) Methodus *Naturalis Totalis* quoq; duplex est, **SYNTHETICA & ANALYTICA.**

Methodus **SYNTHETICA** est, in qua servatur Ordo *Naturæ Generantis*, sive quæ à principiis Simplicibus ad ea progreditur, quæ ex illis sunt Composita. Cujus tres sunt partes *Subjectum, Principia & Affectiones.*

Præmissâ paucis *Subjecti* notione communi, tanquam *Præcogniti*. 1°. Agit de ejus *Principiis*. 2°. De communibus ejus *Affectionibus*. 3°. De *Subjecti Divisionibus* seu *Speciebus*, à *Simplioribus* ad magis *Compositas* (sive à magis ad minus universales) descendendo, donec tandem ad *Infimas* perveniatur.

Hæc Methodo traduntur Disciplinae

THE-



**THEORETICAE** seu *Speculative*, (quæ **SCIENTIÆ** vocantur) quarum **Finis** est ipsa **Objecti Cognitio** seu *Contemplatio*; quales sunt, **PHYSICA**, **MATHEMATICA** & **METAPHYSICA**.

**REGULÆ** ejus sunt *duæ*.

1. *Unitas Scientiæ pendet ob unitate Subjæcti seu Objecti*; *Formalis* sc. non *Materialis*. *Objectum materiale* est res considerata; *Formale*, ratio sub quâ consideratur seu *Modus considerandi*. Illud unum potest esse idemque diversarum *Disciplinarum*; sic **ARITHMETICA** & **MUSICA** considerant *Numerum*; **GEOMETRIA** & **OPTICA** *Lineam*: Hoc uniuscujusque est proprium; ut **ARITHMETICA** *Numerum* considerat, quâ *Numerum*, **MUSICA**, quâ *sonorum*; & **GEOMETRIA** *Lineam* quâ *Lineam*, **OPTICA**, quâ *Coloratam* seu *Visualem*. Unde sequitur, quod.

2. *Nil in Scientiâ tradendum est, quod non sit subiecto homogeneum*; sc. tanquam *Principium*, *Affectio* vel *Pars*.

**Methodus ANALYTICA** est, in quâ servatur *ordo naturæ Intendens*, seu, quæ factio *initio à fine ad mediâ proximâ*, & ab his ad *alia remotiora*, procedit; donec tandem ad *prima & simplicissima* perventum sit.

Ejus 3. Sunt partes, *Finis*, *Subjæctum* & *Media*. 1<sup>o</sup>. Agit de *Finis*. 2<sup>o</sup>. De *Subjæcto*,

*Subiecto*, in quod *finis* introducendus est. 3<sup>o</sup>. De *Mediis* per quæ introducitur. Ac primò de *principiis* illorum; tum de illis ipsis in *Genere*; postea in *Specie* usque ad *Infima* descendendo.

Hac *Methodo* traduntur *Disciplinae PRACTICÆ*; *ARTES*, sc. & *PRUDENTIÆ*, quarum *Finis* à cognitione distinctus est; utpote quæ non acquiescunt in nudâ rerum contemplatione; sed illam dirigunt ad ulteriorem finem, nempe *opæ* sive *operationem* aliquam cum cognitione consentientem; quales sunt *GRAMMATICA*, *RHETORICA*, *LOGICA*; *MEDICINA*, *ARCHITECTONICA*; Item *ETHICA*, *POLITICA*, *OECONOMICA*; quarum tres ultimæ sunt *PRUDENTIÆ*; reliquæ *ARTES*.

*REGULÆ* hujus *Methodi* sunt 2.

1. *Unitas Disciplinae Practicæ pendet ab Unitate Finis*. Quod enim *Subiectum* est in *Contemplativis* seu *THEORETICIS*, id *Finis* est in *Operativis* seu *PRACTICIS*. Unde,
2. *Nihil tradendum est in Disciplina Practicâ, quod non sit Fini homogeneum*, sc. tanquam *Subiectum*, aut *Medium*, mediæve *Principium*. Hæc de *Methodo Totali*.

*Methodus Partialis* est, quâ pars aliqua *Disciplinae* disponitur, aut aliquod *Thema* seorsum tractatur.

Nota, quod in ſciis bonis niſi abſque

1. De priori; Quod pars aliqua Diſcipli-  
 mine, quæ tota diſponitur ordine Ana-  
 lytico, poſſit ſervare Methodum Synthe-  
 ticum; & contra: ut in Diſciplinis  
**PRACTICIS** patet, quæ Methodo A-  
 nalytica traduntur; tamen pars illa,  
 quæ tractat de mediis, ordine Syntheti-  
 co procedit à Principiis ad Principiata;  
 unde Mediorum ſc. Principiis primum a-  
 mergendo; tum de iſtis Mediis in Genere,  
 poſtea in Specie; donec ad ſpecialiſſi-  
 ma perveniantur.

2. De poſteriori; Quod Thema eſt du-  
 plex, Simplex, quod Explicandum, &  
 Complexum, quod argumentis Proban-  
 dum eſt.

Thema Simplex eſt Terminus ſimplex,  
 ſive, quicquid concipi, exprimere po-  
 teſt ſine Affirmatione & Negatione.  
 Cujus tractandi rationis duæ ſunt par-  
 tes.

1. ONOMATOLOGIA, NOMINIS EXPI-  
 CATIO; quæ conſiſtit in ETYMOLOGIA  
 investigandâ; OMONYMIA diſcutiendâ;  
 & SYNONYMIA explicandâ, ſeu vocabu-  
 lis Synonymis in eadem & aliis linguis,  
 præſertim Latinâ, Græcâ & Hebræicâ, (ſi  
 ad Thematibus Explicationem aliquid con-  
 ferant) adducendis.

2. PRAGMATOLOGIA REI DECLARA-  
 TIO; in quâ primò proponere dum eſt



*Genus proximum* (adhibitis, si opus sit, etiam *Remotionibus*) tum *Differentia* (vel ejus defectu, si ignoretur, *Proprium*) item *Cause*, &c. Et si *Thema* sit *AGCIDENS*, etiam *Subjectum* & *Objectum*; ex quibus contexenda est *DEFINITIO*. Definitioni subjungenda sunt *Adjuncta* (*Propria*, & quandoque *Communia*) *Effecta*, *Similia*, *Dissimilia*, ac tandem *Opposita*. Postremo addenda est *Thematis DIVISIO* in *Species* vel in *Partes* *Integranes* (si id instituti ratio requirat); quæ *Species* deinde aut *Partes* eadem *Methodo* tractandæ sunt. Exemplum vide apud *Sanders.* App. 1. de *Uso Logice* c. 1.

*Aliter* fit. Tradita primò *DEFINITIO* resolvatur; in qua *Resolutione* expendendum primò *Nomen* *Thematis* *Definiti* (quo dictum est modo); tum *Genus* & *Differentia* (quibus constat *Definitio*); ex *Differentiâ* *Cause* elicendæ; item *Subjectum* & *Objectum* (quantum sc. ad propositi *Thematis* noticiam necessarium est); his *Adjuncta*, *Effecta*, &c. addenda sunt.

*Prior Methodus Synthetica* est; posterior *Analytica*. In utriusque observandum, ne quid temerè adhibeatur ad explicationem *Species*; quod ad *Genus* explicandum pertinet; utque omnia *judicio* finiatur & delectetur.

**Thema Complexum** est Propositio seu Problema, quod discutendum proponitur. Cujus tractationis 5 sunt partes.

1. **ΠΡΟΠΑΡΑΣΚΕΥΗ. PRÆFATIO** de Gravitate Controversie & Occasione Dubii; quæ omitti potest, quando minus necessaria videbitur.

2. **ΠΑΡΑΣΚΕΥΗ PRÆPARATIO QUESTIONIS**; quæ fit. 1<sup>o</sup>. Evolutione *Tetali. i. e.* Explicatione Terminorum (*Subiecti sc. & Prædicati Questionis*) per varias illorum *Acceptiones, Definitiones, & a Cognatis Distinctiones.* 2<sup>o</sup>. *Conjectione Questionis. i. e.* Statûs Controversie constitutione; quæ fit ostendendo, tum quid altero citroq; concessum est, quod *ἡ ΔΙΑΦΟΡΑ* **ACCEPTIO DATI** dicitur, tum quid proprie controversum est, quod *ἡ ΖΗΤΟΥΜΕΝΗ* seu *ἡ ΠΡΟΒΛΕΠΟΜΕΝΗ* **CONSULTATIO QUESITI** vocatur.

3. **ΚΑΤΑΣΚΕΥΗ DECLARATIO & DEFENSIO** propriæ sententiæ; quæ fit *ἡ Ὁμολογία* seu *Conclusiones*; unam aut alteram (prout videbitur) proponendo; illas imprimis; in quibus aliorum sententiæ removentur; postea quæ nostram declarant; quibus singulis suæ *Confirmations* **TOPICIS**, partim sc. a *Ratione*, partim ab *Auctoritate* seu *Testimonio* petitiæ subjiçantur, ita tamen ut *Ratio* præcedat, si **Thema** sit

Philosophicum, ſan Theologicum ſit vel Ju-  
ridicum, præcedat *Authoritas*) & ab Ex-  
ceptionibus ac Solutionibus adverſario-  
rum liberentur.

4. *ANAKLYH* CONFUTATIO ſeu  
Dilutio *Objectionum*, quæ poni poſſunt,  
vel primo loco, & *Solutiones* ultimo, ut  
vulgò fit; vel omnes cum ſuis *Solutio-  
nibus* ſive primò ſive ultimo; vel ſingula  
poſt Singulas *Concluſiones*. Similiter  
& *Solutiones* ſubjicere licet, vel ſingulas  
poſt ſingulis *Objectionibus*, vel univerſas uni-  
verſis; prout libuerit.

5. *EMIZKETH* quæ *NOPIZMATA* complecti-  
tur, ſeu *CONSECTARIA* & *Corolla-  
ria* ad *Præmiſſa*, aut ad *Veritatem* aliquam  
inſtrandâ, vel ad alias *Adverſariorum*  
*Aſſertiones* evertendas conducunt, per  
*Subſumptionem* ex noſtris *Concluſionibus*  
immediatè, vel per neceſſariam *Conſe-  
quentiam* inferenda. Quæ novis *Rati-  
onibus* non ſunt probanda, cum in prin-  
cipalium *Concluſionum*, (unde clariè de-  
ducuntur,) probatione ſatis confirmata  
præſumantur. Sed hæc Pars, ut patet,  
non eſt ſemper neceſſaria. *Exemplum*  
petatur à *Sanders*, ubi ſupra c. 2.

Atque hætenus de Methodo *Naturali*.  
Methodus *ARBITRARIA* eſt, quæ ad  
captum noſtrum eſt accommodata.  
Eſtque triplex (vel potiùs tres ſunt e-  
jus *Partes*) *Deſiciens*, cum omittuntur  
adden-



addenda; Redundans, cum adduntur  
omittenda; & Inversa, cum transpo-  
nuntur omnia.

Ea utuntur ORATORES & POETÆ,  
quibus præter docendi institutum, Au-  
ditorum Lectoremve movere atque ob-  
lectare propositum est; ad quod qui-  
dem opus est GRYPHI, quæ in Omissi-  
one, Additione, & Inversione consistit.  
Omittant ea, quæ Dicenti nocitura, vel  
Auditoribus ædium paritura videntur;  
et ceterum si ad Causam maximè conducant.

Addunt (Digressiones & alia) quæ ad  
Causæ contentione[m] magnopere non  
sufficiunt, ut Auditorem Lectoremve re-  
compensent ac detineant. Denique Probati-  
ones omniaque spirito artificio Invertunt,  
ne Ars ab Auditore animadversa sus-  
pecta sit, & assensum ejus impediat, ut  
hic (si uspiam) *Artis sit celare Artem.*

**FINIS.**

*Errata graviora sic corrigantur.*

Pag. 26. lln. 21. - - - 31. 23. Est mens-  
33. 6. - - - 50. 4. - - - 59. 6. à fine,  
- rituum. 65. 3. f. - - - 75. 13. - to non disp- 78.  
9. l. - - - 2. f. - - - 82. 19. inferri. 84. 5.  
f. leu 85. 4. f. - catum. 93. 1. - billes. 104. 9.  
Contr- l. 19. & li. 106. 6. - - - Neg- 129.  
30 & 31. transponantur præmissæ Syllogismi.  
133. 5. f. BARBARA- FIMEO. 140. ult. f. 4.  
147. 19. - - - sine puncto. 153. 4. Concl-  
154. 1. - - - 162. 2. Phæbifer. 163. 3. f. Con-  
sequentiā, lege Conclusionem. 165. 14. Exp-  
4. f. sit. 170. 15. sentire. 179. 3. sic. 180. 3 &  
5. Si omne rat- 181. 8. f. - - - 187. 3. f. - - -  
- - - 198. 13. ejus. l. bujus. 201. 10. f.  
Lex, Proph. 207. 8. in Marg, Arist. l. 1. post. c. 5.  
217. 4. Risi- 223. 10. sit. 227. 6. f. ETY-  
MOLOGIA. 228. 13. - - - non. 229. 1. - ora.  
236. 15. fecer- 6. f. S. 247. 2. f. - - - 249.  
23. amisi. 251. 4. f. - - - esse nigr.